

ଦୁଇ ପୁରୁଷ

ପରମ କଲ୍ୟାଣୀୟ

ଶ୍ରୀମାନ ଶାନ୍ତିନିଧିର ଗୁରୁପାଠ୍ୟାୟ

ଶ୍ରୀମାନ ଜଗନ୍ନାଥ ବଳେୟାପାଠ୍ୟାୟ

ଶ୍ରୀମାନ ଜଗନ୍ନାଥ ବଳେୟାପାଠ୍ୟାୟ

ସେବାପଦେଷ

ভূমিকা

‘দুই পুরুষ’ আমার তৃতীয় নাটক। আমার প্রথম নাটক ‘কালিন্দী’। কিন্তু ‘কালিন্দী’ মূলত উপন্যাস। এই হিসাবে ‘দুই পুরুষ’কে আমার প্রথম নাটক বলিলেও ভুল হইবে না। ‘দুই পুরুষ’ রচনাকালে নাম দিয়াছিলাম “পিতা-পুত্র” এবং ওই নামেই ‘শনি-বারের চিঠি’তে প্রকাশিত হইতে থাকে; সঙ্গে সঙ্গে বইখানি ছাপাও আরম্ভ হয়। ইতিমধ্যে সুপ্রসিদ্ধ রঙ্গালয় “নাট্যভারতী”র কতৃপক্ষ বইখানি শূন্যিয়া মঞ্চস্থ করিবার অভিপ্রায়ে ‘দুই পুরুষ’ নামে বইখানিকে গ্রহণ করেন। রীতেন কোম্পানির পরিচালক শ্রীযুক্ত মুরলীধর চট্টোপাধ্যায় মহাশয় আমার ধন্যবাদের পাত্র। প্রমথের শ্রীযুক্ত শিশির মল্লিক মহাশয় এবং শ্রীযুক্ত সত্য সেনের স্বর্ণ আমি অপরিসীম প্রীতি এবং কৃতজ্ঞতার সহিত স্মরণ করিতেছি। রঙ্গমঞ্চ-পরিচালক ও গ্রন্থকার হিসাবে তাঁহাদের সহিত আমার প্রথম পরিচয়। সেই পরিচয় আজ বন্ধুত্বে পরিণত হইয়াছে। তাঁহাদের সর্বশেষে আজ কিছু বলিতে গেলেই বন্ধুত্বভূতি দাঁড়াইবে। তবে কয়েকটি কথা না বলিলে আমাকে অপরাধী হইতে হইবে। রঙ্গমঞ্চের কতৃপক্ষের বিরুদ্ধে সাধারণত বাহির হইতে অসৌজন্য এবং নাটকবিচার ও নাটকের অংশ পরিবর্তন-পরিবর্জন লইয়া স্বেচ্ছাচারিতার অপবাদ শোনা যায়; কিন্তু শ্রীযুক্ত মল্লিক এবং শ্রীযুক্ত সেন সে অপবাদ মিথ্যা প্রমাণিত করিয়াছেন। এই সুযোগে বার বার তাঁহাদের আমি প্রীতিসিদ্ধ নমস্কার জানাইতেছি। ‘দুই পুরুষ’ের অন্যতম পরিচালক শ্রীযুক্ত নরেশ মিত্র মহাশয়ও আমার পুরাতন বন্ধু; তাঁহাকেও এই সঙ্গে নমস্কার জানাইতেছি।

কবিগুরু রবীন্দ্রনাথের “দেশ-দেশ নন্দিত করি” গানখানি দিয়া নাটকের স্ববনিকা অপসারণে সমগ্র নাটকখানি ম’হুত্রে এক বিশেষ মৰ্যাদা লাভ করে; গানখানির জন্য নাটকখানি গৌরবান্বিত হইয়া উঠিয়াছে। প্রমথের শ্রীযুক্ত রথীন্দ্রনাথ ঠাকুর মহাশয় গানখানি ব্যবহারের অনুমতি দিয়াছেন, এজন্য বিশেষভাবে তাঁহার নিকট আমি কৃতজ্ঞ।

অপর গান কয়খানি বাংলার প্রতিভাশালী কবি-ঔপন্যাসিক শ্রীযুক্ত প্রেমেন্দ্র মিত্রের রচনা। তাঁহার নিকটও আমার কৃতজ্ঞতা অনেক।

স্বর্ণ স্বীকার করা ছাড়াও ভূমিকায় অনেক কথা, বিশেষ করিয়া বাঙালীর জীবন, বাংলার নাটক এবং বাংলার রঙ্গমঞ্চ লইয়া বক্তব্য আমার কিছু ছিল। কিন্তু নাটক প্রকাশের মুখেই রোগে শয্যাশায়ী হইয়া পড়ায় সে ইচ্ছা আমার বর্তমানে অসম্পূর্ণই থাকিয়া গেল। বারাস্তরে সুযোগ ঘটিলে সে ইচ্ছা সম্পূর্ণ করিবার চেষ্টা করিব।

শব্দের নাট্যসংপ্রদায়কে একটি কথা নিবেদন করি। রিভলভিং স্টেজ (Revolving Stage)-এর সুবিধায় আসবাবপত্র দিয়া প্রতিটি স্টেজসাজাইবার যে সুযোগ সাধারণ রঙ্গালয়ের আছে, তাহা তাঁহাদের নাই এবং গুটানো পট দিয়াই তাঁহাদের কাজ চালাইতে হয়। অথচ আসবাব দিয়া দৃশ্য সাজাইবার প্রলোভন তাঁহারা সংবরণ করিতে পারেন না। ফলে প্রতি দৃশ্যের পর পর্দা ফেলিয়া আসবাব সরাইতে হয় ও নূতন করিয়া সাজাইতে হয়। তাহাতে অথবা সময়ক্ষেপে নাটকের অভিনয়ের গতি ব্যাহত হয়। সুতরাং তাঁহারা ওই প্রলোভন সংবরণ করিয়া একটি প্রকাশ্য দৃশ্য (discover scene) এবং পরবর্তী দৃশ্যটি পট দিয়া আবৃত করিয়া অভিনয় করিবেন—এই অনুরোধ।

তারাক্ষর বন্দ্যোপাধ্যায়

অভিনয়ের সময়সংক্ষেপের জন্য এবং গতিবেগ বৃদ্ধির জন্য নাটকের কতক কতক অংশ বাদ দেওয়া হয়। সেই অংশগুলি [] বন্ধনীকেটনের দ্বারা চিহ্নিত করিয়া দেওয়া হইল।

নাট্যভারতীতে

প্রথম অভিনয় : ৪ জ্যৈষ্ঠ ১৩৪৯

প্রথম রজনীর ব্যবস্থাপক ও অভিনেতৃগণ

প্রযোজক—শিশির মল্লিক

পরিচালনায়—নরেশ মিত্র, সত্য সেন

সঙ্গীতশিল্পী—দুর্গা সেন

নৃত্য-পরিচালনায়—হেমেন্দ্রকুমার রায়

ব্যবস্থাপক—বিজয়কৃষ্ণ মুনোপাধ্যায়

নট্যবিহারী	ছবি বিশ্বাস	কালী বাগদী	শান্তি দাশগুপ্ত
বরুণ	ফিরোজাবালা	মোড়ল	কুমার মিত্র
মহাভারত	রবি রায়	রাজেন	বিজয়কর্তিক দাস
কমলাপদ	তুলসী চক্রবর্তী	বিপিন	বিপিন বসু
শিবনারায়ণ	যোগেশ চৌধুরী	পুলিস	সুধীর গুপ্ত
ভৃত্য	জগবন্ধু চক্রবর্তী	ইন্সপেক্টার	বিজেন ঘোষ
গোপীনাথ	নরেশ মিত্র	জজ	ভোলানাথ শীল
চাপরাসী	আকাশচন্দ্র দে		{ সলিল বন্দ্যোপাধ্যায়
দেবনারায়ণ	কালী সরকার (অ্যাঃ)		{ গোপীনাথ দে
সুশোভন	জহর গাঙ্গুলী		
ভগবান	শান্তি চক্রবর্তী	জুরীগণ	সুশীল রায়
মুটে	বেচু দত্ত	.	{ মোহনলাল ঝাঙ্কিস
অরুণ	মিহির ভট্টাচার্য	.	{ বেচু দত্ত
	গিরীন ঘোষ		গিরীন ঘোষ
গ্রামবাসীকন	উমাপদ দাস		
পেশকার	উমাপদ দাস	দারোয়ান	{ আকাশচন্দ্র দে
	গোপাল নন্দী	ডাক্তার	{ জগবন্ধু চক্রবর্তী
ভৃত্যকন	প্রভাস বঙ্গ	উকিল	{ সলিল বন্দ্যোপাধ্যায়
বৃন্দ	মনোরঞ্জন ভট্টাচার্য	সঙ্গত	{ শান্তি চক্রবর্তী
			{ বিশ্বনাথ কুন্ডু
বিমলা	প্রভা	খেমটাওয়ালী	প্রতিভাবালা
সাতু	রাজলক্ষ্মী	বাইজী	হরিমতী.
কল্যাণী	অঞ্জলি রায়		{ প্রতিভা, বন্দনা,
শ্যামা	শান্তিলতা ও		{ নির্মলা, সন্ধ্যারাণী,
	ছায়া দেবী	ছাত্রীগণ	{ মহামায়া, গীতা (১),
মমতা	গীতা ও পূর্ণিমা দেবী		{ গীতা (২) বীণাপাণি,
জমিদার-গৃহিণী	রেণুবালা		{ সত্যবালা, আশালতা

পরিচয়

নুটবিহারী	...	আদর্শবাদী দেশসেবক
অরুণ	...	ঐ পুত্র
বরুণ	...	ঐ পুত্র
মহাভারত	...	ঐ আগ্রিত চাষী
কমলাপদ	...	ঐ বশু (মুনসেফ)
সুশোভন	...	ঐ ছাত্র, মৃত্যুঞ্জয়বাবুর পুত্র
বিপিন	...	ঐ মদহুরী
শিবনারায়ণ	...	ককণার জমিদার
দেবনারায়ণ	...	ঐ পুত্র
গোপীনাথ	...	ঐ গোমস্তা
কালী বাগদী	...	জমিদারের একান্ত অনঙ্গত প্রজা
মন্ডল	...	ঐ ঐ
রাজেন	...	উকিল
বশু	...	অবসরপ্রাপ্ত উকিল

জজ, জুরী, চাপরাসী, চাকর, প্রতিবেশীগণ, টাউট, কোর্ট-পুলিস, দারোয়ান

বিমলা	...	নুটবিহারীর স্ত্রী
শ্যামা	...	ঐ কন্যা
সাতু	...	" " ঐ দর-সম্পর্কীয়া বিধবা ভগ্নী
কল্যাণী	...	ঐ ছাত্রী, মৃত্যুঞ্জয়বাবুর কন্যা
মমতা	...	কল্যাণীর কন্যা
জমিদার-গৃহিণী	...	" শিবনারায়ণের স্ত্রী

প্রথম অঙ্ক

প্রথম দৃশ্য

স্থান—নুর্টবিহারীর আশ্রম। কাল ১৯২২ খ্রীষ্টাব্দের প্রত্যুষ।

আকাশে সূর্যোদয় হইতেছে

(বাগানের মধ্যে একখানি মেটে বাংলো-ধরনের ঘর। বাগানের মধ্যে ছোট ছোট সবজি-ক্ষেত দেখা যায়। দুই পাশে কয়েকটি বড় গাছ। মেটে বাংলোটির সম্মুখে একটি অনাবৃত চত্বর বা রোয়াক। সেই রোয়াকের উপর নুর্টবিহারী দাঁড়াইয়া আছে। দৃষ্টি পূর্বদিকগন্তে সূর্যোদয়ের দিকে। চারিদিকে পাখির কলরব। নুর্টবিহারী স্বাস্থ্যবান দীর্ঘাকৃতি বৃদ্ধ। বয়স আশ্রমের পরিচিত। মুখে বহু ক্রেশের চিহ্ন। কিন্তু সে চিহ্ন বুদ্ধজয়ীর ললাট-কর্তের মত তাহার রূপকে দৃষ্ট করিয়া তুলিয়াছে। পরনে খন্দর। তাহার সম্মুখেই দুটি ছোট ছেলেমেয়ে—বরুণ ও শ্যামা জোড়হাতে গান গাহিতেছে। যখনকা অপসারিত হইবার পূর্ব হইতেই তাহারা গাহিতেছিল)

(গান)

“যারা তব শক্তি লিভল নিজ অন্তর মাঝে,
বর্জিল ভয় অর্জিল জয় সার্থক হ’ল কাজে।

দিন আগত ওই

ভারত তবু কই,

আত্ম-অবিশ্বাস তার নাশ’ কঠিন-ঘাতে।

পুঞ্জিত অবসাদ ভার হান’ অশনি-পাতে।

ছায়া-ভয়-চকিত-মুঢ় করহ পরিচাণ হে,

জাগ্রত ভগবান হে।

দেশ-দেশ নিন্দিত করি মাদ্রুত তব ভেরী,

আসিল যত বীরবৃন্দ আসন তব ঘেরি।

(গান শেষ হইলে নুর্ট সন্মোহিত হইলে ও মেয়ের মাথায় হাত বুলাইয়া দিল)

নুর্ট। যাও, এইবার পড়তে ব’স গিয়ে।

বরুণ। আজ কখন ছুটি দেবেন বাবা? আজ যে জগন্নাথী-পূজো!

শ্যামা। একদিন ঘট ভরতে যাবে বাবা, খানিক পরেই বলিদান হবে। কাল থেকে থিয়েটার হবে; ম্যারাপ বাঁধছে। একটু পরেই কিন্তু ছুটি দেবেন আমাদের।

নুর্ট। একটু পরেই ছুটি দিতে হবে?

বরুণ। আশ্রমের ছেলেদের তো আজ সমস্ত দিন ছুটি দিয়েছেন! বড়দার বড় ইচ্ছারও আজ ছুটি। আমাদের—

নুর্ট। আচ্ছা, তোমাদেরও যদি আজ সমস্ত দিন ছুটি দেওয়া হয়?

(প্রবেশ করিল বিমলা—নুর্টবিহারীর স্ত্রী। বয়স চব্বিশ-পঁচিশ। দুঃখ-ক্লেশে প্রান্ত অবসন্ন, কিন্তু মুখে বিরক্তি। তাহার মুখ অস্বাভাবিক রকম গম্ভীর)

নুর্ট। এস। কি সংবাদ? চাল নেই, না, নুদন নেই? ওই দুটো না থাকলেই ভাবনা।

বাকি সমস্তগুলোকেই বিলাসের পর্যায়ে ফেলে নির্দিশ হতে পারা যায়।

বিমলা। (ছেলেমেয়ের প্রতি) যা, পড়তে ব’সুগে যা।

নট। ওদের আজ ছুটি। জগদ্ধাত্রী-পূজা। জগদ্ধাত্রীর গল্প শুনেই ওরা পূজা দেখতে যাবে।

বিমলা। যাবার সময় দুজনে দুটো লাউয়ের খোলা হাতে করে যাস—বুঝলি?

নট। বরদুগ, শ্যামা, তোমরা এখন পূজা দেখে এস। গল্প ও-বেলায় বলব।

(বরদুগ ও শ্যামার প্রস্থান)

বিমলা। ওদের তাড়িয়ে দিলে যে?

নট। ওদের সামনে যে কথাটা তুমি বলবে, সেটা বলা খুব শোভন হবে না বিমলা।

বিমলা। আমি কি বলব তুমি জানতে পেরেছ?

নট। জানা কথা যে। আদিকাল থেকে গৃহিণীরা আমাদের মত স্বামীকে ওই একই কথা বলে আসছেন—

“অন্ন জোটে না, কথা জোটে মেলা,

নিশিদিন ধরে এ কি ছেলেখেলা

ভারতীরে ছেড়ে ধর এই বেলা—

লক্ষ্মীর উপাসনা।”

‘ভারতী’ কথাটা পালটে ‘ভারত’ বলতে পার। ‘স্বদেশ’ বললে আরও পরিষ্কার হবে।

বিমলা। (তিস্ত হাসি মুখে ফুটিয়া উঠিল) না। লক্ষ্মীর উপাসনা করতে বলতে আসি নি। বলতে এসেছি, লক্ষ্মীর উপাসনা যখন বজ্রনই করেছ, তখন লক্ষ্মীর বরপত্নী যারা, তাদের সঙ্গেই বা সম্পর্ক রাখবে কেন? রাখতে হয় তুমি রাখ, আমি রাখতে পারব না; বাবুদের বাড়ির পূজায় যন্ত্রের নৈমন্ত্যে আমি যাব না, যেতে পারব না।

নট। (গম্ভীরভাবে) কিস্তি আমি যে নিমন্ত্রণ নিয়েছি বিমলা!

বিমলা। তুমি নিয়েছ, তুমি যাও, তোমার ছেলেমেয়েদের নিয়ে যাও, আমি যাব না।

আমায় যেতে বলো না, তোমার পায়ে পড়ি, আমায় যেতে বলো না।

নট। তোমার যে অভিযোগ, সেটা তোমার মনের ভ্রম হতে পারে। দারিদ্র্যের জন্যে যাদের ক্ষোভ থাকে, ঐশ্বৰ্যের জন্যে গোপন আকাঙ্ক্ষা তাদের অনিবার্য; তারাই কথায় কথায় সংসারে অপমানবোধ করে। এটা তাদের দুর্বল স্বভাবের ধর্ম। দোতলার বারান্দায় অবস্থাপন্ন ঘরের মেয়েদের বসবার জন্যে তোমাকে মৈদান থেকে উঠিয়ে দিয়েছিল—এটা সত্যি নাও হতে পারে। হয়তো জায়গার অকুলান হচ্ছিল, তাই তোমাকে বলে থাকবেন—

বিমলা। হ্যাঁ, তাই সকলকে বাদ দিয়ে বেছে বেছে আমাকেই বলে থাকবেন—তুমি আবার এখানে কেন বাপু? তুমি নীচে গিয়ে বস। শুধু জায়গার অকুলান কেন? খাবার সামগ্রীও অকুলান হয়েছিল, তাই খাওয়ার ব্যবস্থাও দুই রকম হয়েছিল। পাতার অকুলান পড়েছিল, তাই ছেঁড়া পাতায় খেয়েছি। সবই আমার মনের ভ্রম, ঐশ্বৰ্যের জন্যে ক্ষোভ, সম্পদের ওপর লোভ!

(নট গম্ভীরভাবে পায়চারি করিতে আরম্ভ করিল)

ওই খোঁটাই তুমি চিরদিন আমাকে দিলে। দারিদ্র্যের জন্যেই আমার দুঃখের অন্ত নেই, টাকা পয়সা ছাড়া আমার আর কিছু কামনা নেই, তুমি গরিব বলে—

নট। (হাসিয়া) সে কি মিথ্যে বিমলা? সে কামনা কি তোমার নেই? সেটা কি তুমি অস্বীকার কর?

বিমলা। না, অস্বীকার করি না, স্বীকার করি। টাকা-পয়সা আমি চাই, সম্পদ আমি চাই। কেন চাইব না? আমার ছেলেমেয়েদের আমি সাধ মিটিয়ে খেতে পরতে দিতে চাই, আমার স্বামীকে—

নুট। আমার কথা বাদ দাও বিমলা।

বিমলা। কেন ?

নুট। কারণ, এই আমার সবচেয়ে বড় স্নেহ। সংসারে কারও ঈর্ষার পাত্র নই আমি, কাউকে আমি বঞ্চিত করি নি। থাক, সে কথা তুমি বোঝ নি, বুঝবে না।

বিমলা। আমি মর্মে, সে কথা আমি জানি। সেইজন্যেই কি তুমি আমায় ঘৃণা কর ?

নুট। না, ঘৃণা তোমায় আমি করি না ; তবে শিক্ষার গুণ আছে বইকি বিমলা।

বিমলা। হ্যাঁ। আছে বইকি। সেই গুণের আগুনেই তো তুমি পুড়ছ। সে কি আর আমি জানি না ? জানি। কিন্তু শিক্ষিতা মেয়ে যে তোমাকে প্রত্যাখ্যান ক'রে ধনীর ছেলের গলায় মালা দিলে, সে অপরাধ কি আমার ? যার জন্যে একবিন্দু ভালবাসা তুমি আমায় দিলে না, দিতে পারলে না।

নুট। (কিছুক্ষণ স্তম্ভভাবে বিমলার দিকে চাহিয়া থাকিল, তারপর বলিল) এও তোমার মনের ভ্রম বিমলা।

বিমলা। এও আমার ভ্রম ? ভ্রম ক'রেই কি বিধাতা সংসারে আমাকে পাঠিয়েছিলেন ? ভ্রম ছাড়া কি জীবনে আমার কিছু নেই ?

নুট। তুমি উত্তেজিত হয়েছ বিমলা, ওসব কথা এখন থাক।

বিমলা। উত্তেজিত হয়েছি ! তেজ থাকলে উত্তেজনা আসে মানুষের। আমার তেজ অহংকার ধুলোয় লুটিয়ে মাটির সঙ্গে মিশে গেছে। উত্তেজিত আমি হই নি, কেবল দুঃখের কথাই তোমাকে জানিয়ে গেলাম।

(প্রস্থানোদ্যত)

নুট। শোন।

বিমলা। বল।

নুট। আমার অনুরোধ, তুমি খেতে যাও।

(বিমলা স্থির দৃষ্টিতে-তাহার মুখের দিকে চাহিয়া রহিল)

তুমি যা বলেছ, সে কথা সত্যি কি না, আমি আবার একবার যাচাই ক'রে নিতে চাই।

(বিমলা স্থির দৃষ্টিতেই স্বামীর মুখের দিকে চাহিয়া রহিল)

আমার অনুরোধ বিমলা, আমার—

নেপথ্যে মহাভারত মোড়ল। দাদাঠাকুর !

নুট। কে ? মহাভারত ?

[মহাভারত প্রবেশ করিয়া নিজের বৃকের দিকে আঙুল দেখাইয়া বলিল]

মহা। দেখ দাদাঠাকুর, এই দেখ।

নুট। এ কি মহাভারত, তোমার বৃকের ওপর জুতোয় ছাপ !

মহা। জুতো স্নান লাগি মারলে বৃকের ওপর।

নুট। কে ?

মহা। ছোট তরফের ওই মাতাল ছেলোটা। বাবুদের থিয়েটার হবে, তাই বেগার দেবার কথা। কিন্তু ওঁদিকে আমার আলুর জমিতে খুঁড়বার, মাটি দেবার बात হয়েছে, তাই গিয়ে জোড়হাত ক'রে বললাম—আজকে আমাকে রেহাই দ্যান। তা জুতো স্নান বসিয়ে দিলে বৃকে লাগি।

নুট। (মহাভারতের মুখের দিকে স্তম্ভভাবে আরও শুনিনবার প্রতীকার চাহিয়া রহিল, তারপর বলিল) তার পর ?

মহা। বড়বাবুর কাছে গেলাম, তা বাবু কথাটা উড়িয়েই দিলেন ; বললেন—উঃ, তুই বেটার

তো মহা ভাগ্য রে বেটা চাষা ; একে ব্রাহ্মণ, তার জমিদার—রাজা ।

বিমলা । তার শূদ্র-পা নয়, জুতো সূক্ষ্ম লাথি ।

মহা । আজে হ্যাঁ মা । সেই কথাই বললেন, বলে—ভগবান ভৃগুমুনির লাথি খেয়েছিলেন, পায়ের দাগ নাকি বৃকে আঁকা আছে ।

নট । জলে বাস ক'রে কুমীরের সঙ্গে বিবাদ করতে পারবে মহাভারত ?

বিমলা । কথাটা তুমি ভুল বললে ।

নট । কেন ?

বিমলা । জলে বাস করলেই কুমীরে খায় ; বাদ করলেও খায়, না করলেও খায় ।

মহা । ঠিক বলেছ মা, ঠিক বলেছ । চিরকাল বেগার দিয়ে এলাম, ক্ষেতের ফসল, বাগানের ফল, পুকুরের মাছ, দেবতার সঙ্গে বাবুদিগে দিয়ে এলাম । দাদাঠাকুর, মেয়ের বিয়েতে দেড় শো টাকা ধার নিয়েছিলাম বড়বাবুর কাছে, সুদ দিয়েছি দশ শো পঁচাত্তর টাকা দশ আনা । চক্রবর্তী সুদ । খাজনার সুদ টাকায় সিকি, তার ওপরে মামুলী চাঁদা—এবার আবার হাসপাতালের চাঁদা টাকায় এক আনা ।

নট । হাসপাতালের চাঁদা ?

মহা । বাবুরা হাসপাতাল দেবে ।

বিমলা । সে তো ভালই হবে, বেতের ঘায়ে চামড়া ফেটে গেলে টিণ্ডার আইডিন লাগিয়ে দেবে ।

মহা । মাজিস্টার সাহেব বলেছে, দিতে হবে ।

নট । (হাসিল) মাজিস্ট্রেট সাহেব দীর্ঘজীবী হোন, কল্যাণ হোক তাঁর ।

মহা । মাজিস্টার সাহেবের কাছে তুমি একটা দরখাস্ত লিখে দাও ।

নট । দরখাস্ত নয় মহাভারত, বৃকের এই দাগ দেখিয়ে তুমি ফৌজদারী একটা নালিশ ক'রে দিয়ে এস । পারবে ?

মহা । পারব ।

নট । খরচ আছে ?

মহা । খরচ !

নট । হ্যাঁ । খরচ লাগবে তো ।

(বিমলা ভিতরে চলিয়া যাইবার উদ্যোগ করিল)

যেনো না বিমলা, দাঁড়াও ।

বিমলা । না ।

নট । না নয়, শোন ।

বিমলা । না—না—না । আমার সর্ব্বলের মধ্যে দু'গাছা শাখা-বাঁধা, আর ময়্য খুকীর দু'গাছা বালা । সে আমার চেয়ে না, আমি পারব না—সে দিতে আমি পারব না ।

(চলিয়া গেল)

নট । (কিছুক্ষণ চিন্তা করিয়া ও আত্মসংবরণ করিয়া) আমার এক মোস্তার বন্ধুকে আমি চিঠি লিখে দিচ্ছি মহাভারত, তুমি তার কাছে যাও । আমরা দুজনে একসঙ্গে মোস্তারি পাস করেছিলাম । তার পসারও ভাল । আমার বিশ্বাস, সে আমার কথা রাখবে ।

[ঘর হইতে লিখবার সরঞ্জাম আনিয়া চিঠি লিখিতে আরম্ভ করিল]

মহা । তুমি যদি মোস্তারি করতে দাদাঠাকুর, তবে কেমন হ'ত বল দেখি ? ছেলোপিলে ঘর-সংসারের এই দুঃস্থ, মোস্তারি পাস ক'রে এসে তুমি গরিবগুলোর ছেলে নিয়ে কি পাঠশালা করছ, এতে যে কি হবে তুমিই জান । ওকালতি প'ড়ে পাস দিলে না । মোস্তারি পাস

ক'রে পাঠশালা করছ। মা-ঠাকরুনের রাগের দোষ কি বল? দাদাঠাকুর, তুমি আবার মোক্তারি আরম্ভ কর না কেন?

নট। (চিঠি শেষ করিয়া) এই চিঠি নিয়ে তুমি যাও। মোক্তার হরেন্দ্রনাথ বসু। হরেনবাবু মোক্তারকে সবাই চেনে; বড় মোক্তার তিনি। এখনই চ'লে যাও তুমি। এই তো তিন মাইল রাস্তা—রামপুর। তবে আর একবার ভেবে দেখ। যে আগুন জ্বালতে চাচ্ছ, তার আঁচ তোমাকেও লাগবে, হয়তো তাতে তোমাকে পুড়তেও হতে পারে।

মহা। চিতের কড়ি বে'চে যাবে দাদাঠাকুর, আমার চিতের কড়ি বে'চে যাবে। দাও, চিঠি দাও। (চিঠি লইয়া প্রস্থান)

নট। (কিছুক্ষণ চুপ করিয়া থাকিয়া আপন মনেই আবৃত্তি করিল)

“হে, মোর দুর্ভাগ্য দেশ যাদের করেছ অপমান—
অপমানে হতে হবে তাহাদের সবার সমান।

মানুষের অধিকারে
বশিত করেছ যারে—”

(ঠিক এই মতের এই বিমলা আসিয়া দুইগাছি শিশুর বালা ও নিজের দুইগাছি শাখা-বাধা নটের সম্মুখে ফেলিয়া দিল)

বিমলা। এই নাও।

নট। (আবৃত্তি বন্ধ হইয়া গেল) নিয়ে যাও, আর দরকার নেই। মহাভারত চলে গেছে।

বিমলা। না, দরকার আছে। মহাভারতকে ডাক।

নট। না। আমি আমার এক মোক্তার বন্ধুকে চিঠি লিখে দিয়েছি, সে বিনা পয়সাতেই কাজ ক'রে দেবে। আদালত-খরচা পরে নেবে। আমার অনুরোধ সে নিশ্চয় রাখবে।

বিমলা। না, ক'রে দেবে না। এ তোমার অন্যায় অনুরোধ। বিনা পয়সায় কেন সে ক'রে দেবে?

নট। সংসারে পয়সাটাই সকলের কাছে বড় জিনিস নয় বিমলা।

বিমলা। (কিছুক্ষণ স্বামীর মতের দিকে তাকাইয়া থাকিয়া) আমার কাছেই পয়সাটা সকলের চেয়ে বড় জিনিস, না?

(নটু কোনও উত্তর দিল না)

(প্রত্যন্তরের অপেক্ষায় তখনই ভাবেই স্বামীর মতের দিকে চাইয়া থাকিয়া উচ্ছ্বসিত অভিমানে প্রশ্ন করিল) কেন? কেন? কেন তুমি আমাকে এমন ভাবে অপমান কর?

নট। না। তোমায় অপমান আমি করি নি। এও তোমার মনের ভ্রম।

বিমলা। এও আমার ভ্রম! (দৃঢ়স্বরে) না, এ আমার ভ্রম নয়। শৃঙ্খল আজ ব'লে নয়, সমস্ত জীবনটাই তুমি আমায় অপমান ক'রে এসেছ।

নট। বিমলা, তুমি কি বলছ?

বিমলা। আমি ঠিক বলছি। বিয়ে ক'রে স্বামী যদি স্ত্রীকে ভালবাসতে না পারে, তাকে যদি ঘৃণা করে, আর দয়া ক'রে যদি সেই ঘৃণা মনে চেপে রাখে, তবে সে অপমান নয় তো কি? তার চেয়ে বড় অপমান মেয়েদের আর কি আছে? তুমি যদি শিক্ষিতা ধর্মীর মেয়ে কল্যাণীকেই ভালবাসতে, তবে কেন তাকেই তুমি—

নট। (দৃঢ় কঠিন স্বরে) বিমলা!

বিমলা। না, আমি আজ চুপ করব না। কেন তুমি তাকেই বিয়ে করলে না?

নট। বিমলা !

(বিমলা উচ্ছ্বাসিত ক্রন্দন চাপিতে চাপিতে চলিয়া যাইতেছিল)

যেয়ো না। শূনে যাও, আমার উত্তর শূনে যাও। হ্যাঁ, কল্যাণীকে আমি এককালে ভালবাসতাম। কিন্তু আজ তাকে আমি ঘৃণা করি। অর্থ এবং আভিজাত্যের পায়ে সে প্রেমকে ধুলোয় লুটিয়ে দিয়েছে। তাকে আমি তোমার চেয়ে অনেক বেশি ঘৃণা করি।

বিমলা। আমাকে তুমি কেন ঘৃণা করবে? কেন? আমার কি অপরাধ?

নট। টাকার ওপর লোভ, সোনার ওপর লোভ, সম্পদের ওপর লোভ—তোমার অপরাধ।

বিমলা, লক্ষ্মীদেবীকে সকলে পূজো করে কিন্তু লক্ষ্মীর বাহন পাঁচা সংসারে চিরদিনই ঘৃণ্য জীব।

(বিমলা আবার চলিয়া যাইতে উদ্যত হইল)

আর একটা কথা।

(বিমলা দাঁড়াইল)

কল্যাণী এখন পরশ্রী। সে আমার ভগ্নীর তুল্য। তার বাপ ছিলেন পণ্ডিত, দেশ-সেবক। তার নাম নিয়ে এমন আলোচনা আর তুমি ক'রো না। এ শূদ্ধ অন্যাস নয়, অপরাধ। (নটু বলিয়াই আবেগবশে চলিয়া গেল, কিন্তু মূহূর্ত-পরে আবার ফিরিয়া আসিল) আরও একটা কথা তোমাকে স্মরণ করিয়ে দিই। বিয়ের সময় তুমি নিতান্ত ছোট ছিলে না। তোমার মনে থাকার কথা, মনে থাকা উচিত। তোমার বাবা আমার অবস্থা জানতেন। তা ছাড়া, তোমার বাবাকে আমি বলেছিলাম—দেশের সেবা আমার রত, যে-দেশের লোকের দৈনিক গড় আয় দশ পয়সা। দারিদ্র্য আমার চিরসঙ্গী। সুতরাং দশ পয়সার বেশি তুমি আমার কাছে প্রত্যাশা করতে পার না।

বিমলা। (হাসিয়া) আমি তো দশ পয়সাও খাই না। তুমি, তোমার দুই ছেলে অরুণ-বরুণ, তোমার মেয়ে শ্যামা—চারজনে চার্লিশ পয়সার খাও। আমি খাই তার অবশেষ—উচ্ছিষ্ট। (নেপথ্যে সাত-ঠাকরুন—নটুবিহারীর সম্বন্ধীয় ভগ্নী—ঠিক এই সময়েই উচ্চ কণ্ঠে ডাকিল)

সাতু। বউ! অ বউ! বলি ওলো, অ নটুর বউ!

নট। বউ এখানে রয়েছে সাতুদিদি। কি বলছ?

(সাতুর প্রবেশ। বয়স পঁয়ত্রিশ-ছত্রিশ। বেশ অটসটি চেহারা, পরনে থান; মাথার চুল ছোট করিয়া ছাঁটা। মূখের ভিতরের পান গালের উপর আবেশ মত ভিতর হইতে ঠেলিয়া উঠিয়াছে)

সাতু। বলছি, বাবুদের বাড়ি খেতে যাবে কখন? আমাদের বউরা সব কাপড়-চোপড় প'রে তোর বউয়ের জন্যে দাঁড়িয়ে আছে।

নট। এই যাচ্ছে দিদি। যাও বিমলা, সকলে তোমার জন্যে অপেক্ষা করছেন।

সাতু। মূখের সামনেই একটা কথা আমি বলি—তুই বারণ কর তোর বউকে, বড়লোকের মেয়েদের গারে গা দিয়ে বেন তাদের সঙ্গে বসতে না যায়। গত বছর পাঁচবার বারণ করলাম—বউ, খানিকটে না হয় দাঁড়ই হবে, ওপরে বসতে যাস নি। যেমন যাওয়া, দিলে উঠিয়ে। অপমানটা কি যেচে না নিলেই হত না। কই, আস বউ, আস।

(অগ্রসর হইল, বিমলাও স্বামীর মূখের দিকে চাহিয়া অনুসরণে উদ্যত হইল)

নট। (ডাকিল) যেয়ো না বিমলা, তোমার যাওয়া হবে না।

সাতু। সে কি রে! খেতে যাবে না কি?

নট। না সাতুদিদি, যাবে না।

সাতু। ভিক্ষে পূজো উঠিয়ে দিবি?

নুট। দোব নয়, দিলাম।

সাতু। নুট, আর পাগলামি করিস নি। একেই তো শুনি, পুলিস লেগে আছে তোর পেছনে। তার ওপর বাবুদের সঙ্গে বিবাদ করিস নি। পায়ে মাথায় সমান করতে নেই। নুট। সেইজন্যেই তো মাথার বাড়িতে পা যাবে না সাতুদি।

(সাতু অবাক হইয়া তাহার মুখের দিকে চাহিয়া রহিল)

বউদের নিয়ে তুমি যাও সাতুদি, ও যাবে না।

সাতু। যা ভাল বোঝ, তাই কর ভাই। কারুর কথা তো তুমি নেবে না। (প্রস্থান)

(নুট আপন মনেই উদ্দেশে কাহাকে প্রণাম করিল)

বিমলা। (হাসিয়া) বাবুদের প্রণাম জানাচ্ছ নাকি ?

নুট। না। মহাশয় দুর্বারসাকে প্রণাম জানালাম।

বিমলা। তা হ'লে বল, নিজেকেই প্রণাম জানাচ্ছ ! লোকে তো তোমাকেই বলে—কলির দুর্বারসা।

নুট। তারা ভুল বলে। আমার সে ক্ষমতা থাকলে লক্ষ্মীর দণ্ড চূর্ণ করবার জন্যে তাকে আবার একবার সাগরতলে নির্বাসনে পাঠাতাম।

নেপথ্যে কে ডাকিল। এইটে কি নুটবিহারী বাবুর বাড়ি ?—নুটবিহারী মুখুজে ?

নুট। হ্যাঁ। নুটবিহারী মুখুজের বাড়ি। কে ? কোথা থেকে আসছেন ?

নেপথ্যে। আমি কমলাপদ—কমলাপদ ঘোষ।

নুট। কমলাপদ, কমল ! আরে, এস এস এস। (অগ্রসর হইয়া গেল, ষাইবার সময় বিমলাকে বলিল) বিমলা, কমল আমার কলেজের বন্ধু—এখন মনুসফ। যা হয় তাল্লা খাবার আয়োজন কর।

(নুট দ্রুত অগ্রসর হইয়া বাহিরে গেল। বিমলা ব্যস্তভাবে ঘরের ভিতর প্রবেশ করিল। নুট পর-মুহূর্তেই বন্ধুকে লইয়া প্রবেশ করিল। কমলাপদের বেশভূষা অভিজাতজনোচিত। ঈষৎ স্তূলকায়, মাথায় টাক পাড়িতে আরম্ভ হইয়াছে। নুটরই সমবয়সী)

নুট। এস, এস ভাই। উঃ, কতদিন পরে বল তো ?

কমল। এ কি চেহারা হয়েছে তোমার নুট—রুদ্ধ কঠোর ?

নুট। (হাসিয়া) Don't forget Aristotle, old boy ! Beauty to different ages different. To full men, strength of body fit for the wars, and countenance sweet with a mixture of terror. এস এস, ভিতরে এস।]

(ভিতরের দিকে অগ্রসর হইল)

দ্বিতীয় দৃশ্য

কঙ্কণাবাবুদের বাড়ি, বড়বাবুর খাসকামরা

স্তূলকায় বড়বাবু—শিবনারায়ণবাবু তাকিয়ান্ন ঠেস দিয়া অর্ধশায়িত, মূখে গড়গড়ার নল। চাকর পায়ে হাত বুলাইতেছে। বয়স পঞ্চাশ বা তদধিক। বিংশ শতাব্দীর তৃতীয় দশকেও তিনি উনিবিংশ শতাব্দীর প্রথম দিকের মানুষ। পরনে চুনট করিয়া কৌচানো ধান-ধুতি। গায়ে বেনিয়ান। একখানা শাল শরীর হইতে খসিয়া কোমরে পাড়িয়া আছে। সম্মুখে বিনীতভাবে আসিয়া দাঁড়াইল মামলা-সেরেন্তার কর্মচারী—গোপীনাথ। লোকটি বৈকব। কপালে ভিলক, গলায় কণ্ঠী, গায়ে ছিটের গলা-বন্ধ কোট, পরনে আধ-মল্লা ধান-ধুতি। কাঁধে জামার উপর একখানি চাদর সমস্ত ফেলা আছে। মাথার চুল ছোট

করিস্না ছাঁটা। মধ্যস্থলে একটি টিংক। আসিস্না নতজান্দু হইয়া বসিস্না সর্বিনয়ে পায়ে হাত দিয়া মাথায় ঠেকাইল, জিভে ঠেকাইল, বুকুে ব্দুলাইল।

শিব। অঃ, কে, গদুপী? এস। কি সংবাদ?

গোপী। আজ্ঞে, সংবাদ গদুদুতর।

শিব। গদুদুতর?

গোপী। আজ্ঞে, ছোটখোকাবাবু আজ মহাভারত মন্ডলে একটা লাথি মেরেছিলেন।

শিব। হ্যাঁ হ্যাঁ। এক বেটা চাষা তখন এসেছিল বটে আমার কাছে।

গোপী। আজ্ঞে হ্যাঁ। বিবেচনা করুন, লোকটা গেছে ফৌজদারিতে নালিশ করতে।

শিব। (চোখ মদিয়া নল টানিতে টানিতে নিশ্পৃহভাবেই বলিলেন) বল কি? লাথি মারার জন্যে বেটা চাষা নালিশ করতে গেছে!

গোপী। আজ্ঞে হ্যাঁ। আমি ছিলাম কোটে—কমলপুরের শ্বগীর মহেশ্বর গাঙ্গুলীর বন্ধকী তমসুদের জন্যে তদীয় পুত্র হরিশ্বর গাঙ্গুলী দিগরের নামে যে নালিশ দায়ের হয়েছে, তারই তদ্বিরের জন্যে।

শিব। (চাকরকে) জ্বরে—জ্বারে। ওরে বেটা, আরও জ্বারে টেপ্। আখ-মাড়াই কলে যেমন আখ পেষে, তেমনই জ্বারে টেপ্। পায়ের ওপর থাপড় মারবি, ক্রোশখানেক তার শব্দ শাবে, তবে তো! হ্যাঁ, তারপর গদুপী? বেটা চাষার নাম কি বললে হে?

গোপী। আজ্ঞে, মহাভারত মন্ডল।

শিব। হ্যাঁ। বেটার বাবার নাম কি হে? রামায়ণ?

গোপী। আজ্ঞে না। চ'ডী হ'ল ওর বাপের নাম। চ'ডীচরণ মন্ডল। পিতামহের নাম হরিশ মন্ডল।

শিব। হরিশ মন্ডল! হরিশ মন্ডল! হ্যাঁ হ্যাঁ, এইবার বুঝেছি। হরিশ মন্ডল। (এইবার চোখ খুলিয়া, তাকিয়াটা টানিয়া লইলেন) বাবার আমলে যে-প্রজা-ধর্মঘট হয়, সে ধর্ম-ঘটে হরিশ ছিল একজন মাতশ্বর।

গোপী। আজ্ঞে হ্যাঁ। ১২৮৫ সালের ধর্মঘটে হরিশ মন্ডল একজন মাতশ্বর ছিল। ডাঙা-পাড়ার গৌরহরি ঘোষ, ধর্মরাজের দেবাংশী হরিবোলা পাল—

শিব। হরিশের নাতি মহাভারত। তখনই বাবা ওপাপ সম্মুখে উচ্ছেদ করতে চেয়েছিলেন, আমি দয়া করেছিলাম। সমস্ত উচ্ছেদ ক'রেও সামান্য রেখে দিয়েছিলাম। সেই সামান্য আজ অষ্টাদশপর্ব মহাভারতে দাঁড়িয়েছে। আমাদের ছেলের নামে ফৌজদারিতে নালিশ করতে গেছে! চাপরাসী কে রয়েছে বাইরে?

(চাপরাসীর প্রবেশ)

চাপ। (সেলাম করিয়া) হুজুর!

শিব। মহাভারত চোড়ল, যাকে আজ ছোটখোকাবাবু লাথি মেরেছিল, তার দোরে গিয়ে হাজির থাক। বাড়িতে আসবামাত্র তাকে গলায় গামছা দিয়ে নিয়ে আসবি এখানে। এত বড় সাহস!

(চাপরাসী সেলাম করিয়া চলিয়া গেল)

গোপী। আজ্ঞে, যা বুঝলাম, সাহসের পেছনে লোক আছে।

শিব। লোক?

গোপী। আজ্ঞে, নদুই মদুখুজ্জ।

শিব। (সোজা হইয়া বসিয়া) নদুই মদুখুজ্জ! শিবপ্রসাদ ন্যায়রত্নের নাতি? কোনো কালীর বেটা? স্বদেশী ক'রে জেল খেটেছে, সেই ছোকরা?

গোপী। আঞ্জে হা। হরেন্দ্র মোক্তারের কাছে তার লেখা চিঠি আমি নিজে দেখেছি।

বিনা পরসায়, খরচা দিয়ে, মামলা দায়ের ক'রে দিতে অনুরোধ করেছিল নুটুবাবু। তা আমি সঙ্গে সঙ্গে চোখ টিপে ইশারা ক'রে দিলাম। হরেনবাবুকে আমি মোক্তারনামাও দিয়ে এসেছি।

শিব। বেশ করেছ। তুমি চাপরাসীকে বারণ কর। বল মহান্দারতকে আনবার দরকার নেই এখন। (গোপীর ব্যস্ত হইয়া প্রস্থান)

নেপথ্যে দেবনারায়ণ। বাবা! বাবা রয়েছ?

。(ব্যস্তভাবে প্রবেশ)

শিব। কি ব্যাপার? বড়বাবু, এত ব্যস্ত কেন?

দেব। ন্যায়রত্নের বাড়ির মেয়েরা খেতে আসে নি।

শিব। কার বাড়ির?

দেব। শিবু ন্যায়রত্নের, মানে নুটু মদুখুঞ্জের স্ত্রী খেতে আসে নি।

শিব। খেতে আসে নি?

দেব। না। নুটুর জ্ঞাতি-ভগ্নী সাতু-ঠাকরুণ বললে, গতবারে নুটুর স্ত্রী দোতলায়—মানে আমাদের বাড়ির, তা ছাড়া নবীন উকিলের বাড়ি—এইসব সম্ভ্রান্ত ঘরের মেয়েদের সঙ্গে সে বসেছিল। তাতে সাধারণের আপত্তি হতে পারে বলে তাকে নীচে বসতে পাঠায় হয়েছিল। সেইজন্যে আসে নি।

শিব। হুঁ।

দেব। কতবোয় খাতিরে একজন কর্মচারীকে পাঠিয়ে দিই। তাতে আসে ভাল, না আসে—

শিব। আসবে না।

দেব। না আসে, তার ব্যবস্থা হবে। আর আসবে না কি ক'রে বলছ।

শিব। নুটুকে তোমরা চেন না। সে আরও কি করেছে জান? ছোটখোকা আজ হরিণ মোড়লের নাতিকে একটা লাথি মেরেছে—

দেব। জানি।

শিব। নুটু তাকে উত্তেজিত ক'রে ফৌজদারিতে নালিশ করতে পাঠিয়েছে।

দেব। কি বলছ তুমি বাবা?

শিব। গুদুপী এখনই মহকুমা থেকে ফিরে এল, সে-ই খবর নিয়ে এসেছে। কি, বিশ্বাস করতে পারছ না?

দেব। অবিশ্যি লোকে ওদের বংশটাকেই বলে—বিছুটির ঝাড়। তবু ঠিক বিশ্বাস হচ্ছে না। আমাদের পেছনে লাগবে, ওর এত সাহস হবে? আর নুটু তো লোক খারাপ নয়।

শিব। ওর পিতামহ শিবপ্রসাদ ন্যায়রত্ন আমাকে সভার মধ্যে কি বলেছিল জান? আমার পিতামহের প্রার্থের বিচার-সভায় আমি গীতার “যদা যদাহি ধর্মস্য গ্ম্যনি” শ্লোকটি আউড়েছিলাম। আমার সেই সভার মাঝেই বলেছিল—জিহনার জড়তা দূর হয় নি তোমার; দেবভাষার অপমান করা হয় ও-রকম উচ্চারণে—যদার য বগী’য় জ নয়, অন্তস্থ য। সে উচ্চারণ আজও করতে পারি না। ও-বংশের সম্ভানের পক্ষে সবই সম্ভব।

দেব। তা হ'লে?

শিব। তা হ'লে আমাদের নিজেদের কাউকে যেতে হবে। সামাজিকতাটা অন্তত লোকধর্মের খাতিরেও রাখতে হবে। যাও, ডেকে আন,—দামাী আসন পেতে, রূপোর থালায় খেতে দাও নুটুর স্ত্রীকে। অপমান করতে হয় সম্মানের খোলস পরিয়ে কর। যেখানে চামড়ার জুতো না চলে, সেখানে চাঁদির জুতো চালাতে হয়।

দেব । বেশ, তা হ'লে সেই ব্যবস্থাই করি ।

শিব । মোজারিতে পসার হ'ল না ব'লে ছোকরা যখন চাষাভুষার ছেলেদের জন্যে পাঠশালা খুলে বসল, তখন আমি হাজার বার বলেছিলাম—উঠিয়ে দাও, ওটা উঠিয়ে দাও । তখন তুমিই বলেছিলে, একটু আধটু লেখাপড়া শিখবে বই তো নয় । ওরে বাবা, সংমাকে ঘরে ঢুকতে দিলে নিজের মা কখনও স্থির থাকতে পারেন না । ককণায় মা-লক্ষ্মী বাঁধা আছেন, সেখানে সরস্বতীর আসন ? নইলে কি ককণার বাবুদ্রা একটা ইন্সকুল দিতে পারেন না ? (হা-হা করিয়া হাসিয়া) খোদ ম্যাজিস্ট্রেট সায়েবকেই এবার সে কথা ব'লে দিলাম—হুজুর যখন ধরেছেন, তখন হাসপাতাল দোব আমরা, ইন্সকুলের কথা বলবেন না ।

দেব । দেরি হয়ে যাচ্ছে, তা হ'লে আমি যাই ।

শিব । যাও । কিন্তু ভুলে যেয়ো না বাবা, নুটু মদুখুজের নটে-গাছটি মদুডোতে হবে, আর মহাভারতের অষ্টাদশপর্বের শেষ পর্বটি পর্যন্ত আখের কলে মাড়াই ক'রে ছিবড়ে ক'রে ফেলে দিতে হবে ।

(দেবনারায়ণের প্রস্থান)

[(চাকরকে) আঃ ! শরীর ম্যাজম্যাজ ক'রে উঠল যে ! জোরে—জোরে—বেশ গোটা-কতক কিল মার্ তো পিঠে, দেখি ।

(নেপথ্যে ঘাড়িতে তিনটা বাজিল)

(সচকিতভাবে) হরি, হরি, হরি ! তাই তো বলি, শরীর এমন করে কেন ? তিনটে বেজে গেল । আফিং রে বেটা, আফিং ।]

তৃতীয় দৃশ্য

নুটাবহারীর আগ্রম । প্রথম দৃশ্যের দৃশ্য

কেবল বারান্দার উপর দুই-তিনটি মোড়া । মোড়ার উপর উপবিষ্ট নুটু ও কমলাপদ

নুটু । কল্যাণীর নাম আমার কাছে ক'রো না কমল । Her father drove me away.

কমল । Drove you away ? বল কি নুটু ? এ যে আশ্চর্যের কথা !

নুটু । Truth is stranger than fiction কমল । মৃত্যুঞ্জয়বাবু বলেছিলেন, তুমি আর এসো না আমার বাড়ি ; আমি কল্যাণীর বিবাহ অন্যত্র স্থির করেছি ; তোমার সঙ্গে তার বিবাহ অসম্ভব ।

কমল । অসম্ভব !

নুটু । অসম্ভব বইকি । [হাইকোর্টের উকিল—roaring practice ; সুরেশ্চন্দ্রনাথের সহকারী দেশসেবক, ধনী হয়ে মত পালটে করলেন সরকারের সহযোগিতা । সরকার রাজসম্মানে সন্মানিত করলেন । সে অবস্থায়] আমার মত দরিদ্র, পদ্বলিসের সন্দেহভাজনের সঙ্গে তাঁর কন্যার বিবাহ অসম্ভব বইকি ।

কমল । তোমার দারিদ্র্য তিনি জানতেন, জেনেশুনেই he picked you up ! আমরা বলতাম, কলেজ-সমৃদ্ধ মন্বন ক'রে তিনি নুটুরহকে আহরণ করেছেন ।

নুটু । তখন মৃত্যুঞ্জয়বাবু ছিলেন অন্য মানুষ । নির্যাতিত দেশসেবক, প্র্যাকটিসের তখন প্রারম্ভ । তখন ধনের চেয়ে গুণ ছিল তাঁর কাছে বড় । [এণ্ট্রান্স পনরো টাকা স্কলারশিপ পেয়ে কলেজে গেলাম, প্রফেসার সেনগুপ্ত আমাকে তাঁর ছোট ছেলে সুনীলকে পড়াবার জন্যে মৃত্যুঞ্জয়বাবুর কাছে নিয়ে গেলেন । আমার সঙ্গে আলাপ

ক'রে তিনি আকৃষ্ট হলেন। এফ. এ-তে ফাস্ট হলাম, তিনি কল্যাণীকেও পড়াবার ভার দিলেন।]

কমল। আমি তো সব জানি নুটু। মৃত্যুঞ্জয়বাবু আমার পিতৃবান্ধু ছিলেন। কল্যাণী আমায় 'দাদা' বলত, তুমি তো জান। কল্যাণীর মা কতদিন তোমার সঙ্গে কল্যাণীর বিয়ের কথা আমায় বলেছেন।

নুটু। তবুও তুমি সব জান না কমল। জানবার কথাও নয়। কল্যাণীকে আমি পড়াতাম, কিন্তু কখনও এ অসম্ভব আশা মনে আমি স্থান দিই নি। বি. এ-তে ফাস্ট হলাম, তখন মৃত্যুঞ্জয়বাবু আমার উজ্জ্বল ভবিষ্যৎ সম্পনা ক'রে কল্যাণীকে আমার হাতে সমর্পণের সংকল্প নিজে আমাকে জানানলেন, তবে আমি নিজেকে কল্যাণীর দিকে আকৃষ্ট হতে দিয়েছিলাম। কল্যাণীও আমার সে আকর্ষণকে প্রশ্রয় দিয়েছিল। কিন্তু ১৯০৮ সালের পর ঢাকা ঘুরে গেল। আলিপুর বোমার মামলার পর পদ্বীস বার বার আমাকে ধরে নিয়ে যেতে আরম্ভ করলে। ঠিক সেই সময় বাবাও মারা গেলেন। এম. এ-র রেজাল্ট অত্যন্ত খারাপ হ'ল, অর্ডিনারী সেকেন্ড ক্লাস; সুতরাং সরকারী উপাধিধারী ধনী মৃত্যুঞ্জয়বাবু drove me away! তাঁর ব্যবহারে আমি আঘাত পাই নি কমল, আঘাত পেয়েছিলাম কল্যাণীর ব্যবহারে। "So sweet was ne'er so fatal"।

কমল। তাই তো নুটু, বড় সমস্যায় ফেললে আমাকে।

নুটু। (উঠিয়া পড়িল। পদচারণা করিতে করিতে, তীক্ষ্ণ হাসি হাসিতে হাসিতে) কোন সমস্যা নেই কমল। অত্যন্ত সহজ এবং সরল।

কমল। (নুটুর মুখের দিকে চাহিয়া) নুটু, আমার মনে হচ্ছে, তুমি ভুল করেছ। কল্যাণীকে তুমি ভুল বুঝেছ।

নুটু। (হাসিল) ভুল বুঝেছি? হবে। . . .

কমল। কল্যাণী বিধবা হয়েছে জান?

নুটু। বিধবা! কল্যাণী বিধবা হয়েছে?

(বজ্রাহতের মত দাঁড়াইয়া রহিল)

কমল। হ্যাঁ। বছরখানেক আগে সে বিধবা হয়েছে। শুধু তাই নয়, সে এখন নিরাশ্রয়, গায়ের কথানা গহনা ছাড়া নিঃসম্বল।

নুটু। কি বলছ কমল? কল্যাণীর স্বশরু তো লক্ষপতি ছিলেন। জমিদারি, ব্যবসা—

কমল। হ্যাঁ, সে সবই আছে; কিন্তু কল্যাণীর তাতে কোন আধকার নেই। আমিই বিচারকের আসনে ব'সে সেই রায় দিয়েছি। কল্যাণীর স্বামী লেখাপড়া শিখেছিলেন, কিন্তু অমিতাচার ছাড়তে পারেন নি। লিভার অ্যাবসেস, সঙ্গে সঙ্গে আরও সাতখানা রোগে তিনি মারা গেলেন। তাঁর বাপ তখন বেঁচে। মাস দুই পরে তিনিও মারা গেলেন। আইন অনুসারে কল্যাণী আর তার মেয়ে সম্পত্তি থেকে বঞ্চিত হ'ল। আইন অনুসারে বিচার ক'রে আমিই সে বিধান দিয়েছি। কল্যাণী এখন নিরাশ্রয়, প্রায় নিঃসম্বল।

নুটু। (দীর্ঘনিশ্বাস ফেলিয়া) মৃত্যুঞ্জয়বাবু তো মারা গেছেন। কল্যাণী তবে এখন ভাইদের আশ্রয়ে?

কমল। মৃত্যুঞ্জয়বাবুর ছেলেরদের খবর কিছু জান?

নুটু। এখনকার খবর কিছু জানি না। বড় ছেলে বিলেতে গিয়েছিল, ছোটটি ম্যাট্রিক পাস ক'রে কলেজে পড়াছিল—সেই পৰ্যন্তই জানি।

কমল। বড় ছেলে বিলেত থেকে মেম বিয়ে করে এসেছেন। তিনি এখন খাজা সাহেব। ছোট ছেলে, তোমার ছাত্রটি, সঙ্গীতবিদ; পৈতৃক সম্পত্তি বিক্রি করে সঙ্গীতের সাধনায় ভারতবর্ষময় ছুটে বেড়াচ্ছেন কস্তুরী-মৃগের মত। শ্বশুরকুল, পিতৃকুল—কোন কুলেই এখন আর কল্যাণীর আশ্রয় নেই। একটি মেয়েকে বৃকে নিয়ে সে এখন ভেসে বেড়াচ্ছে—অকুল সমুদ্রে বললে ভুল হবে না। আমি তোমার কাছে এসেছি, নট্ট, কল্যাণীর আশ্রয়ের জন্যে।

নট্ট। আমার কাছে ?

কমল। হ্যাঁ, তোমার কাছে [মৃত্যুঞ্জয়বাবু ভুল করেছিলেন, তুমি ভুল করেছ, কিন্তু কল্যাণীর ভুল স্বেচ্ছাকৃত নয়। তোমাদের ভুলের বোঝা তার মাথায় তোমরা চাপিয়ে দিয়েছ। নদীর বৃকের ভেলা যখন ভার হয়ে ভেলার আরোহীর বৃকে চাপে, তখন নিরুপায় হয়ে তাকে ডুবতেই হয়। অসহায় ষোল-সতেরো বছরের কিশোরী মেয়ে নিরুপায় হয়ে আত্মবলি দিয়েছে। সে আমায় কি বললে জান ?

(নট্ট কমলের মৃত্যুর দিকে চাহিল)

তাদের মকদ্দমা আমার কোর্টেই চলছিল। যতদিন মকদ্দমা চলেছে, ততদিন সে যুগ্মাঙ্করে তার অস্তিত্ব আমাকে জানতে দেয় নি। আমি অবশ্য পরিচয় জানতাম। কিন্তু আইনের বিধানের বিপক্ষে আমি নিরুপায়; তাকে পথে দাঁড় করাতে আমাকে রায় দিতে হ'ল। তারপর সে আমার বাড়িতে এল। আমি মাথা নীচু করে রইলাম। সে আমায় বললে—বিচারক হিসেবে কর্তব্য নিখুঁত ভাবে পালন করেছেন বলেই ভরসা করে আপনার কাছে এসেছি। দাদা হিসেবে এইবার কর্তব্য করুন। আমার আশ্রয়ের ব্যবস্থা করে দিন। আমি বললাম—বোন, চিরদিন তুমি আমার সংসারে দিদি হয়ে থাক। কল্যাণী বললে—না, আমি রাক্ষসের বিধবা, আপনি কায়স্থ। তা ছাড়া আপনি পদস্থ সরকারী কর্মচারী। আপনার বাড়িতে আমার মেয়ে গরিব হয়ে মানুষ হতে পারবে না। যেখানে আমার মেয়ে সেই খাঁটি শিক্ষা পাবে, যেখানে আমি সত্যি সত্যি কুলীন বামুনের বিধবা বোন হয়ে থাকতে পারব, সেইখানে আপনি আমায় পৌঁছে দিন। আমি নট্টদাদার কাছে যেতে চাই।]

নট্ট। (দৃঢ়স্বরে) সে হয় না কমল। কল্যাণীকে আমি আশ্রয় দিতে পারব না।

কমল। (নট্টের মৃত্যুর দিকে চাহিয়া থাকিয়া) আমি যে তাকে সঙ্গে করে নিয়ে এসেছি নট্ট।

নট্ট। সঙ্গে নিয়ে এসেছ ? সে কি ? কোথায় কল্যাণী ?

কমল। স্টেশন থেকে তারা গরুর গাড়িতে আসছে। আমার আরদালী তাদের সঙ্গে আছে।

আমি তাড়াতাড়ি আগেই এসেছি তোমায় খবর দিতে।

নট্ট। তুমি অনায়াস করেছ কমল। এ হয় না, হতে পারে না।

কমল। তুমি এ কথা বলবে—এ আমি কল্পনাও করতে পারি নি। কল্যাণী বললে, নট্টদাদাকে খবর দেবার দরকার নেই। তার কথা আমিও অন্তরে অন্তরে সমর্থন করেছিলাম।

নট্ট। কল্যাণীর, কল্যাণীর সন্তানের দেহে ধনীর রক্ত, অস্থিমজ্জার তার সম্পদের আকাঙ্ক্ষা; দারিদ্র্যের শিক্ষা সহ্য করবার শক্তি সে রক্তের নেই। তুমি তাদের ফিরিয়ে নিয়ে যাও—

(নট্টের পিছন দিকে ইতিমধ্যে কল্যাণী তাহার মেয়ের হাত ধরিয়া প্রবেশ করিয়া দাঁড়াইয়া ছিল। সে নট্টের সমস্ত কথাই শুনিল)

কল্যাণী। (গ্লান হাসিমুখে) কিন্তু আমি তো ফিরে যাব বলে আসি নি নট্টদা।

নুট। (সচকিতভাবে ফিরিয়া দাঁড়াইয়া) কে ? কল্যাণী ?

কল্যাণী। হ্যাঁ, আমি। (মেয়ের প্রতি) মমতা, প্রণাম কর, তোমার মামা।

(মমতা প্রণাম করিল ; নুট নীরবে মাথায় হাত দিয়া আশীর্বাদ করিল) আমাদের ফিরিয়ে দেবে নুটুদা ?

নুট। (আশ্বসংবরণ করিয়া দৃঢ়স্বরে) হ্যাঁ, ফিরিয়ে তোমাদের যেতে হবে কল্যাণী। এ কণ্ট তোমরা সহ্য করতে পারবে না। এ হয় না।

কল্যাণী। মেয়েটাকে নিয়ে আমি ভেসে যাব দাদা ? (নুট নিরন্তর)

কমল। নুটু ! (নুট নিরন্তর)

চল কল্যাণী, ফিরে চল। এস।

(ঘরের দ্বার খুলিয়া বাহির হইল বিমলা,—বরাবরই তাহার শাড়ির আঁচল দেখা যাইতছিল)

বিমলা। যেয়ো না ঠাকুরঝি, দাঁড়াও। (নুটের প্রতি) আমাকে দুঃখ দেবার জন্যে তুমি ওদের ফিরিয়ে দিচ্ছ, তা আমি জানি। কিন্তু তবু বলব, তুমি পাষণ। হি ! হি ! হি !

(সকলে ঘুরিয়া দাঁড়াইল। বিমলা অগ্রসর হইয়া কল্যাণীর হাত ধরিল)

কল্যাণী। আপনি বউদি ?

বিমলা। হ্যাঁ। হি, পরের মেয়ে ব'লে এত অবহেলাই কি করে ভাই ? দেখা না ক'রেই চলে যাচ্ছ ? এস, ঘরে এস। কোথায় যাবে ? কেন যাবে ? সত্যি 'ভাই' ব'লে যদি দাবি কর, তবে এ ঘরেও তোমার অখণ্ড অধিকার। সে অধিকার উচ্ছেদ করবার ক্ষমতা ভাইয়েরও নেই, ভাজেরও নেই। এস (মমতার হাত ধরিয়া যাইতে যাইতে) খুকী, চিরকাল তোমরা মামীদের দুর্নাম ক'রে এসেছ। এবার থেকে মামাদেরও দুর্নাম ক'রো, সব সময়ে মামীদেরই দোষ থাকে না।

নেপথ্যে দেবনারায়ণ, নুটু, বাড়ি রয়েছে ? নুটু !

নুট। কে ?

দেব। আমি দেবনারায়ণ।

নুট। বাড়ির ভেতর যাও তোমরা বিমলা।

বিমলা। (উত্তেজিত হইয়া) আমি কিন্তু খেতে যাব না ; তুমি যেন কথা দিয়ো না। যে বাড়িতে গয়না-কাপড়ের আদর, সে বাড়িতে আমি গরিব—খেতে যাব না, যেতে পারব না। এস ঠাকুরঝি, বাড়ির ভেতর এস। (কল্যাণী কমলাপদ সর্বিস্ময়ে চাহিয়া রহিল) কল্যাণী। কি হয়েছে বউদি ?

নুট। কিছু হয় নি বোন। তোমরা বাড়ির ভেতর যাও। কমল, তুমি ব'স গিয়ে, আমি আসছি।

(বাহরের দিকে প্রস্থান। কমল, বিমলা, কল্যাণী ও মমতা বাড়ির ভিতর চলিয়া গেল।
দেবনারায়ণ ও নুটুর কথা বলিতে বলিতে প্রবেশ)

নুট। আমার স্ত্রীকে আমি অনুরোধ করব, কিন্তু রাখা না-রাখা তাঁর হাত। আমি তাঁকে বাধ্য করতে পারব না।

দেব। গতবার যা হয়ে গেছে, তার জন্যে নিজেকে আমি মাফ চাইতে এসেছি।

নুট। তাতে আপনাদের মহত্বই প্রকাশ পেয়েছে দেবনারায়ণবাবু। কিন্তু এর প্রয়োজন ছিল না। বরং সামাজিক খাওয়া-দাওয়ার প্রথার সংস্কার করাই উচিত। কারণ সমাজ এখন মনুর বিধানে চলে না, সমাজ চলে লক্ষ্মীর বিধানে। সে বিধানে আপনারা আমরা পৃথক জাতি, পৃথক বর্ণ।

তা. র. (২২)—২৬

দেব । তুমি কি আমাদের সঙ্গে ঝগড়া করতে বশ্পপরিষ্কর হয়েছ নুটু ?

নুটু । আপনি কি মাফ চাইবার ছলে আমাকে সাবধান ক'রে দিতে এসেছেন দেব-
নারায়ণবাবু ?

দেব । বাড়িতে পেয়ে তুমি আমাকে অপমান করছ নুটু ?

নুটু । ঠিক—ঠিক । আমাকে আপনি মাফ করবেন দেবনারায়ণবাবু ; আমার মনে ছিল না, আপনি আমার অতিথি । বরুণ ! বরুণ ! তোমার মাঝে বল, দেবনারায়ণবাবু, নিজেকে খেতে ডাকতে এসেছেন ।

(বাড়ির ভিতর হইতে ঘোমটা টানিয়া কল্যাণী দরজার পাশে আসিয়া দাঁড়াইল)

কল্যাণী । বউদিদি খেতে চ'লে গেছেন দাদা ।

নুটু । (সবিষ্টম্বে) চ'লে গেছেন ?

কল্যাণী । হ্যাঁ । এইমাত্র গেলেন । আপনার সাতুদিদি এসেছিলেন, তিনি ডেকে নিয়ে গেলেন ।

দেব । খেতে গেছেন ? বেশ, বেশ ।

(হাসিয়া চলিয়া গেল)

নুটু । শ্রিয়ান্ধারিণী দেবী ন জানন্তি কুতো মনুষ্যাঃ !

নেপথ্যে মহাভারত । দাদাঠাকুর !

নুটু । (ব্যস্তভাবে) মহাভারত ? কি হ'ল মহাভারত ?

(ব্যস্তভাবে চলিয়া যাইতেছিল, এমন সময় মহাভারতের প্রবেশ)

মহাভারত । হ'ল না দাদাঠাকুর । চিঠি ফিরিয়ে দিলে তোমার ।

নুটু । (কিছুদ্ধকণ চিন্তা করিয়া) দাঁড়াও মহাভারত, একটু দাঁড়াও ।

একটু—(ব্যস্তভাবে বাড়ির ভিতরের দরজার দিকে অগ্রসর হইতে হইতে ডাকিল)
কল্যাণী ! কল্যাণী !

নেপথ্যে কল্যাণী । আমায় ডাকছেন ?' আসিছি দাদা ।

নুটু । (আপন মনেই বলিল) "It is easier for a camel to go through the eye of a needle than for a rich man to enter into the kingdom of God" ।

[কল্যাণীর প্রবেশ]

কল্যাণী । আমায় ডাকাছিলেন নুটুদাদা ?

নুটু । ডাকাছিলাম । কয়েকটা কথা বলবার আছে ।

কল্যাণী । বলুন ।

নুটু । তুমি আমার রতের কথা জান, এককালে তোমার সঙ্গেই কত কল্পনা করিছি ।

কল্যাণী । জানি, সে কথা ভুলি নি নুটুদাদা । মেরেকে নিয়ে আপনার রতে দীক্ষা নেবার জন্যেই তো এসেছি দাদা ।

নুটু । মনে আছে কল্যাণী, রবীন্দ্রনাথের কবিতা ?—

"বড় দুঃখ বড় ব্যথা সম্মুখেতে কষ্টের সংসার,
বড়ই দরিদ্র শূন্য বড় ক্ষুদ্র বশ্ব অশ্বকার ।"

কল্যাণী । মনে আছে—

"অন্ন চাই, প্রাণ চাই, আলো চাই, চাই মৃত্ত বারু,
চাই বল, চাই স্বাস্থ্য, আনন্দ-উজ্জ্বল পরমায়ু,
সাহসবিস্তৃত বক্ষপট ।"

নুটু । (মহাভারতকে দেখাইয়া) এদের মত নান্ন নুখে সেই চাওয়ার কথা ফোটাবার জন্যে আমি শিক্ষারত নিয়ে পাঠশালা করিছি । এরা যা দেয়, তা থেকেই আমার সংসার চলে ।

আমার দীক্ষা নিতে হ'লে সেই পাঠশালার ভার নিতে হবে তোমাকে ।

কল্যাণী । বেশ, আমাকে আপনার সহকারী ক'রে নিন ।

নট । সহকারী নয় বোন, সম্পূর্ণ স্বাধীনভাবে তোমায় পাঠশালার ভার নিতে হবে ।
(আমায় অন্য কাজ নিতে হবে । শিক্ষার ব্যবস্থার আগে অত্যাচার অবিচার থেকে এদের বাঁচাতে হবে ।)

কল্যাণী । (নটকে প্রণাম করিয়া) আপনি ভার দিচ্ছেন, আমি মাথা পেতে সে ভার নিচ্ছি দাদা ।

নট । আহ, বোন, আমার বাঁচালে তুমি । তোমাকে আশীর্বাদ করি—

কল্যাণী । আশীর্বাদ করুন দাদা, মরণ যেন এসে সকল ভার আমার লাঘব ক'রে দেয় ।
(বলিয়াই দ্রুত ঘরে চলিয়া গেল)

(নট গভীর দীর্ঘনিশ্বাস ফেলিয়া স্তম্ভ হইয়া রহিল)

মহা । আমি তা হ'লে বাড়ি বাই দাদাঠাকুর । তুমি আর কি করবে বল ? শুনলাম, এখন টাকা দিলেও কোন উকিল-মোক্তারে আমার কাজ নেবে না । বাবুদা নাকি তামাম উকিল-মোক্তারকে ফী দিয়ে—

নট । (এই কথাই চকিতভাবে সচেতন হইয়া উঠিল) অপেক্ষা কর মহাভারত, অপেক্ষা কর, আমি আসছি, আমি আসছি ।

[যাইতে যাইতে ফিরিয়া বলিল]

বুকের দাগটা, জুড়োর ছাপটা যেন মূছে না,— আমি আসছি ।

[প্রস্থান]

চতুর্থ দৃশ্য

বাবুদের বাড়ির সুসজ্জিত কক্ষ

ঘরের মেঝেতে দামী আসন পাতা, সম্মুখে রূপার গ্লাসে জল, রূপার থালা-বাটিতে খাবার । একজন বি পাখা হাতে দাঁড়াইয়া আছে । গিন্নী বসিয়া আছেন । স্বয়ং বড়বাবু শিবনারায়ণও দাঁড়াইয়া আছেন । এক পাশে অবগুণ্ঠনাবৃত্তা বিমলা দাঁড়াইয়া, তাহার সর্বাঙ্গ একথানা চাদরে ঢাকা

শিব । দেখ দেখি, তুমি শিবপ্রসাদ ন্যায়রত্নের নাভবউ—নটের স্ত্রী, নটই কি আমাদের সোজা লোক ! সাধুপুরুষ—সর্বভাগী সন্ন্যাসী । তাই তো বললাম মা, বাড়ির মেয়েদের । ওরা বলে, সন্ন্যাসী কিসের ? আরে বাপদ্, দাড়ি রাখলেই যদি সন্ন্যাসী হয়, তবে তো সকল মুসলমানই সন্ন্যাসী । চুল রাখলে যদি সন্ন্যাসী হয়, তবে তো সকল স্ত্রীলোকই সন্ন্যাসী । ফল খেলে যদি সন্ন্যাসী হয়, তবে তো বনের সকল বানরই সন্ন্যাসী । গিন্নী । তুমি আর ব'কো না বাপদ্ । তুমি বরং যাও এখান থেকে । ওগো নটের বউ, তুমি খেতে ব'স বাছা । এই দেখ যথাসাধ্য খাতির আমরা করেছি । আর যেন ব'লো না—গয়না নেই ব'লে আমরা অপমান করেছি ।

শিব । দেখ দেখি ! কি বল গিন্নী, তার ঠিক নেই । গয়না মানে—অলংকার । পিণ্ডিত লোকের কথায় কথায় অলংকারের ঘটা, তার ছটা কি ? সোনা-রূপোর ছটা সেখানে মণের কাছে ছটাক । (হা হা করিয়া হাসিয়া উঠিলেন) ব'স মা, ব'স, খেতে ব'স । আমি যাই ।

বিমলা । না, আপনাকে যেতে হবে না । আপনি আমার বাপের চেয়েও বড় । আপনার সামনে আমার লজ্জা নেই ।

(সে গায়ের চাদরখানি খুলিয়া রাখিল । দেখা গেল, সর্বাস্থে তাহার বহুমূল্য অলঙ্কার ঝলমল করিতেছে । সকলে বিস্মিত হইয়া গেল । বিমলা আসনে বসিল)

ভাগ্যী পণ্ডিত লোকে কুশাসনে বসে বাবা, পাতায় খায়, মাটির ভাঁড় তাদের সম্বল ।

আপনারা এই দামী আসনে, রূপোর বাসনে খেতে দিচ্ছেন, আমি কি তার অপমান

করতে পারি ? তাই দখানা গয়না প'রে এসেছি । গিলটি নল বাবা, খাঁটি সোনার ।

(ঝির হাত হইতে পাখাখানা খসিয়া পড়িয়া গেল । বিমলাও উঠিয়া পড়িল)

আচ্ছা বাবা, এইবার আমি উঠলাম । এই আমার যথেষ্ট খাওয়া হয়েছে । আসি বাবা ।

(সে চলিয়া গেল । কাহারও মুখে কথা সরিল না)

গিন্নী । (কয়েক মূহূর্ত পরে) হ'ল তো ? হ'ল তো ? নাকে কামা ঘ'ষে দিলে গেল তো ?

শিব । (গম্ভীর ক্রুদ্ধস্বরে) দেবনারায়ণ ! দেবনারায়ণ !

(দেবনারায়ণের প্রবেশ)

দেব । বাবা !

শিব । পি'পড়ে নয়, কাকড়া-বিছে । না, কেউটে সাপ । যদি বাঁচতে চাও তো ধবংস কর ।

দেব । সাপ !

শিব । হ্যাঁ, নুটু-মুখুজে কেউটে সাপ । বাঁচতে চাও তো ধবংস কর ওকে । এস, সঙ্গে এস ।

শঙ্কর দৃশ্য

নুটুর আশ্রম

মহাভারত দাঁড়াইয়া আছে । নেপথ্য হইতে সাতু-ঠাকরুন বলিতে বলিতে প্রবেশ করিল সাতু । হ'ল তো ? বলি, হ'ল তো ? [পই পই ক'রে বারণ করলাম—ওরে নুটু, মান করিস নে, মানের গোড়ায় ছাই দে, মান বাড়বে । মানে মানে বউকে পাঠিয়ে দে । এখন হ'ল তো ? খেলে তো চাঁদির জুতো? ? তোর বউকে রূপোর বাসনে খেতে দেওয়ার মানিয়ার মানেটা কে না বুঝবে ? কই, নুটু কই ? গেলি কোথায় ? বলি, নুটুলি নাকি ঘরে খিল এ'টে ? বলি, ওরে অ নুটু !

নেপথ্যে নুটু । আসছি সাতুদি ।

সাতু । আসতে হবে না রে, আসতে হবে না । বলছি—যা, এইবার কিংখাবের পালকি পাঠিয়ে বউকে নিয়ে আস । মুরদ বুঝি । বলি, অ নুটু ।] (মহাভারতকে দেখিয়া)

অ মরণ, তুই কে রে ? অ, বলি, তুই মহাভারত ?

মহা । আজ্ঞে হ্যাঁ, দিদিঠাকরুন ।

সাতু । বলি, হ্যাঁ রে, তোর নাকি পাখনা গজিয়েছে ?

মহা । ওই ! দিদিঠাকরুন কি বলছেন গো !

সাতু । বলি, পি'পড়ের পাখা গজায় দেখেছিস তো—ফরফর ক'রে উড়ে এসে আগুনে কাঁপ দিয়ে পুড়ে মরে ? তোর নাকি তেমনই পাখনা গজিয়েছে ? বাবুদের ছোটখোকা তোকে নাথি মেয়েছে ব'লে তুই নাকি আদালতে গেছলি নাথিশ করতে ? পরামর্শ দাতা বুঝি নুটু ?

মহা । তিনি পরামর্শ দেবে কেন দিদিঠাকরুন ? আমরা কি মানব নই ?

সাত্‌। মান্‌ব ! চাষার খেঁটে আবার মান্‌ব হ'ল কবে রে ? আঁ, কালে কালে কতই দেখব ! তা তোর পরামর্শদাতাকে বলিস, তার বউকে বাবু'রা ধ'রে জুতো দিয়ে মেরেছে—অবিশ্যি রূপোর জুতো ।

(প্রস্থান)

মহা । (অত্যন্ত উত্তেজিত হইয়া) দাদাঠাকুর—দাদাঠাকুর !

(কল্যাণীর প্রবেশ)

কল্যাণী । উনি আসছেন । তোমায় বললেন, একটু জল খেয়ে নিতে । এস, বাড়ির ভেতরে এস ।

মহা । দাদাঠাকুর কই ? আমাকে তার কাছে নিয়ে চলুন ।

(কল্যাণীর সঙ্গে মহাভারত ভিতরে চলিয়া গেল । কিছুক্ষণ পরে এক দিক হইতে মোক্তারের পোশাক পরিয়া নুটুর ও অপর দিক হইতে অলংকারভূষিতা বিমলার প্রবেশ । উভয়ে উভয়কে দেখিয়া স্তম্ভিত হইয়া গেল)

নুট । (কিছুক্ষণ স্তম্ভতার পর বিস্ময়ে ক্রোধে বলিয়া উঠিল) তুমি শেষে ভিক্ষে নিয়ে এলে বিমলা ? সাত্‌-ঠাকুর'ন ব'লে গেল, বাবু'রা তোমায় চাঁদির জুতো মেরেছে । সে কথা তবে সত্যি ? কিন্তু ভিক্ষের গহনাগুলো গায়ে প'রে এলে যে ? চাঁদির জুতোটা মাথায় ক'রে আনলে না যে বড় ?

বিমলা । রূপো কেন ? আমাকে হীরে-মানিক-বসানো সোনার জুতো মারতেও কারও ক্ষমতা নেই, সাহস নেই । তুমিই আমাকে মার কথার জুতো ।

নুট । এ গহনা কার ? তুমি কোথায় পেলে ?

বিমলা । এ গহনা আমার ব্যাটার বউয়ের । ব্যাটার বিয়ের সস্বন্দ্ব ক'রে গহনা আমি আগাম নিয়েছি ।

নুট । কি বলছ তুমি বিমলা ?

বিমলা । কল্যাণী ঠাকুরঝির মেয়ে মমতার সঙ্গে আমার অরুণের বিয়ের সস্বন্দ্ব করেছি । এ গহনা মমতার—আমার ভাবী পুত্রবধূর ।

(কল্যাণী ভূমিষ্ঠ হইয়া নুটুকে প্রণাম করিল)

দ্বিতীয় অঙ্ক

প্রথম দৃশ্য

নুর্টবিহারীর শহরের বাসা

নুর্টবিহারী এখন মোক্তার। অফিস-ঘরে একদিকে একটি তক্তাপোশে বসিবার জায়গা, তক্তাপোশের উপর একটি ডেস্ক। আশেপাশে কতকগুলো ফাইল, দোয়াত ও কলমদান। ইহা ছাড়া কয়েকখানি চেয়ার, একখানি বেঞ্চ। দেওয়ালে দরজার মাথায় একটি বড় ফ্রেমে একখানি কার্পেটের সূচীশিল্প; কার্পেটে বুনিয়া লেখা—“It is easier for a camel to go through the eye of a needle than for a rich man to enter into the kingdom of God”। ইহা ছাড়া একটি পুরানো আলমারিতে বই—অ্যারিস্টটল, শেকস্পিয়ার ইত্যাদি। বাংলা বই—বীকমচন্দ্র, রবীন্দ্রনাথ ইত্যাদি

(কোর্টের পোশাকে নুর্ট ও জমিদারের কর্মচারী গোপীনাথ আসিয়া প্রবেশ করিল। গোপীনাথ একখানা চেয়ারে বসিয়া কথা আরম্ভ করিল। নুর্ট চাপকান খুলিয়া তক্তাপোশের উপর বসিয়া কাজে মন দিল)

গোপী। আপনি হলেন প্রাচীন পণ্ডিত-বংশের সন্তান, বিবেচনা করুন, তার ওপর স্বাক্ষর; তাই ধরুন আমার বলা; ও ছেঁড়া কাঁথার আগুনে জল ঢেলে নিবিয়ে ফেলুন নুর্টবাবু, একটা মিটমাট করে নিন।

নুর্ট। (কাজ করিতে করিতেই) ন্যায় আর অন্যায়ের মধ্যে মিটমাট কি আছে বলুন?

গোপী। অ্যাঁই দেখুন, মিটমাট নেই? বিবেচনা করুন, আপনি আর প্রজাদের পক্ষ নিয়ে বাবুদের সঙ্গে লাগবেন না। আর বাবুরাও তাঁদের যা কিছু কাজকর্ম এখানকার আদালতে আপনাকেই দেবেন। বছরে বাঁধা মাইনে একটা পাবেন; তা ছাড়া মামলা-মকদ্দমা যখন চলবে, তখন অধেক ফীও পাবেন।

নুর্ট। আপনার বক্তব্য শেষ হয়েছে গোপীনাথবাবু?

গোপী। এটা হয়েছে। কিন্তু আপনি যা বলবেন, তার উত্তর বাকি আছে।

নুর্ট। আমি কিছু বলব না।

গোপী। তা হ'লে বিবেচনা করুন, বক্তব্য আমার আরও আছে। ধরুন, এই এক বছর এমনই করে বিরোধ করে লাভ কি করলেন আপনি? নামডাক হয়েছে, কিন্তু পরস্যা কই হ'ল আপনার?

নুর্ট। এইবার আপনার বক্তব্য শেষ হয়েছে গোপীনাথবাবু?

গোপী। সদরের নবকান্তবাবু উকিলের নাম শুনছেন নিশ্চয়—মস্ত উকিল। বিবেচনা করুন, ফৌজদারিতে অমন বাঘা উকিল আর জন্মাল না। হাকিমকেই শুনিয়ে দিত কড়া কথা। ১৯১৫ সালে ১২ই জুলাই কোর্টে বহুশ করতে করতেই বিবেচনা করুন, মারা গেলেন। তিনিও প্রথমে আপনার মত বিনা পরসায় কেঁস নিয়ে নাম করেছিলেন। বাস, যেই নাম হ'ল, অমনই সেই যে আট টাকা ফী করে চেপে বসলেন, বিনা পরসায় আর ন'ড়ে বসতেন না। ১২ই জুলাই নবকান্তবাবু মারা গেলেন, ১৩ই তারিখে ছেলেরা হিসেব করলে—কোম্পানির কাগজে, তেজারতী বন্ধকী কারবারে, ব্যাংক মজুত আপনার এক লক্ষ পঁয়ষাট হাজার দু শো পঁচাত্তর টাকা। জমিদারির আর আপনার চৌদ্দ হাজার সাত শো টাকা। আবাদী জমি এগারো শো বিঘে। তারপর বিবেচনা করুন, বড় বড় কোম্পানিতে শেয়ার। এইবার আপনি বিবেচনা করে দেখুন। (ঘন ঘন পা দোলাইতে লাগিল) কি বলছেন বলুন তা হ'লে?

নট। আপনি তা হ'লে আসুন গোপীনাথবাবু।

গোপী। আসব ?

নট। হ্যাঁ। তা হ'লে আপনি আসুন।

গোপী। আর একটু বক্তব্য আছে নটবাবু।

নট। বলুন।

গোপী। আপনি তা হ'লে সাবধান। নমস্কার।

নট। নমস্কার।

(প্রস্থান)

(গোপীনাথের পদনয়ন প্রবেশ, নট রূঢ় দৃষ্টিতে তাহার দিকে চাহিল)

গোপী। বিবেচনা করুন, আমার বক্তব্য এখনও শেষ হয় নি। এই এক বছরে তেতাল্লিশটা মামলা আপনি বাবুদের বিরুদ্ধে লড়েছেন। কটাতে আপনি জিতেছেন, হিসেব রাখেন আপনি? আপনার হিসেব না থাকে, আমার কাছে শুনুন, -সাতটি কেসে কেবল জরিমানা হয়েছে, তাও চাপরাসীর। আর চৌত্রিশটা কেস ডিসমিস। তার পনেরোটাতে খরচা শুল্ক দিতে হয়েছে আপনার পক্ষকে। মহাভারতকে রক্ষা করতে বাকি খাজনা দিয়েছেন দু'শো পনরো টাকা দশ আনা তিন পাই। মকদ্দমা-খরচার হিসেব নেই। ভাল। বিবেচনা করুন, করুন রক্ষা তাকে। কিন্তু আপনি সাবধান।

(প্রস্থান)

(নট আপন মনেই হাসিল, তারপর চোখ মুদিয়া পিছনের বাঁলিশে হেলান দিয়া আবৃত্তি করিল)

নট। “এ দুর্ভাগ্য দেশ হতে হে মঙ্গলময়,
দূর করে দাও তুমি সর্ব তুচ্ছ ভয়,
লোকভয়, রাজভয়, মৃত্যুভয় আর—”

(কল্যাণীর প্রবেশ)

কল্যাণী। এই যে দাদা! না খেয়েই আজ আপনি কোটে চ'লে গিয়েছিলেন দাদা? বউদি বললেন—

নট। এস বোন, এস। কখন এলে ককণা থেকে? কেমন আছ?

কল্যাণী। এই আসছি, আছিও ভাল। কিন্তু আপনি উঠুন দেখি, আসুন, খাবেন—

নট। মমতা কেমন আছে? তাকে সঙ্গে আন নি?

কল্যাণী। সেও এসেছে। শ্যামার সঙ্গে সে গল্প করছে। আসুন, উঠে আসুন।

নট। তোমার পাঠশালার খবর কি?

কল্যাণী। মন্দার ভাল। বাবুরা যে পাঠশালা করেছেন, তার মাইনে উঠিফে দিয়েছেন।

তবুও আমাদের পাঠশালায় পনেরোটি ছেলে রয়েছে। আসুন, উঠে আসুন। আপনি খাবেন, আপনাকে আমি খবর বলব।

নট। ফাস্ট আওয়ারেই কাজ ছিল কল্যাণী, কাজ সেয়ে উঠে খাওয়ার সময় হয় নি। কালও কাজ রয়েছে অনেক, সেগুলো আজ না সেয়ে রাখলেই নয়। কাজ না সেয়ে আজ আমি উঠব না। কাজ বড় বেশি বাকি পড়ে গেছে ভাই।

কল্যাণী। এত বেশি কাজ আপনি নেন কেন?

নট। বেগারের কাজ কিছু বেশিই হয় বোন।

কল্যাণী। কিন্তু শরীর বাঁচিয়ে তো কাজ করতে হবে?

নট। শরীর! (হাসিল) I see a man's life is a tedious one. I have tired

myself । কল্যাণী, এক এক সময় ইচ্ছে হয়, মৃত্যুই আমার ভাল ।

(কল্যাণী চুপ করিয়া রহিল)

বিমলা আমার শান্তি দিলে না কোনদিন । একটা গান শোনাবে বোন, অনেক দিন তোমার গান শুনিনি !

(খাবারের থালা হাতে বিমলার প্রবেশ)

বিমলা । দিনরাত্রি খাওয়া খাওয়া ক'রে তোমার কাজে অশান্তি ক'রে দিই, না ? (হাসিল)
ভাত না খাও, এই অল্প একটু খেয়ে নাও দেখি । অশান্তি করতেই এসেছি আবার । ওগো
বেয়ানঠাকরুন !

কল্যাণী । না বউদি, 'বেয়ান' বলবেন না ভাই ।

বিমলা । কেন ভাই ? সম্বন্ধটা কেমন একটু টক-মেশানো মিষ্টি মিষ্টি ক'রে দিয়েছি বল
তো ? আর মমতার সঙ্গে যখন অরুণের বিয়ে দোব —

কল্যাণী । তবুও আমি আপনার গরিব ঠাকুরঝি হয়েই থাকব বউদি ।

বিমলা । কি জানি ভাই ! আমরা মৃত্যু পাড়গে'য়ে মেয়ে, কিসে কি দোষ হয় বউঝি না ।
বেশ । তুমি একটা গান গাও দেখি, তোমার দাদা গান শুনতে শুনতে খাবার খেয়ে
ফেলত ।

নট । খাবারের থালাটা আমার দাও বিমলা । গান এখন ভাল লাগবে না । আমার অনেক
কাজ বাকি রয়েছে ।

বিমলা । (হাসিয়া) সন্দের মধ্যে বেসন্দের এলেই গান আর ভাল লাগে না, নয় ? এখন
তুমি কল্যাণী ঠাকুরঝিকে গান গাইতে বলছিলে, আমি আসবামাত্র সে গানে তোমার
অরুচি ধ'রে গেল ?

কল্যাণী । আমি এখন যাই দাদা । শ্যামার সঙ্গে এখনও দেখা করি নি, সে রাগ করবে ।
অরুণ বরুণ কোথায় বউদি ?

নট । বিমলা, খাবারটা দাও ।

বিমলা । কল্যাণী-ঠাকুরঝি গান না গাইলে আমি দোব না ।

নট । বিমলা !

[বিমলা স্বামীর মৃত্যুর দিকে চাহিয়া খাবারের থালাটা আগাইয়া দিল, নটও হাত বাড়াইল ;
কিন্তু নটু ধরিবার আগেই বিমলা থালা ছাড়িয়া দিল, থালাটা পড়িয়া গেল]

কল্যাণী । আহা, পড়ে গেল ! (তাড়াতাড়ি কুড়াইতে গেল)

বিমলা । কুড়িও না ঠাকুরঝি । ওগুলো ঝাট দিয়ে বাইরে ফেলে দিতে হবে ।

নট । না না । কুড়িয়ে নেবে বইকি । গরীব-দুঃখী কাউকে দিয়ে দেবে ।

বিমলা । না । ও জিনিস কাউকে দেবার নয়, যা তোমাকে দিয়েছি, সে জিনিস—

নট । আঃ, কি বলছ বিমলা ?

বিমলা । বলছি, সমস্ত জীবনটাই তো এমনই ক'রে আমি বাড়িয়ে ধরলাম তোমার দিকে,
এমনই ক'রেই তুমি ধরলে না । সে ধুলোয় লুটিয়ে পড়ল । ধুলোয় মিশিয়ে সে
মাটিই হয়ে যাবে । সে কি তুলে অন্য কাউকে দেওয়া যায় ?

(প্রস্থান)

নট । (একটা গভীর দীর্ঘনিঃস্বাস ফেলিয়া) কল্যাণী ।

কল্যাণী । দাদা !

নট । আমরা তুমি মাপ কর বোন । বিমলার কথায়—

কল্যাণী । আপনি কেন কুণ্ঠিত হচ্ছেন বলুন তো ? আমাদের সংসারে নন্দ-ভাজে কত

বাগড়া হয় ! আর বউদি তো আমার কিছ্ৰু বলেন নি ।

(বিমলার পুনরায় খাবার লইয়া প্রবেশ)

বিমলা । (খাবারের থালা সম্বন্ধে নামাইয়া দিয়া) নাও, খাও ।

কল্যাণী । গান গাইব বউদি ?

বিমলা । না-গাইলে বৃদ্ধব, তুমি আমার ওপর রাগ করেছ ।

নেপথ্যে কমলাপদ । নুটু !

নুটু । কমলাপদ ? এস এস । কলকাতা থেকে কখন ফিরলে ?

(কমলাপদের প্রবেশ)

কমল । এই যে বউদি ! আপনাদের কাছেই এসেছি আমি । শিগগির খাবার নিয়ে আসুন ।

আপনাদের বরাদ্দমত দশ পয়সার হিসেব আজ চলেবে না । আপনাদের অরুণ আই. এ.-তে ফাস্ট হয়েছে । বরুণও ম্যাট্রিকে ডিস্টিন্ট স্কলারশিপ পেয়েছে ।

বিমলা । দাবিটা শ্রদ্ধা আমারই ওপর চালাবেন ঠাকুরপো ? অরুণের শাসুড়ী দাঁড়িয়ে রয়েছে । তাকে রেহাই দিচ্ছেন বৃদ্ধি বোন বলে ?

কল্যাণী । রেহাই দিলেই বা আমি নোব কেন বউদি ? কিন্তু অরুণ বরুণ কোথায় বউদি ?

বিমলা । তারা মহাপুরুষের ছেলে, ভাবী মহাপুরুষ । আজ রবিবার, সেই ভোরবেলায় দুই ভাই সেবক-সমিতির মূর্তির চাল আদায় করতে বেরিয়েছে । এস ঠাকুরকি, ঠাকুরপোর জন্যে খাবার তৈরি করতে হবে । আপনি কিন্তু পালাবেন না ঠাকুরপো ।

(কল্যাণী ও বিমলার প্রস্থান)

কমল । তোমায় কিন্তু এটা কথা বলব নুটু । কংগার বাবুদের সঙ্গে ব্যাপারটা এইবার মিটিয়ে ফেল ।

নুটু । কি বলছ তুমি ?

কমল । ভালই বলছি । আজ তিন বছর ধরে বিরোধ করে আসছ । এখানকার ফৌজদারী আদালতে তুমি মামলা চালাচ্ছ, ও'বা জজকোর্টে হাইকোর্টে যাচ্ছেন, সেখানে তোমাকে পয়সা খরচ করতে হচ্ছে গরিব মকেলের জন্যে । ও'দের তো পয়সার অভাব নেই লোকে বলে—কংগার লক্ষ্মী বাঁধা আছেন ।

নুটু । বিরোধ আমার ওই লক্ষ্মীর সঙ্গেই । ওই দেবতাটির অভ্যাস হ'ল লোকের মাথার ওপর পা দিয়ে চলা । তাঁর পা দুটি আমি ধুলোয় নামিয়ে দোব ।

কমল । ছি ছি ! তুমি কি যে বল নুটু !

নুটু । বলি আমি ঠিক কথাই । কিন্তু তোমার ভাল লাগছে না । না-লাগবারই কথা । লক্ষ্মীর পা যে তোমার মাথার ওপর চেপেছে । পায়ের পথ তো সংকীর্ণ, রথ চলবার মত রাজপথ তৈরি হয়ে গেছে । মাথার টাকটি যে প্রশস্ত থেকে প্রশস্ততর হয়ে উঠছে ।

কমল । (সশব্দে হাসিয়া উঠিল) কথাটা বড় ভাল বলেছ ! উঃ, বড্ড বলেছ !

(বিমলার প্রবেশ)

বিমলা । ওগো, মহাভারত এসে অব্যাহত কান্দছে ।

নুটু । কান্দছে ? মহাভারত কান্দছে ? তাকে পাঠিয়ে দাও এখানে ।

(বিমলার প্রস্থান)

কমল, তোমার বোধ হয় এখানে আর থাকা উচিত হবে না ।

(মহাভারত আসিয়া নুটুর পা দুইটা চাপিয়া ধরিল)

কমল । আচ্ছা, আমি চলেছি । বউদিকে বলো, ও-বেলায় আসব আমি ।

(প্রস্থান)

নট। ওঠ মহাভারত, ওঠ। আগে কি হয়েছে বল, তারপর ক'দবে।

(মহাভারতের কান্না বাড়িয়া গেল)

মহাভারত ! (মহাভারত তবু উঠিল না)

মহাভারত ! (মহাভারত তবু উঠিল না)

(রক্তস্রব হাত ধরিয়া আকর্ষণ করিয়া) মহাভারত !

(মহাভারত উঠিল)

চোখের জল মোছ, চোখের জল মোছ। খাড়া সোজা হয়ে ব'স। খটখটে শব্দকনো গলায় বল, কি হয়েছে ?

মহা। (করুণ স্বরে) আজ্ঞে, আমার পুরুষের সমস্ত মাছ এই হালি পোনা—আমি পো, তিন ছটাক—

নট। ছটাক সের নয়, পুরুষের সমস্ত মাছ কি হ'ল, তাই বল ?

মহা। বাবুদা জোর ক'রে ধরিয়ে নিলে।

নট। আর ?

মহা। আমার গরু বাছুর সমস্ত জোর ক'রে ধ'রে খোঁয়াড়ে দিয়েছে।

নট। হুঁ। আবার নতুন কি হ'ল ?

মহা। বাবুদের হুকুম হয়েছে, তোমার জমি কেউ চষতে পারবে না। কারও ছেলে তোমার পাঠশালায় পড়তে পারে না। আমি বলছি, সে আমি পারব না, তাই—

নট। তুমি আমার জমি ছেড়ে দাও মহাভারত। আমার সঙ্গে তোমার অদৃষ্ট জড়িও না। তুমি পারবে না।

মহা। এতদিন পরে তুমি আমাকে এই কথা বললে দাদাঠাকুর ? আজ তিন পুরুষ আমরা তোমাদের জমি ক'রে আসছি, আমাদের সূর্য-মুখের ভাগ তোমরা নিয়ে আসছ। আজ তুমি আমাকে এই কথা বললে ?

নট। বললাম, বলবার কারণ ঘটেছে। আজ তুমি কে'দেছ। মহাভারত, দুঃখের চাপে যারা হার মানে, হার মানবার আগে তারা ক'দে।

মহা। (ভাল করিয়া চোখের জল মুছিয়া) বেশ, এই চোখের জল মুছলাম। আর যদি কোনদিন চোখের জল দেখতে পাও, সেদিন থেকে মূখদর্শন ক'রো না।

নট। বিমলা !

(বিমলার প্রবেশ)

মহাভারতকে জল খেতে দাও। জল খেয়ে একটু স্নান হও মহাভারত, আমি স্নান ক'রে দুটো মূখ দিয়ে নিই। তারপর তোমায় এস ডি ওর কাছে নিয়ে যাব।

মহা। আগুন জল দিতে বলছ দাদাঠাকুর ? তুমি চান ক'রে খেয়ে নাও, আমার মূখে এর পিত্তকার না ক'রে জল রুচবে না, আমাকে ব'লো না।

নট। কোনদিন কখনও যদি আবার এমনই ভুল হয় মহাভারত, তবে এমনই ক'রেই তুমি আমাকে মনে করিয়ে দিও। এস। বিমলা, ফিরতে আমাদের দেরি হবে।

(উভয়ের প্রস্থান)

দ্বিতীয় দৃশ্য

(কঙ্কণায় বাবুদের বাড়ি। বড়বাবুর খাসকামরা। শিবনারায়ণবাবু ও গোপীনাথ। শিবনারায়ণ সেই পূর্ববৎ তাকিয়ায় হেলান দিয়া অর্ধশায়িত, চোখ বন্ধিয়া মৃদু মৃদু তামাক টানিতেছেন)

শিব। (ব্যঙ্গশ্লেষপূর্ণ ভঙ্গীতে) বল কি গোপীনাথ ? অ্যা ! ধূক্‌ডির ভেতর খাসা চাল ! টুলো শিব পিঁড়িতে নাতির মূখে চোস্ত ইংরিজী বোল। নুট্টু মোস্তার ইংরিজীতে সওয়াল করলে !

গোপী। আজে হ্যাঁ হুজুর। ফরফর ক'রে ইংরিজীতে সওয়াল করলে। একেবারে তত খোলায় যেন খই ফুটিয়ে দিলে।

শিব। খই !

গোপী। আজে হ্যাঁ। বিবেচনা করুন, তন্তু খোলায় নুট্টু মূখুজ্ঞে খই ফুটিয়ে দিলে।

শিব। ঠান্ডা দূধের ব্যবস্থা আছে গোপী, ঠান্ডা দূধের ব্যবস্থা আছে। কিছু ভয় নেই। গরম খই তোমার চুপসে গ'লে যাবে। (হা হা করিয়া হাসিলেন) কে রয়েছিস ? বড়বাবুকে ডাক। ওরে, চা নিয়ে আয়। অ বাপ ভগবান, দয়া কর বাপধন। ভগবান ! ওরে ভগবনে, হারামজাদা শূয়ারকি বাচ্চা !

নেপথ্যে ভগবান। আজে, যাই হুজুর।

(দেবনারায়ণের প্রবেশ)

দেব। আমার ডাকছ বাবা ?

শিব। জি হুজুর।

দেব। বল।

শিব। আরে জনাবালি, বৈঠিয়ে, পহেলে তঁসলীম তো রাখিয়ে।

(দেবনারায়ণ বসিল)

গোপীনাথ !

গোপী। আজে ?

শিব। একবার পরমপদপ্রাপ্তি ঘটিয়ে পাও তো। ভগবানকে দেখ তো বাবা। চা আনতে বলেছি কখন। চিক্ত-ষোড়া যে চাঁ-হা চাঁ-হা ক'রে অস্থির হয়ে উঠল হে।

গোপী। ভগবান ! ভগবান ! (প্রস্থান)

শিব। (এইবার উঠিয়া সোজা হইয়া বসিলেন) সব কথা সবার সামনে বলা যায় না দেবু। ব্যাটা ষেক্‌ধারী সোজা পাঠ নয়। ঘর থেকে যেতে বললে বাইরে থেকে আড়ি পেতে শুনবে। (বারকয়েক নল টানিয়া ফেলিয়া দিয়া) এস.ডি.ও. সায়েব টাউন-হলের চাঁদা ধরেছিলেন, দিয়েছ সেটা ?

দেব। হ্যাঁ। পাঠিয়ে দিয়েছি আড়াই শো টাকা।

শিব। আরও আড়াই শো টাকা আজই এখনি তুমি গিয়ে দিয়ে এস। বলবে, বাবা শুনেন রাগ করলেন, বললেন—আড়াই শো টাকা দেওয়া মানে হুজুরের অসম্মান করা ; আমাদের চাঁদা পাঁচ শো টাকা লেখা হোক।

দেব। কেন আবার আড়াই শো টাকা দেবে বাবা ? সায়েব তো খুশি হয়েই—

শিব। কথার প্রতিবাদ ক'রো না দেবু। যা বলি, তাই শোন। গোপীর কাছে যা শুনো, তাতে হরশে চাবার নাতিটা, কি নাম যেন—

দেব। মহাভারত।

শিব। হ্যাঁ, মহাভারতের মাছ ধরা, গরু খোঁয়াড়ে দেওয়ার মামলার অবস্থা ভাল নয়। নুট্টু

নাকি ভাল ভাবের করেছে। সওয়ালও করেছে খুব জোর। জরিমানা হয় তাকে পারা যায়, আমাদের গোমস্তা চাপরাসীর জেল হ'লে—সে বড় লজ্জার কথা, অপমানের কথা। দেব। বেশ, তাই করছি। এই সঙ্গে কিন্তু একটা কথা তোমাকে না জানালে আর চলছে না। ছোটখোঁকাকে শাসন করা দরকার হয়েছে। তাকে একটু শাসন কর তুমি। শিব। কেন? আমি-উল-উমরা ছোট নবাব আমার কি করলেন আবার? (হাসিয়া) পরসার্কড় বেশি চাচ্ছে বুঝি? তা দিও হে, দিও। আমি বরং লিভার বাঁচিয়ে মদ খেতে ব'লে দোব।

দেব। না। নুটুর পাঠশালার চারিদিকে আজকাল ঘোরাঘুরি আরম্ভ করেছে, ওখানে যে মেয়েটি শিক্ষয়িত্রীর কাজ করে—

শিব। (সংশয়ে উচ্চহাসি হাসিয়া উঠিলেন) তার ওপর নজর দিয়েছে! বাপকো বেটা সিপাহীকো ধোড়া, কুছ নেহি হোয় তো খোড়া খোড়া।

দেব। না বাবা, হাসির কথা নয়। কোন কিছু যদি ঘটে, নুটু ছাড়বে না। আর আমাদের বাড়ির ছেলে এ রকম মামলায় আসামী হ'লে দেশে আর বাস করা চলবে না।

শিব। তা আমি সাবধান ক'রে দোব ছোট নবাবকে। তবে দশ-বিশ টাকা চাইলে যেন দিও বাপু। কি রকম, বড়বাবুর মুখ যে অপ্রসন্ন হয়ে উঠল! ওহে, আমি বড় হ'লে বাবা আমার বাগানবাড়ি বাগুনা ছেড়েই দিয়েছিলেন। (হা-হা করিয়া হাসিয়া উঠিলেন) এক কাজ কর, ছোট নবাবকে শহরের গদিতে বসিয়ে দাও। সেখানে মামলা-সেরস্তার কাজ দেখুক, সায়েব সুবোর সঙ্গে মেলামেশা করুক। লোকাল-বোর্ড ডিস্ট্রিক্ট-বোর্ডের মেম্বার করে দাও। পার তো ধ'রে-প'ড়ে অনারারি হাকিম ক'রে দাও। বুঝলে?

(গোপীনাথ ও ভগবান প্রবেশ করিল, ভগবানের হাতে চা)

দেব। তা হ'লে আমি একদুনি চ'লে যাই?

শিব। হ্যাঁ। আর একটা কথা। এবার অজম্মার বছর। চাষীদের ধান টাকা দিতে কার্পণ্য ক'রো না যেন। সকলকেই কিছু কিছু দিও। আদায় হবে কি হবে না, সেই বিবেচনাটাকেই যেন বড় ক'রে দেখো না এবার, বুঝলে?

(দেবনারায়ণের প্রস্থান)

গোপী। দেশকাল বড়ই খারাপ পড়েছে হুজুর। অজম্মা লেগেই আছে। এই বিবেচনা করুন, ১৩২৩ সালে একবার, ১৩২৬ সালে একবার, ১৩৩০ সালে তো, বিবেচনা করুন, মাঠে কান্ডে যায় নাই। ফের বিবেচনা করুন, ১৩৩৩ সালে, আবার ধরুন এই ১৩৩৬ সালে। আর সে আমলে আপনার ১৩১৩ সালে আকাড়া গিয়েছে, তার আগে বিবেচনা করুন, ১৩০০ সালের মধ্যে আর নেই, ১২৯৪ সালে—

শিব। ১২৯৪ সালে! বটে! (চায়ে চুমুক দিয়া) ওরে ভগবান, গোপীনাথকে চা এনে দে। গলা শুকিয়ে গেল বেচারীর।

গোপী। (জোড়হাত করিয়া) আজ্ঞে, হুজুর, চা আমি খাই না। বিবেচনা করুন, চা তো আর ভাল-ভাত নয় যে, না হ'লে মানুষ বাঁচে না। জীবনে হুজুর চা খেয়েছি তিনবার। একবার আপনার ১৩০৫ সালে—সেবার ভীষণ বর্ষা, তারিখ আপনার ১২ই আষাঢ়।

শিব। কি বার?

গোপী। আজ্ঞে, বৃহস্পতিবার।

শিব। (হাসিয়া) তিথি-নক্ষত্র মনে আছে বাবা—তিথি-নক্ষত্র?

গোপী। আজ্ঞে, অমাবস্যা তিথি—উপবাস করেছিলাম কিনা। তবে নক্ষত্রটা মনে নেই হুজুর।

শিব। বটে!

গোপী। হুজুরদের সঙ্গে শ্রীরামপুরের চৌধুরীদের মকদ্দমা; চল্লিশ হাজার টাকা তমসুকের নালিশ, সুদে আসলে এক লক্ষ পাঁচ হাজার দু শো তিন টাকা সাত আনা দাবি। এই মামলায় গিয়েছি মর্শি দাবাদ। বর্ষা আপনার ভীষণ, তার ওপর গায়ে ছিল বিলতী কশ্বল, বিবেচনা করুন, একেবারে গ্যাড়োল ভেড়ার মত অবস্থা। গলা পর্যন্ত খ'রে গেল। তা সেই দিন উকিল হিরমোহনবাবু বললেন—গোপীনাথ, চা খাও, উপকার হবে। খেয়ে-ছিলাম তা, বিবেচনা করুন, উপকার হয়েছিল হুজুর। তা দাও হে ভগবান, এক কাপ চা দাও।

শিব। না না, খাও না যখন, তখন দরকার কি?

গোপী। আঞ্জে, চা যেমন ডাল-ভাত নয়, তেমনই, বিবেচনা করুন, বিষণ্ড নয়। তার ওপর আপনি মর্নিব যখন বললেন, তখন না খেলে আপনি অসন্তুষ্ট হবেন। তা দাও হে ভগবান, এক কাপ চা দাও।

(দেবনারায়ণের পুনঃপ্রবেশ)

দেব। মামলার রায় হয়ে গেছে বাবা। আমাদের চাপরাসী দুজনের ছ মাস ক'রে জেল হয়েছে, গোমস্তার এক বছর। আমি পথ থেকেই খবর শুনে ফিরে এলাম।

গোপী। ভগবান, শিগগির চা আন। আপীল করতে যেতে হবে। আপীলে সব উল্টে যাবে হুজুর। রত্নপদবাবু পাকা ঘাগী ফৌজদারী উকিল, টোঁবেলে চাপড় মেয়েই সব—

শিব। (রত্নেশ্বরে) গোপীনাথ!

(গোপী মর্মুতে স্তম্ভ হইয়া গেল)

দেব। সওয়ালে নটু মর্মুশ্বেজ আমাদের অপমানের বাকি রাখে নি। বলেছে—দেশে ধনী জমিদার অনেক আছেন, তাঁদের অনায়াসেই এমন নয়, আছে; কিন্তু তবু তাঁরা শ্রম্ভার পাত্র, দেশের শিক্ষার ব্যবস্থা, চিকিৎসার ব্যবস্থা, বারো মাসে তেরো পার্বণের ব্যবস্থা তাঁরাই ক'রে এসেছেন, দেশের গদগদীদের বহুকাল পর্যন্ত তাঁরাই সম্মানে প্রতিপালন করে এসেছেন; কিন্তু কক্ষগার বাবুরা সম্পূর্ণ স্বতন্ত্র; তাঁরা—

শিব। থাক। তুমি গোপীনাথকে সঙ্গে নিয়ে সুদরে যাও। আপীল মঞ্জুর করিয়ে জামিনে ওদের খালাস ক'রে আন। ফৌজদারী বড় উকিল যে কজন আছে, তাদের ওকালত-নামা দাও। এখনই, দেরি ক'রো না।

দেব। টাউন-হলের চাঁদা আরও আড়াই শো টাকা, আমি বলাছিলাম, আর দিয়ে দরকার নেই।

শিব। দেবে না? ওইখানেই তো বড়বাবু, তোমাদের সঙ্গে আমার মেলে না। বেশ, সায়েবকে না দাও, দিও না; কিন্তু টাকাটা আর ঘরে ঢুকিও না। মাঠে একটা বড় সিনের পুকুর ছিল, সেটা বোধ হয় এতদিনে ম'জে এসেছে। ওই টাকায় পুকুরটার পঙ্কো-শ্ভার করিয়ে দাও—চিরঞ্জীব দাঁধি।

দেব। চিরঞ্জীব দাঁধি!

গোপী। আঞ্জে হ্যাঁ, মানে বিবেচনা করুন, চে'চুরে দাঁধি। খাস খিঁয়ানের অন্তর্ভুক্ত ২৫০০ নং পলট। পরিমাণ ৪ একর ২৫ ডেসিমিল। উত্তরে রামহরি ঘোষ—

দেব। আচ্ছা, তাই হবে। এস গোপীনাথ।

(প্রস্থান)

গোপী। (ষাইতে ষাইতে মর্মুশ্বরে) ভগবান, এখনও—

(প্রস্থান)

শিব। কে আছিস? কালী বাগদীকে পাঠিয়ে দে তো (উঠিয়া পাগড়ার আরম্ভ করিলেন)

(কালীর প্রবেশ)

কি রে ব্যাটা, বে'চে আছিস?

(কালী প্রণাম করিল)

হুকুম করলে কাজ তামিল করতে পারিস এখনও ?

(কালী সর্বিনয়ে মৃদু হাসিল)

নাঃ, আজ নয়, আপীল-কেস হয়ে থাক, তারপর । ভগবান, তামাক নিলে আর ।

(কালী ব্যস্ত হইয়া বাহির হইয়া গেল)

নেপথ্যে কালী । ভগবান ! ভগবান ! দাসজী !

তৃতীয় দৃশ্য

কঙ্কণায় নটটুর আশ্রম । পূর্বদৃশ্য—প্রথম অঙ্কের অনুরূপ ।

আট-দশটি ছেলেমেয়ে সারিবন্দী দাঁড়াইয়া গান করিতেছে ।

গান

শোণিতে ভাসাল ধরণী বাহারী

তারা নয় তারা নয়,

মোরা পথ চাই নতন বীরের

গািহ তাহাদেরই জয় ।

ছেলে— দিগ্বিজয়ীর উশ্বত অসি

মেয়ে— যুগে যুগে কত উঠিল বলসি,

ছেলে— বীর তারা নয়, ধরণী মাগিছে

নতন অভ্যুদয় ।

মেয়ে— বিধাতার খেদ ঘুচাবে বাহারী

মানুষের যত ভেদ,

ছেলে— ভাই ব'লে যারা ভায়েরে চেনাবে

রিচিবে নতন বেদ

মেয়ে— মৃত্তক যাদের দীপ্ত কৃপাণ

ছেলে— মিথ্যারে শৃঙ্খল করে খানখান

উভয়ে— মিতালির ডোরে বিশ্ববান্ধিতে

ষাদের দিগ্বিজয় ।

(গানের মধ্যেই কমলাপদ প্রবেশ করিল)

কল্যাণী । (ছেলেমেয়েদের প্রতি) তোমরা যাও, আপনার আপনার জায়গায় গিয়ে পড়তে ব'স ।

(ছেলেমেয়েদের প্রস্থান)

কমল । দুটো কথা বলবার জন্যে এসেছি কল্যাণী । একটা নটটুর কথা, একটা আমার নিজের ।

কল্যাণী । বলুন ।

কমল । নটটুর কথাই আগে বলি । ডিশ্টিক্ট-বোর্ড এড বন্ধ করেছে । সে এড পাওয়া যাবে ব'লে মনে হচ্ছে না ।

কল্যাণী । বন্ধ করলে তার ওপর আর জোর কি বলুন ?

কমল । নটটু অবশ্য খুব লড়ছে । খবরের কাগজেও সে লিখেছে, কিস্তি কোন ফল হবে ব'লে আমার মনে হয় না । ব্যবসারী এখন ক্রী প্রাইমারি স্কুল করেছেন, তখন এ স্কুলের জন্যে এড ডিশ্টিক্ট-বোর্ড দেবে না ।

কল্যাণী। না দেয়, সে কষ্ট আমি স্বীকার ক'রে নেব কমলদা।

কমল। কষ্টস্বীকারের একটা মাত্রা আছে কল্যাণী। এই আট-দশটি ছেলে, মাইনে বোখ হয় চার আনা হিসাবে দু'টাকা আড়াই টাকা। নুটু দেয় পনেরো টাকা। কিন্তু পাঠশালার খরচও আছে। বাদ দিয়ে যা থাকে, তাতে তোমার মমতার চলা অসম্ভব।

কল্যাণী। বাগানে তাঁর তরকারি হয়, দু'টি গরু পুর্বেছি—দু'খণ্ড ঘরে হয়, চাষীদের ছেলে-মেয়েদের জামা তাঁর ক'রে দিই, তাতেও কিছ্ হয়। চ'লে কোন রকমে যাবেই কমলদা।

কমল। চ'লে যাবে, কিন্তু এ ভাবে চলা উচিত নয় কল্যাণী। এ কৃচ্ছসাধনের তোমার প্রয়োজন কি? নুটু নিজেও এ চায় না। সে এখন বলছে পাঠশালা তুলে দিয়ে তার বাড়িতে থাকতে, তখন এ কষ্ট কেন?

কল্যাণী। না, সে হয় না কমলদা।

কমল। নুটুর স্ত্রী অত্যন্ত মদুখরা, সিন্দুখচিত্ত—নুটু সে কথা আমার গোপন করে নি।

কল্যাণী। না। ও-কথা বলবেন না। তাঁনি আমার সহোদরার মত স্নেহ করেন। কিন্তু তবু আপনি যা বলছেন, সে অসম্ভব।

কমল। বেশ, ভিন্ন বাসা ক'রে তুমি থাক। নুটুর বাসার কাছেই বাড়ি খালি রয়েছে—

কল্যাণী। না, সেও হয় না কমলদা।

কমল। কেন? একটু স্পষ্ট ক'রে বল কল্যাণী।

কল্যাণী। স্পষ্ট ক'রে বলতে হবে কমলদা?

কমল। বরষে যে উঠতে পারছি না বোন।

কল্যাণী। এ সংসারে ভগবান আমাকে স্নেহ মমতা আশ্রয়—সমস্ত কিছুর কাঙাল করেছেন। সে কাঙালপনা আমি স্বীকার ক'রে নিয়েছি। কিন্তু এক জায়গায় তাঁর বিধানকে আমি মানতে পারি নি কমলদা, সে আমি মানতে পারব না। অর্থ-সাহায্য—না কমলদা, সে আমি পারব না। আমার পিতৃকুলের, আমার স্বামীকুলের সমস্ত মৰ্যাদাই আমার ভেসে গেছে; বহুকণ্টে অবশেষে রেখেছি ওইটুকু, ওইটুকু যদি চ'লে যায়, তবে আমার কি থাকবে কমলদা?

কমল। তোমার সে মৰ্যাদা অটুট থাক বোন, ও-কথা তোমায় আর বলব না। কিন্তু তোমার তো গহনা রয়েছে, তাই থেকে—

কল্যাণী। সে গহনা মমতার বিয়ের জন্যে রেখেছি, ওইটুকু তার পিতৃধন। ওতে কি আমি হাত দিতে পারি কমলদা?

কমল। নুটু কখনও তার ছেলের বিয়েতে গহনা দাবি করতে পারে না।

কল্যাণী। আমার মেয়ে যে শূদ্ধ-হাতে-পায়ে স্বামীর ঘরে যেতে পারে না কমলদা।

কমল। শোন কল্যাণী, নুটুই আমার পাঠিয়েছে, তার বিশেষ অনুরোধ—

কল্যাণী। ও-অনুরোধ আমি রাখতে পারব না।

কমল। এখানে থাকার বিপদও আছে। বাবুদের সঙ্গে নুটুর বিরোধ দিন দিন যে রকম তীব্রতর হয়ে উঠছে—

কল্যাণী। বাবুদের থিয়েটার-পাগলা ছোট ছোট্টা করেকদিন আশেপাশে গান গেয়ে ঘুরে গেছে।

কমল। বলছ কি কল্যাণী?

কল্যাণী। ভয় পাবেন না কমলদা, আমার কাছে পাঠশালার বেত আছে।

কমল। (চিন্তা করিয়া) তুমি দেখছি দৃঢ়প্রতিজ্ঞ। আমার কিন্তু এ ভাল মনে হচ্ছে না বোন। যাক, ভগবান তোমার মঙ্গল করুন, তোমাকে রক্ষা করুন—এই কামানই তাঁর

কাছে জানাচ্ছি। তবে অনুরোধ রইল, বিন্দুমাত্র অসুবিধে হ'লে পত্র লিখে জানাতে
আমায় বিধা ক'রো না। আমি যেখানেই থাকব, সংবাদ নেব তোমার।

কল্যাণী। কোথায় যাবেন কমলদা ?

কমল। আমার ট্রান্সফারের হুকুম হয়েছে বোন।

(মহাভারতের প্রবেশ)

মহা। দিদিঠাকরুন !

কল্যাণী। এস মহাভারত।

মহা। এই যে বাবু। পেনাম। একটি ভদ্দনোক এসেছেন দিদিঠাকরুন। আপনাকে খুঁজছেন।

কল্যাণী। ভদ্দলোক ! আমাকে খুঁজছেন !

মহা। ইন্সটিশান থেকে আসছেন গরুর গাড়িতে। এই লম্বা পাজামা পরনে, মাথায় বাবরী
চুল। খুব হিন্দী বাত বলছেন। রাজ্যের জিনিস গাড়িতে—

কল্যাণী। নাম কি বললেন ?

মহা। (মাথা চুলকাইয়া) তা তো জিজ্ঞাসা করি নাই দিদিঠাকরুন। এ-হে-হে, একেই
মরুদ্দুর বৃষ্টি বলে।

কমল। আচ্ছা, আমি দেখছি।

(প্রস্থান)

কল্যাণী। মহাভারত !

মহা। দিদিঠাকরুন !

কল্যাণী। আমি যদি এখান থেকে চ'লে যাই মহাভারত, তবে কি তোমাদের কষ্ট হবে ?

মহা। আপনি চ'লে যাবেন দিদিঠাকরুন ? কেন, আমরা কি অপরাধ করলাম ?

কল্যাণী। অপরাধ ! (হাসিল) না, অপরাধ নয় মহাভারত, কিন্তু থাকতে যে আর সাহস
হচ্ছে না ভাই। বাবুরা শুনছি নাকি—

মহা। আপনি শুনছেন দিদিঠাকরুন, আমরা চোখে দেখছি।

কল্যাণী। তবে ?

মহা। তবে দিদিঠাকরুন ? (হাসিল) বিষয় নিয়ে মামলা করছে, আমাদের অপমান করছে,
সে আমরা সইছি। কিন্তু আমাদের মা-বোনের ওপর অত্যাচার করলে তাও আমরা
সইব, এমনই অমানুষ কি আমাদের মনে কর ?

কল্যাণী। নুটুদাও এখানে থাকতে বারণ করছেন।

মহা। বারণ করছে ! দাদাঠাকুর তা হ'লে ভয় খেয়েছে দিদিঠাকরুন। আমাকে বলে—
চোখের জল মোছ। চোখের জলেরও তাপ আছে, চোখের জল গরম। দাদাঠাকুর
মোস্তার হয়ে ঘরে খিল আঁটতে চাইছে। তোমার কোনও ভয় নাই দিদিঠাকরুন, মহা-
ভারতের জান থাকতে তোমার গায়ে কোনও আঁচ লাগবে না।

কল্যাণী। আঃ, আমরা বাঁচলে ভাই।

(কল্যাণীর সঙ্গীতবিদ ছোড়দা সুশোভনের প্রবেশ। পরনে পায়জামা, গায়ে হাঁটু পর্যন্ত
ঝুল পাজামা, পায়ে শর্ডুতোলা নাগড়া, মাথায় বব-ছাঁটা চুল, তাহার উপর টুপি।
পাজামার পকেটে একটা বাঁশী। মোটা একটা লাঠির উপর ভর দিয়া খোঁড়াইতে
খোঁড়াইতে প্রবেশ। দেখিলেই বোঝা যায়, সে রুম। সঙ্গে কমলাপদ, পিছনে একটা
লোকের কাঁধে দুইটা বাদ্যযন্ত্র—একটা সেতার, একটা এস্রাজ ; দুইটাই খেরুরা কাপড়ের
খোলে ঢাকা। লোকটার এক হাতে একটা বেহালায় বাজ, অপর হাতে একটা সুটকেস)

কল্যাণী। (সর্বিস্মরে) ছোড়দা !

সুশোভন। জরুর। উসমে চুক না হৈ ! অধীন তোমার ছোড়দাই বটেন। বাঃ, সাদা

থান কাপড়ে তোকে বড় ভাল মানিয়েছে রে ! চমৎকার ! একেবারে খানদানী বেহাগ ।
কমল । আঃ, সুশোভন ।

[কল্যাণী এই মন্তব্যে চঞ্চল হইয়া উঠিল । মহাভারত অবাক হইয়া গেল]

সুশোভন । কি ব্যাপার ? অন্যান্য বললাম নাকি কিছ্ ? না না, আই ডিড নট মীন
এনিথিং রং—

কমল । ব'স সুশোভন, ব'স । ও-কথা যেতে দাও ।

[কল্যাণী ঘর হইতে একটা মোড়া আলিয়া দিল, সুশোভন বসিল]

কল্যাণী । এত হাঁপাচ্ছ কেন ছোড়দা ? ব'স, ব'স ।

সুশোভন । হাঁপাচ্ছ ? রোগে বড় কায়দা ক'রে ফেলেছে রে । বাইরে থেকে বোঝা যায়
না । মোটাসোটা দেখিছিস, ওটা অ্যালকহলিক ক্যাট । ভেতরে ভেতরে বাত, হাঁপানি,
যকৃতানন্দ—মানে লিভারের দোষ, তা ছাড়া অনেক কিছ্ । সেবা-শুশ্রূষা করতে হ'লে
ক্লেই জ্ঞানতে পারবি । এখন একটু চা খাওয়া দেখি ।

কল্যাণী । মহাভারত, দোকান থেকে একটা ছোট টিন চা এনে দাও তো । এস, পয়সা নিসে
যাও ।

সুশোভন । লিপ্টন ইয়েলো ব্র্যান্ড, কিংবা ব্লু'ব'ন্ড গ্রীন লেবেল, বাজে কিছ্ আনিস না
যেন । যা-তা বাজে চা আমি আবার খেতে পারি নে ।

(কল্যাণী ও মহাভারতের ভিতরে প্রস্থান)

কমলদা, ডো'স্ট্ মাই'ন্ড্ প্লীজ, একটা ইন্ফরমেশন দাও দেখি ।

কমল । বল ।

সুশোভন । এখানে ভড্কা-শপটা কোথায় বল তো ?

কমল । কি ? কি শপ ?

সুশোভন । ভডকা, ভডকা-শপ—নট রাশিয়ান অফ কোর্স, ইন্ডিয়ান ভডকা—যেনো,
যেনো ; যেনো মদের দোকান কোথায় বল তো ? ওটা না হলে তো আমি বাঁচব না ।

কমল । তোমার এতদূর অধঃপতন হয়েছে সুশোভন ?

সুশোভন । পতন চিরকাল অধোলোকেই হয় কমলদা । উর্ধ্বলোকে কেউ কখনও পড়ে না ।
হ্যাঁ, আছাড় আমি বড বেশি খাই । তবে ভরসার কথা, আছাড় খেয়ে খেয়ে পতন-প্রফ
হয়ে গেছি এখন । লক্ষ্যেতে এক বাইজারী বাড়ির দোতলার ছাত থেকে একতলার
বারান্দায় পড়েছিলাম, তাতেও কাবু হই নি । এখন আমার কথার উত্তর দাও দেখি ।

কমল । শোন সুশোভন, ইউ মাস্ট লীভ দি প্লেস অ্যাট ওয়াশ্, তুমি এখানে থাকলে
কল্যাণীরও এখানে থাকা চলবে না । নদুই কখনও এ সহ্য করবে না । তোমার অর্থ
আছে—

সুশো । খট খট লবড'কা । অল গন কমলদা, অল গন, চিচিং ফাঁক ।

কমল । বল কি ?

সুশোভন । নইলে খুঁজে খুঁজে এই অজ-পাড়াগাঁয়ে আসব কেন, বল ? দাদার ওখানে
গিয়েছিলাম, দাদা তাঁড়িয়ে দিলে ।

(কল্যাণীর মর্দা চা লইয়া প্রবেশ)

কল্যাণী । খাও ছোড়দা ।

সুশোভন । আরে বাপ রে ! এ যে মর্দা ! মর্দা তো আমি খেতে পারি না কল্যাণী ।
ওটা থাক । আমি শব্দ চা খাই । (চায়ে চুমুক দিয়া) আঃ ! তারপর শোন কল্যাণী,
আমি তোর কাছে থাকব ব'লে এসেছি । আমার এই রক্ত শরীর, বেশি দিন বাঁচব না ।

জা. ব. (২২)—২৭

কল্যাণী। ও-কথা বলো না ছোড়দা। আমি তোমাকে সেবা ক'রে ভাল ক'রে তুলব।
সুশোভন। আমার কিস্তু টাকাকড়ি সব ফুরিয়ে গেছে। তাছাড়া আমি মদ খাই; অবিবাহিত
খরচ বেশি নয়, আনা ছয়েকের খেনো। খেনোতেই চ'লে যাবে আমার।

কল্যাণী। তুমি আমার মায়ের পেটের ভাই, তোমাকে কি আমি ফেলতে পারি ছোড়দা?
সুশোভন। কমলদা বলছে, এটা নুটুদার বাড়ি। নুটুদা নাকি আমার জন্যে তোকে সুন্দর
তাড়িয়ে দেবে?

কল্যাণী। না না, নুটুদা কখনও এমন হৃদয়হীন হতে পারেন? না না।

কমল। নুটুদের আদর্শ সকলের ওপরে কল্যাণী।

কল্যাণী। আমার আদর্শও যে আমার কাছে সকলের ওপরে কমলদা। ছোড়দা আমার রক্ত
ভাই, আমি বোন—

সুশোভন। কিছু ভয় করিস না কল্যাণী, নুটুদা এককালে তোকে ভালবাসত—

(কল্যাণী সঙ্গে সঙ্গে ভিতরে চলিয়া গেল)

কমল। ইডিয়ট কোথাকার!

(কমলাপদও অন্য দিকে চলিয়া গেল)

সুশোভন। মানে? বোকার মত বেকাস কিছু বলে ফেললাম নাকি? কি হ'ল? দুজনেই
চ'লে গেল যে! কল্যাণী, ওরে অ কল্যাণী। (হঠাৎ ব্যাপারটা উপলব্ধি করিয়া) ইয়েস,
ইয়েস, ও ইয়েস, আই অ্যাম অ্যান ইডিয়ট। (লাঠি ধরিয়া অগ্রসর হইল)

চতুর্থ দৃশ্য

নুটুদের শহরের বাসা

(নুটু বসিয়া গভীর মনোযোগের সহিত আইনের বই পড়িতেছে। মধ্যে মধ্যে নোট
করিতেছে। কমলাপদও বসিয়া আছে)

কমল। আজই তো আপীল কেসের রায় বেরবে? আর গুন্মেণ্ট কেমন হ'ল? কি রকম
বুঝেছ?

নুটু। (বই রাখিয়া) হ'ল একরকম। তবে—। (একটা দীর্ঘনিশ্বাস ফেলিয়া) জান
কমলাপদ, সংসারে মানুষকে ছোট ভাবার তুল্য অন্যায় আর হয় না। সুপিরিসরিটি
কম্প্রেন্স তারই সাজে, যে সত্যকার সুপিরিসর; উকিলবাবুটি গলাবাজি করতে পারেন
ভালই, কিস্তু শূন্যগর্ভ কুস্তির মত। আমি পরিশ্রম ক'রে পয়েন্টস সংগ্রহ ক'রে চোখের
সামনে ধরেছি, কিস্তু তা নেবেন না, কারণ আমি মোস্তার, তিনি উকিল।

কমল। সবই তোমার ভুলের মাশুল বন্দু। ভুল তো তোমার একটা নয়; প্রিলিমিনারি
ইন্টারমিডিয়েট দিয়েও ল ফাইনালটা দিলে না; মোস্তারি পরীক্ষা দিলে। একটু ভুলের
জন্যে—

নুটু। ও-কথা বাদ দাও কমল। (হাসিল)

কমল। একটু সকাল সকাল ফিরতে চেষ্টা ক'রো আজ। সম্ভ্যার ঘেনেই রওনা হব।

নুটু। তুমি আমার একমাত্র বন্ধু ছিলে, তুমিও চ'লে যাক!

(সুশোভনের প্রবেশ—মুখে সিগারেট)

সুশোভন। From harmony, from heavenly harmony this frame of universe
began। গুড মর্নিং নুটুদা! আরে, কমলদা যে! গুড মর্নিং!

নুটু। এস। কেমন আছ?

সুশোভন। ভাল, অনেক ভাল। কল্যাণী ইজ ওয়ার্দি' অফ হার নেম, খাড়া ক'রে তুলেছে আমাকে। (পকেট হইতে সিগারেট-কেস বাহির করিয়া কমলাপদর সামনে ধরিল) আসুন কমলদা।

কমল। নো, থ্যাঙ্কস, আমি ও ছেড়ে দিয়েছি সুশোভন।

সুশোভন। ছেড়ে দিয়েছেন? বলেন কি? আরে, আমি যে প্রথম প্রথম আপনার পকেট থেকেই চুরি ক'রে সিগারেট খেতে শিখেছিলাম!

কমল। শিষ্যবিদ্যা চিরকালই গরীবসী সুশোভন।

সুশোভন। আপনি যে ভয়ানক সিগারেট খেতেন! মাসে কুড়ি-পঁচিশ টাকার কম তো নয়। ফাস্ট ক্লাস ভার্সিনিয়া স্টাফ, আমার অবশ্য এক পয়সার দণ্টা। তা হ'লে আপনি তো অনেক টাকা জমিয়েছেন কমলদা!

কমল। (হাসিয়া) তুমি পাগল সুশোভন।

সুশোভন। কেন?

কমল। সিগারেট ছাড়লেই টাকা জমানো যায়?

সুশোভন। যায় না? জমাতে পারেন নি আপনি?

কমল। (হাসিয়া) না।

সুশোভন। তবে আসুন, ফের শ্রু করুন। টাকাই যখন জমল না, তখন ছাড়বেন কেন?

কমল। না, নুটর কাছে আমি প্রতিজ্ঞাবদ্ধ।

নুট। সুশোভন, এইবার তুমিও ওগুলো ছাড়। সিগারেট মদ—

সুশোভন। (বিলাতী ধরনে শ্রাণ করিয়া) ওরে বাবা! বাঁচব কি খেয়ে নুটদা? আই হোপ, ইউ আর জ্যাকিং—

নুট। না। সুশোভন, কল্যাণীর মৃত্যুর দিকে চেষ্টে তোমার মায়া হয় না?

সুশোভন। হয় না, তা বলতে পারি না। তা'র তুমি মায়া করছ, কমলদা মায়া করছে, তার মাঝখানে আমি আবার মায়া করতে খাই কেন, বল?

কমল। আমি উঠলাম নুটর। ও বেলায় একটু সকাল সকাল ফিরো।

সুশোভন। কমলদা, আমি তোমার ওখানে যেতাম। পাঁচটা টাকা আমাকে ধার দাও। অবশ্য পেএব্ল্ হোয়েন এব্ল্—আই মীন হোয়েন আই শ্যাল বি এব্ল্।

কমল। আজই আমি ট্রান্স্ফার হয়ে চ'লে যাচ্ছি সুশোভন।

(প্রস্থান)

সুশোভন। মাইরি বলছি, মানি অর্ডার ক'রে পাঠিয়ে দেব। মাইরি বলছি কমলদা—
(অনুসরণোদ্যত)

নুট। টাকা নিয়ে তুমি কি করবে?

সুশোভন। একটা বিউটিফুল ফিল্ম এসেছে। মিউজিক—কেবল * মিউজিক, মরিশ শিভেলিয়র গান গেয়েছে। (ইংরেজী গানের সুর ভাঁজিতে লাগিল)

নুট। সুশোভন!

সুশোভন। কমলদা চ'লে যাচ্ছে, আই মাস্ট্ ক্যাচ হিম। কমলদা—

(অঙ্গ খোঁড়াইতে খোঁড়াইতে প্রস্থান)

নুট। স্কাউন্ডেল! কি বলব, কল্যাণী দঃখ পাবে—

(বিমলার প্রবেশ)

এস। (সঙ্গে সঙ্গে হাতবাক্স খুলিয়া একটি টাকা বাহির করিয়া) এই নাও।

বিমলা । (পিছাইয়া গিয়া) কি ?

নুট । টাকা—খরচের টাকা ।

বিমলা । (অত্যন্ত তীক্ষ্ণ অথচ করুণ দৃষ্টিতে স্বামীর দিকে চাহিয়া) উঃ, খুব চাঁদর জুতোটা তুমি আমায় মারছ যা হোক !

নুট । আমায় মার্জনা কর বিমলা, আজ মহাভারতের আপীল-কেসের রায় বের হবে । আমার মন অত্যন্ত চঞ্চল হয়ে আছে ।

(বিমলা কোন কথা না বলিয়া চলিয়া যাইতেছিল)

শোন, কি বলছ সংক্ষেপে বল ।

বিমলা । বলছি— । না থাক ।

নুট । বিমলা, কি বলছ ব'লে যাও ।

বিমলা । দুটো কথা । একটা জিজ্ঞাসা করব, একটা অনুরোধ করব ।

নুট । বল ।

বিমলা । আমার অরুণ যদি সুশোভন হ'ত, তবে কি তাকে তুমি সহ্য করত ?

নুট । এ প্রশ্নের উত্তর আমি দেব না । তোমার দ্বিতীয় কথা—তোমার অনুরোধ ?

বিমলা । সেকালের সেই দুঃখকষ্ট-ভরা জীবন আমায় ফিরিয়ে দাও । তোমার পায়ে পড়ি, তোমার উপার্জন আমি চাই না । ওগো, এর চেয়ে যে সেকালে আমার অনেক শান্তি ছিল ।

নুট । বাড়ির ভেতর যাও বিমলা । জীবনে সমাপ্তি আছে, থামা চলে ; কিন্তু পেছনে ফিরে যাওয়া যায় না ।

বিমলা । যদি না যায়, তবে আমার মৃত্তি দাও, এমন ক'রে টেনে হিঁচড়ে আমায় নিয়ে যেয়ো না । আমি আর পারছি না ।

(প্রস্থান)

(নুট নীরবে বারকয়েক পায়চারি করিয়া আবার বই লইয়া বসিল । আবার উঠিয়া আর একখানা বই বাহির করিল । কয়েকটা নোট করিল । সে নোট করিতেছে, এমন সময় নুটের পিছন দিকে প্রবেশ করিল কল্যাণী, তাহার হাতে একখানা বই)

নুট । আবার যখন এসেছ বিমলা, তখন তোমার সকল জিজ্ঞাসার শেষ উত্তর শুনে যাও ।

(কল্যাণী এদিক ওদিক চাহিয়া বিমলাকে খুঁজিল)

হাঁ, কল্যাণীকে আমি ভালবাসি, কিন্তু—

(কল্যাণীর হাত হইতে বইখানা সশব্দে পড়িয়া গেল । নুট সেই শব্দে ফিরিয়া চাহিয়া কল্যাণীকে দেখিয়া স্তম্ভিত হইয়া গেল । বইখানা কুড়াইয়া লইয়া কল্যাণী ধীরে ধীরে কাছে আসিল এবং বইখানি ও একটি ফাউন্টেন পেন টেবিলের উপর নামাইয়া দিল)

কল্যাণী । ছোড়্যা এগুলো—বোধ হয়—চুরি ক'রে নিয়ে গিয়েছিলেন ।

[নুট হুপ করিয়া মাথা হেঁট করিয়া রহিল]

কল্যাণী । আমায় মাফ করুন নুটুদা ।

নুট । মাফ ? না না, মাফ চাইবার কোনও প্রয়োজন তো নেই কল্যাণী ।

কল্যাণী । এ লজ্জা রাখবার যে আমার জায়গা নেই নুটুদা ।

নুট । লজ্জা তোমার একার নয় কল্যাণী, লজ্জা আমারও । সুশোভন শব্দ, তোমার ভাই নয়, সে আমার ছাত্র, আমি তার মাস্টার । (বইয়ের পাতা উল্টাইতে লাগিল) আর কিছ্ বলবে ?

কল্যাণী । আমি বিদায় চাইছি দাদা, আমায় আপনি— (ঠোট কাঁপতে লাগিল)

নট। কেন কল্যাণী ?

কল্যাণী। না। (প্রণাম করিয়া চলিয়া যাইতেছিল)

নট। তা হ'লে দাঁড়াও কল্যাণী। বিমলা মনে ক'রে যে কথাটা বলেছিলাম তার অর্ধেকটা তুমি শুনেছ, বাকিটা শুনে যাও—যদি যাওই, তবে শুনেই যাওয়া উচিত। আমি তোমায় ভালবাসি, সহোদরা ভগ্নীর মতই ভালবাসি। তাই আমি তোমায় বিদায় দিতে পারি না। আমার বাবা বলতেন, ব্রাহ্মণের ভগ্নী উপবীতের চেয়েও বড়, উপবীত থাকে গলায়, ভগ্নীর স্থান মাথায়।

[কল্যাণী স্তম্ভ হইয়া দাঁড়াইয়া রহিল]

যদি কোনদিন মাটিতে প'ড়ে আঘাত পাও, গায়ে তোমার ধুলোর মালিন্য লাগে, তবে সেদিন জেনো, নটদ্বন্দ্ব তোমার আদর্শচ্যুত হয়েছে, সে মরেছে।

[বিমলার প্রবেশ --সে এখন শান্ত]

বিমলা। সাড়ে এগারোটা যে বেজে গেল। খাবার হয়েছে, স্নান কর।

নট। সে কি ? সাড়ে এগারোটা বেজে গেল ? তা হ'লে রায় বোধ হয় এতক্ষণ বেরিয়ে গেল। আমি কোটে চললাম। মহাভারত—মহাভারত কই ?

বিমলা। সে তো পাগলের মত হয়ে রয়েছে, অনেকক্ষণ আগেই সে বেরিয়ে গেছে।

নট। বেরিয়ে গেছে ?

বিমলা। ভয় নেই, অরুণ তার সঙ্গে গেছে।

নট। আমি চললাম বিমলা।

(ব্যস্তভাবে প্রস্থান)

বিমলা। এস ভাই ঠাকুরঝি, একটু জ্বল মুখে দেবে এস।

[কল্যাণী। দাদা ফিরে আসুন বউদি। এই তো কোট, তিন মিনিটের পথ।

বিমলা। তাঁর জন্যে অপেক্ষা ক'রে থাকবার জন্যে আমাকে এনেছ ভাই। আমি তো রয়েছি অপেক্ষা ক'রে, আবার তুমি কেন কষ্ট করবে ? এস, খাবে এস।]

(কল্যাণীর হাত ধরিয়া ভিতরে যাইতে উদ্যত হইল, এমন সময়ে বাহিরে ঢাক ও শিঙা বাজিয়া উঠিল। উভয়েই থমকিয়া দাঁড়াইল)

বিমলা। এ কি ? ঢাক ফিসের ? এই যে অরুণ ! অরুণ—

(অরুণ ও মহাভারতের প্রবেশ, মহাভারত উদ্‌মাস্তের মত)

অরুণ। মামলায় আমাদের হার হয়েছে মা।

মহা। তাই গোপী মিস্ত্রি ঢাক শিঙে বাজাচ্ছে মা, ঢাক শিঙে বাজাচ্ছে।

বিমলা। ঢাক শিঙে বাজাচ্ছে !

মহা। (চারিদিকে চাহিয়া দেখিয়া) একগাছা লাঠি, একটা দা— ঘরে কি তোমাদের কিছ'ই নাই খুড়োঠাকুর ?

অরুণ। (মহাভারতকে ধরিয়া) না, হি মহাভারতকাকা !

বিমলা। কল্যাণী-ঠাকুরঝি, তুমি ভাই মহাভারতকে ভেতরে নিয়ে যাও।

কল্যাণী। (মহাভারতের হাত ধরিয়া) এস মহাভারত, এস ভাই, ভেতরে এস।

মহা। ঢাক বাজাচ্ছে দিদিঠাকরুন—

কল্যাণী। বাজাক। এস, ভেতরে এস।

(উভয়ের প্রস্থান)

বিমলা। এইবার তুই বা অরুণ, ওদের বারণ ক'রে আয়।

অরুণ। বারণ করলেও শুনবে না মা।

বিমলা। ঢাক বাজাচ্ছে, শিঙে বাজাচ্ছে, খেই খেই ক'রে নাচছে। বারণ করলে শুনবে না ব'লে তুই চুপ ক'রে দাঁড়িয়ে থাকবি ?

অরুণ । ওতে আমাদের অপমান হয় নি মা । নিজেরদের অপমান ওরা নিজেরা ঢাক বাজিয়ে
 ঘোষণা করছে, জানিয়ে দিচ্ছে—ওরা কত বড় অভ্যচারী ।

বিমলা । তোর দেহে কি রক্ত নেই অরুণ ?

অরুণ । অন্যায়ের প্রতিরোধ অন্যায় দিয়ে করা যায় না মা ।

বিমলা । খুব শিক্ষা পেরেছিস যা হোক বাপের কাছে ! কথায় কথায় কবিতা আওড়াবি,
 ইংরিজী আওড়াবি, আর পাথরের মত সহ্য করবি । আচ্ছা । (নিজেরই সম্মুখের দিকে
 অগ্রসর হইয়া দরজার কাছে দাঁড়াইয়া উঁচু গলায় বলিল) কারা ঢাক বাজাচ্ছে তোমরা ?
 কারা ? শোন । আমি ব্রাহ্মণের মেয়ে—

(গোপী মিস্ত্রের প্রবেশ)

গোপী । আজ্ঞে মা, পেনাম । (ব্যঙ্গভরা ভঙ্গিতে হেঁট হইয়া নমস্কার করিল)

বিমলা । তুমি গোপী মিস্ত্রের ?

গোপী । আজ্ঞে হ্যাঁ মা, বিবেচনা করুন, আপনাদের চরণের দাস ।

বিমলা । এমন ক'রে আমার বাসার সামনে ঢাক বাজাচ্ছে কেন ?

গোপী । আজ্ঞে মা, মামলায় আমরা জিতেছি কিনা, তাই বিবেচনা করুন, ঢাক শিঙে
 বাজিয়ে আপনাদের পেনাম করতে এসেছি । বিবেচনা করুন, আপনারা হলেন কংকণার
 মহামহোপাধ্যায় পণ্ডিতের বংশ, আপনাদের পেনাম ক'রে আশীর্বাদ—

বিমলা । আশীর্বাদ ?

গোপী । আজ্ঞে হ্যাঁ মা, বিবেচনা করুন, আশীর্বাদ ।

বিমলা । আশীর্বাদ নিতে পারবে ?

গোপী । দেখুন দেখি, বিবেচনা করুন, সেইজন্যই তো এসেছি মা ।

বিমলা । রাজা পরীক্ষিতের ব্রহ্মশাপের, শেষদিনে, ব্রাহ্মণে আশীর্বাদ ক'রে রাজাকে ফল
 দিয়েছিল । সেই ফল থেকে বেরিয়েছিল তক্ষক সাপ । আমার আশীর্বাদ থেকে যদি
 তেমনই তক্ষক সাপ বের হয় গোপী মিস্ত্র, তবে সে আশীর্বাদ নিতে পারবে ? মাথায়
 ক'রে নিতে যেতে পারবে তোমার বাবুর কাছে ?

গোপী । (ভয়ে বিবর্ণ হইয়া) আজ্ঞে মা, বিবেচনা করুন— ওরে—ওরে—ওরে, থামা
 রে ! ওরে—

[দ্রুত প্রস্থান, সঙ্গে সঙ্গে বাহিরে বাজনা থামিয়া গেল । পিছন দিক হইতে
 একটা দা হাতে মহাভারতের প্রবেশ]

বিমলা । এ কি, দা হাতে কোথায় যাবে মহাভারত ?

মহা । আসছি মা, আসছি ।

[বিপরীত দিক হইতে নরুঁর প্রবেশ]

নরুঁ । এ কি মহাভারত ?

[মহাভারতকে ধরিয়া ফেলিল]

মহা । ছাড় দাদাঠাকুর, ছাড় । ছেড়ে দাও । ওই ব্যাটা গোপে মিস্ত্রকে আমি খুন
 করব । ছাড় ।

নরুঁ । ছি মহাভারত !

মহা । তুমি শোন নাই দাদাঠাকুর, ওরা ঢাক বাজাচ্ছিল শিঙা বাজাচ্ছিল—

নরুঁ । ডাকাতে মশাল জেলে রোশনাই ক'রে ডাকাত করে, মানুষ অসহায় জীবকে বাজনা
 বাজিয়ে কাটে, কেটে নাচে । এ পাপের প্রারম্ভিত একদিন হবে মহাভারত । দাখানা
 ফেলে দাও ।

মহা । কবে ? কবে ? কবে ? আমি ম'রে গেলে তবে হবে ?

নট। অপেক্ষা কর মহাভারত, কিছুদিন অপেক্ষা কর। সমস্ত মানুষের পাপের প্রায়শ্চিত্ত হবে। তবে কবে, তা জানি না। কিন্তু তোমার ওপর অত্যাচারের প্রতিকার—তার দেরি নেই। (দাখানা কাড়িয়া ফেলিয়া দিল) বিমলা, আমার বাক্স-বিছানা গদাছয়ে দাও দেখি।

বিমলা। সে কি, কোথায় যাবে ?

নট। অজ্ঞাতবাস বিমলা, অজ্ঞাতবাস।

মহা। আমার জন্যে তুমি দেশান্তরী হবে দাদাঠাকুর ? না না। তার চেয়ে আমিই ভিন গায়ে চ'লে যাচ্ছি।

নট। না, শব্দ তোমার জন্যে নয়। তোমার মত হাজার হাজার মহাভারত আজ দেশে এমনই অন্যায়াভাবেই ধনীর চক্রান্তে সর্বস্বান্ত হচ্ছে, মরছে। আজও তোমার হার হ'ত না মহাভারত, যদি আমি নিজে আদালতে দাঁড়িয়ে সওয়াল জবাব করতে পারতাম। কিন্তু দুর্ভাগ্য আমার, আমার তক্মা নেই। তক্মা আমাকে সংগ্রহ করতেই হবে। ওকালতি পড়তে যাচ্ছি আমি। অন্যায়ের অত্যাচারের প্রতিকার করতে সর্বক্ষেত্রে দাঁড়াবার অধিকার আমার চাই—চাই—চাই।

(নট ও বিমলার ভিতরে প্রস্থান)

[অরুণ। (সহসা হাঁটু গাড়িয়া বসিয়া) O Lord, how long shall the wicked triumph ? Lift thyself up—thou Judge of the earth—lift up !

মহা ! ভগবান ! ভগবান !]

তৃতীয় অঙ্ক

প্রথম দৃশ্য

অশ্বকার রণের মধ্যে মহাভারত পালের বাড়ি পড়াতেছে। আগুন নিবিয়া গিয়াছে। স্থানে স্থানে এখনও মাটির উপর পোড়া কাঠ ও খড়্ হইতে অল্প ধোঁয়া উঠিতেছে—কোথাও কোথাও আগুনের শিখা দেখা যাইতেছে। চারিপাশে ক্ষুদ্র জনতা। মহাভারত কালী বাগদীর বৃকে চাপিয়া বসিয়া আছে। ষবনিকা অপসারিত হইবার পূর্ব হইতেই জনতার ব্যস্ত কথাবাতা শোনা যাইতেছিল।

১ম। আর ভয় নাই, আগুন নিবে এসেছে।

২য়। এইখানে—এইখানে আগুন রয়েছে এখনও। এইখানে জল দাও।

৩য়। ওহে, মহাভারতকে ছাড়াও হে, কালী বাগদী ম'রে যাবে।

(ষবনিকা অপসারিত হইল)

১ম ব্যক্তি। ছেড়ে দাও মহাভারত, ছেড়ে দাও। ম'রে যাবে। ছেড়ে দাও।

২য়। মহাভারত! মহাভারত!

মহা। (চিৎকার করিয়া উঠিল) এ—ও!

১ম। ম'রে যাবে, মহাভারত, ম'রে যাবে। ছাড়।

মহা। ছাড়ব, ছাড়ব। যে চিতে ব্যাটা নিজের হাতে জ্বললেছে, সেই চিতের ওপর দিয়ে ছাড়ব।

(অরুণের প্রবেশ)

অরুণ। মহাভারতকাকা! মহাভারতকাকা!

মহা। কে? অরুণখুড়ো? (হা-হা করিয়া হাসিয়া উঠিল) খুড়োঠাকুর, নিজের চিতে ব্যাটা নিজের হাতে জ্বললেছে।

অরুণ। ছেড়ে দাও, ওঠ বৃকের ওপর থেকে।

মহা। উঠব? ছেড়ে দেব? আমার ঘর পুড়িয়ে দিলে, আর আমি ছেড়ে দেব?

অরুণ। (আকর্ষণ করিয়া) হ্যাঁ হ্যাঁ, ওঠ ওঠ।

মহা। তুমি বলছ।

অরুণ। হ্যাঁ, আমি বলছি।

(মহাভারত উঠিল, উঠিয়াও প্রতিহিংসাজর্জর দৃষ্টিতে কালীর দিকে চাহিয়া রহিল। অরুণ কালীকে দেখিয়া বলিল)

অরুণ। পিসীসাঁ, শিগিগির একটু জল।

১ম ব্যক্তি। স'রে পড় হে। ঘরে আগুন দেওয়ার মামলা—অনেক হাঙ্গামা।

২য় ব্যক্তি। গোপাণী মিস্তির দেখতে পেলে মৃশকিল হবে। চল চল। (প্রস্থান)

মহা। আমি বৃকতে পেরেছিলাম খুড়োঠাকুর, এমনই কিছ'র হবে। তোমাদের পাঠশালা-বাড়ি পুড়িল, দাঁদীকরুন মমতা-মাকে আমার বাড়ি নিয়ে এলাম। গোপাণী মিস্তির ব'লে পাঠালে, ভাষা হবে না। কাল আবার লোক পাঠিয়ে শাসালে। এই দু'বার হ'ল। এর পরের বারই তিনবার। আমি এই তিনবারের লেগে দিনরাত তকে তকে রয়েছি। [কেলে বাগদী একা—আগুন দিলে, আমি আসতে আসতে ব্যাটা কাজ সেয়ে ছুটবার উদ্ভাগ করলে। আমি পথ আগলে দাঁড়ালাম, ব্যাটা ভেঁ ক'রে পাশ কাটিয়ে ঢুকে পড়ল গোয়াল ঘরে। মনে করলে, আমি দেখি নাই। আমি শেকল দিয়ে দিলাম। মরত ব্যাটা পুড়ে। তুমি এসে খুঁলে দিলে খুড়োঠাকুর। উঃ, তখনও কি ছুট! আমি না ধরলে ব্যাটা পালিয়েছিল।]

[কল্যাণী জল আনিল। সঙ্গে মমতা। অরুণ কালীর মূখে-চোখে জল দিল।]

কালী। জল! একটু জল!

[মহাভারত চট করিয়া এক মূঠা পোড়া খড় লইয়া কালীর মূখের সম্মুখে ধরিল]
মহা। নে, খা।

অরুণ। মহাভারতকাকা! (কালীকে জল দিয়া) নাও, জল খাও। উঠতে পারবে?

[কালী উঠিয়া বসিল]

এঃ, কয়েক জায়গাই পড়ে গেছে! কেটে গেছে! মমতা, দেখ তো—যা জিনিসপত্র বেঁচেছে, তার মধ্যে ফাস্ট এডের বাক্সটা পাওয়া যায় কি না!

[মমতার প্রস্থান]

কল্যাণী। মহাভারতের মাথাও কেটে গেছে। ওর মাথাও ধুয়ে মূছে দিতে হবে অরুণ।

মহা। দাঁড়ঠাকরুন, তুমি দেবতা, তুমি দেবতা। খুড়োঠাকুর তো আমার মাথার রক্ত দেখলে না! খুড়োঠাকুর দয়া করছে কালীকে—শত্রুরকে, যে ঘরে আগুন দিয়েছে, তাকে।

অরুণ। (হাসিয়া) তুমি যে ঘরের লোক মহাভারতকাকা। নাও, কালী, ওঠ।

মহা। দাঁড়াও খুড়োঠাকুর, আমি ধরি ওকে, নইলে পালাবে। তুমি জান না, ও হ'ল কলে বাগদী, এখন ও চোট-খাওয়া বাধ।

কালী। (নিঃশব্দে হাসিয়া) বড় বেকারদার ফেলোঁছিলে মোড়ল, নইলে ঘাড়টা তোমার আমি ভেঙে দিতাম।

অরুণ। তুমি কেন মহাভারতের ঘরে আগুন দিলে কালী?

কালী। শ্রুতিও না বাবু, তুমি মহাভারতের হাত থেকে আমাকে বাঁচিয়েছ, মূখে জল দিয়েছ।

ও-কথা তুমি শ্রুতিও না। তবে হ্যাঁ, দিয়েছি।

অরুণ। বাবুদের হুকুমে এত বড় পাপ করলে তুমি? হি!

কালী। তিন পুরুষ ধরে পরের ভাত তো খাও নাই বাবু, তুমি বুঝতে পারবে। নাও, কোথা নিয়ে যাবে, চল।

মহা। তুই বাবুদের নাম কর কালী, তোকে বাঁচিয়ে দেব।

কালী। কি যা-তা বলছ মোড়ল? (হাসিল) আমার খুঁশি হয়েছিল তোমার ঘরে আগুন দিয়েছি। থানায় দাও, জেলে দাও, ফাঁসি দাও—যা খুঁশি তোমার কর কেনে। চল, কোথা নিয়ে যাবে, চল।

(অরুণ ও মহাভারত কালীকে ধরিয়া লইয়া চলিয়া গেল)

(জনতা চলিয়া গেলে শূন্য রঙ্গমঞ্চের এক দিক হইতে কালো র‍্যাপারে মাথা ও সর্বাঙ্গ আবৃত করিয়া পিছনের দিকে চাহিতে চাহিতে অপর দিক দিয়া বাহির হইয়া গেল—ছায়া মূর্তির মত—গোপী মিস্ত্রি। তাহার কয়েক মূহুর্ত পরেই প্রবেশ করিল সুশোভন ও অরুণ। সুশোভনের বগলে বেহালার বাক্স। সুশোভন ঈষৎ মত্ত)

অরুণ। আপনি এতক্ষণ কোথা ছিলেন? কোথাও আঘাত লাগে নি তো?

সুশোভন। আমি অত্যন্ত অপদার্থ লোক অরুণ। আগুন নিবোবার চেষ্টা করলাম, কিন্তু হাঁপানি আরম্ভ হ'ল। ওই গাছতলাটার বঁসে ছিলাম।

অরুণ। আপনার বগলে ওটা কি? বেহালার বাক্স বুঝি?

সুশোভন। হ্যাঁ। অনেক কটে ওটাকে বাঁচিয়েছি। কিন্তু না বাঁচালেই ছিল ভাল।

আমার গান শেখা মিথ্যা হয়েছে দেখলাম—একদম বাজে।

অরুণ। কেন?

সুশোভন। বঁসে বঁসে মেঘমল্লার বাজলাম; জান অরুণ, মেঘমল্লার যদি ঠিক নিখুঁতভাবে বাজানো হয়, তবে আকাশ ভেঙে মেঘ এসে বৃষ্টি নামে। কিন্তু নট এ ভ্রম—গোটা

আকাশটা নীল, এক টুকরো মেঘও কোথাও নেই।

(উদ্ভাস্ত মহাভারতের প্রবেশ)

মহা। আঃ, ঠাকুরদা আমার শালকাঠ দিয়ে ঘর করেছিল, সব পড়ে গেল।

অরুণ। সে লোকটাকে কার জিম্মায় রেখে এলে মহাভারতাকা ?

মহা। বেঁধে রেখে এসেছি খুড়োঠাকুর, গাছের সঙ্গে বেঁধে রেখে এসেছি।

[অরুণের প্রস্থান]

আঃ, এক ছিলিম তামাক হ'ত এই সময়।

সুশোভন। (পকেট হইতে সিগারেট-কেস বাহির করিয়া সিগারেট লইয়া) ইউ আর এ
রেন্ড ম্যান, নাও।

মহা। ছোট দাদাঠাকুর!

সুশোভন। (পকেট খুঁজিয়া) বাঃ, দেশলাইটা গেছে।

মহা। (হাসিয়া একটা পোড়া কাঠ লইয়া) নাও। শালকাঠের আগুন এত শিগগির কি
নেবে? (নিজেও সিগারেট ধরাইল)

সুশোভন। (পকেট হইতে মদের শিশি বাহির করিয়া) একটু খাবে মহাভারত? মনটা
ভাল হবে।

মহা। না, তার চেয়ে একটা গান, কি বাজনা শোনাতে পার দাদাঠাকুর?

সুশোভন। (বেহালা বাহির করিয়া) শুনবে? খুব করুণ রাগিনী একটা বাজাই, শোন।
বাজাইতে আরম্ভ করিল)

মহা। দূর! কি পান-প্যান ক'রে বাজাচ্ছ তুমি? হয় নাচের বাজনা বাজাও, নয় তেজী
বাজনা বাজাও। নাঃ, হারামজাদা বাগদীকে আমি থানায় দিয়ে আসি।

[জনৈক মণ্ডলের প্রবেশ]

মণ্ডল। এই যে মহাভারত!

মহা। জমিদারের মণ্ডল মশাই যে!

মণ্ডল। তোমার সঙ্গে কথা আছে মহাভারত।

মহা। না না না। কথা আমার কারুর সঙ্গে নাই।

মণ্ডল। (কয়েকখানি নোট বাহির করিয়া) শোন, শোন।

মহা। ওইখানে—ওইখানে, শালকাঠের আগুন এখনও জ্বলছে, ওইখানে গর্দজে দাও।

মণ্ডল। আলক্ষ্মী যখন ভর করে, তখন এমনই মতিজ্বমই হয়।

মহা। আলক্ষ্মীই আমার ভাল দাদা। উনি কখনও ছেড়ে যান না।

মণ্ডল। পাগলামি করিস না মহাভারত, ব্রাহ্মণ জমিদার—

মহা। চণ্ডাল, কসাই—চণ্ডাল, কসাই! তুমি যাও, তুমি যাও। আমি কেলে বাগদীকে
থানায় নিয়ে চললাম, আমার সময় নাই, আমার সময় নাই। (প্রস্থান)

মণ্ডল। (সুশোভনকে) ঠাকুর, তোমাকে একটা কথা বলছিলাম।

সুশোভন। (তাহার মূখের দিকে চাহিয়া) হোয়াট ইজ দ্যাট কথা?

মণ্ডল। এই ঘরে আগুন দেবার জন্যে মামলা হবে, তুমি যদি আমরা যা বলব বল, তা হ'লে
এই টাকা দেব—

সুশোভন। নো।

মণ্ডল। আরও পাবে ঠাকুর, আরও পাবে—

সুশোভন। নো, আই ডোন্ট ওয়াণ্ট, মানি, আই ডোন্ট ওয়াণ্ট, কাস্। নেহি মাফ্তা
খ্যার।

মণ্ডল। এ-হে-হে, এদের সবাই মতিচ্ছন্ন হয়েছে দেখছি !

(প্রস্থান)

সুশোভন। I had my money and my friends,
I lent my money to my friends,
I asked my money of my friends,
I lost my money and my friends,
I need no money to loose new friends.

মহাভারত ইজ মাই ক্রেড্—

[বলিতে বলিতে প্রস্থান]

দ্বিতীয় দৃশ্য

জেলা সদর-শহরের কোর্টের বারান্দার সম্মুখ

একটা গাছতলায় একটা চেয়ারে বসিয়া দেবনারায়ণ ও উকিল রাজেনবাবু। সম্মুখে দাঁড়াইয়া গোপী মিস্ত্রি। মধ্যে মধ্যে দুই-একজন লোক চলিয়া যাইতেছে।

দেব। আমি বার বার বারণ করছিলাম রাজেনবাবু—বাবা, এতটা করবেন না, সে কাল আর নেই। কিন্তু বাপ হয়ে ছেলের কথা শুনলে অপমান হয় যে। তার ওপর জুটেছে এই গোপী।

গোপী। আজ্ঞে বাবু, বিবেচনা করুন, আমরা হলাম ঢাকীর কাঁধের ঢাক। বিবেচনা করুন, যেমন বাজাবেন, তেমনই বাজব। বলিদানের বাজনা বাজান, বলিদানের বোল বলব ; বিবেচনা করুন, আবার বিসর্জনের বোল বাজান, তাই টিমিয়ে টিমিয়ে বাজব। বিবেচনা করুন, মহাভারতের ঘর পুড়িয়ে দিয়েছি, আপনি বলুন, খরচ দেন, আবার দাঁড়িয়ে থেকে পোড়া ঘর ছাইয়ে দিই।

রাজেন। থাক, যা হয়ে গেছে তার তো উপায় নেই। এখন কর্তব্য ক'রে যান। আমি জামিনের চেষ্টা দেখছি, আপনারা মিটমাট করতে চান, তাই করুন, কিংবা—কি হে গোপী, পারবে তো ?

গোপী। এই দেখুন, উকিলবাবু কি বলছেন দেখুন ! তবে বিবেচনা করুন, সন্তোষ সেলাইয়ে চামড়ার মুখ বন্ধ হয় না। রূপোর সন্তোষ চাই, বিবেচনা করুন, সোনার হ'লে আরও মজবুত হবে। সাক্ষীরা তো মানুষ।

রাজেন। টাকা দিয়ে সব সাক্ষীর মুখ বাঁধতে পারবে ?

গোপী। পৃথিবীটা কার বশ রাজেনবাবু ? বিবেচনা করুন, পৃথিবী টাকার বশ। টাকা খরচ ক'রে, বিবেচনা করুন, দশ দিক দেওয়াল গেঁথে বন্ধ ক'রে দিন, দশটা সুঁঘিয়া উঠলেও দিন রাত হয়ে যাবে। আবার রাত্রে জেদলে দিন বাতি লাখ লাখ, বিবেচনা করুন, অমাবস্যার রাতও দিন হয়ে যাবে।

(শিবনারায়ণের প্রবেশ। সঙ্গে একজন বরকন্দাজ)

শিব। কত টাকা খরচ করলে তুমি কালীকে বাঁচাতে পারবে গোপী ?

দেব। এ কি ? বাবা ?

শিব। হ্যাঁ বড় হুজুর, আমি।

রাজেন। আপনার আসবার কোন দরকার ছিল না কর্তাবাবু।

শিব। একবার আসতে হ'ল বইকি রাজেনবাবু। [বড়বাবুকে যৌবরাজ্যে বসিয়ে আজ বছর কয়েক ধরেই ঢুকছিলাম রাজেনবাবু। মদ ছেড়ে আফিং ধরেছিলাম। বাইজী

ছেড়ে নাভনীদেব সঙ্গেই হাসিঠাট্টা করে দুধের শ্বাদ ঘোলে মেটাচ্ছিলাম।] কেলে বাগদী ব্যাটা ধরা পড়ে সব ভেঙ্গে দিলে। হিসেব করে দেখলাম, ঘরে বঁসে বঁসে বারো বছর—একটা যুগ পার হয়ে গেছে ; কেলে ব্যাটা বড়ো হয়েছে, ব্যাটার ধরা পড়বারই কথা। তাই একবার বেরতে হ'ল বইকি। (চারিদিক চাহিয়া) তা বেশ, অনেক পরিবর্তন হয়েছে। আর কিছু চেনাই যায় না হে।

[রাজেন। একটা চেয়ার আনিয়া দিই বসুন। কিংবা আমার বাড়িতে—

শিব। উহঁ, কোমরে বাত আছে, বসলে ওঠা শক্ত হবে রাজেনবাবু। এখন কালীর জামিনের কথা কি বলছেন, বলুন ?

দেব। দরখাস্ত করা হয়েছে। তুমি চল বাবা। গাড়িতে বসবে চল।

শিব। ঠারিয়ে হুজুর বাহাদুর, ঠারিয়ে।] গোপী, কত টাকা হ'লে তুমি কালীকে বাঁচাতে পারবে ?

গোপী। আজ্ঞে হুজুর, বিবেচনা করুন, একটা এস্টিমেটো না করে কি করে বলি বলুন ?

শিব। দেবনারায়ণ, গোপী যত টাকা চাইবে, দিতে 'না' করে না। কৈফিয়ত চেয়ো না।

আর গোপী, এ মামলায় যদি তুমি কালীকে বাঁচাতে পার, তবে তোমার দু হাতে যতগুলো ধরবে, আমি মোহর বকশিশ দেব।

গোপী। যে আজ্ঞে হুজুর, বিবেচনা করুন, তা হ'লে আমি এই বেরুলাম। সব'গ্নে আমি একবার থানা ঘুরে আসি। না, কি বলেন রাজেনবাবু ? (বাবুকে প্রণাম করিয়া প্রস্থান) রাজেন। আমি দেখি, একবার হাকিমের সঙ্গে দেখা করি।

(প্রস্থান)

দেব। তুমি ভুল করছ বাবা। এই রকম খোলা হুকুম দিলে, গোপী আর বাকি রাখবে না। পুকুর ছুরি করে ফেলবে।

শিব। কাজ মিটে গেলে মহাভারত যেমন করে কেলে বাগদীর বৃকের ওপর চেপে বসেছিল, হিসেবের জন্য তখন ওর বৃকে তেমনই করে চেপে বসো।

[দেব। কালী বাগদীর গুণী আবার আজ এসেছিল, বলছিল—খরচ নেই। এই সেদিন খরচ দিয়েছি—

শিব। কালী গোপী মিস্ত্রির নয়, দেবনারায়ণ, ওদের কাছে হিসেব চেয়ো না। খরচ দিও। কি রকম, বড়বাবুর মূখ যে ভার হয়ে উঠল !

দেব। তোমার সম্পত্তি, তোমার টাকা, আমি মূখ ভার করে কি করব বল ? টাকা জলে ফেলে দিতে বললেই বা আমার কি বলবার আছে ?

শিব। আহা, ব'লেই দেখ না বড় হুজুর, চটছ কেন ?]

দেব। আমি বলছি, মামলা-মকদ্দমায় কাজ নেই। মহাভারতকে ডেকে মামলা মিটিয়ে ফেল।

শিব। কাকে ডেকে ?

দেব। মহাভারতকে—

শিব। আমাকে কাশী পাঠাবার ব্যবস্থা কর দেবনারায়ণ, আমার কাশী যাবার ব্যবস্থা করে দাও।

দেব। এই তো, তুমি চটে উঠলে !

শিব। আমি নুটুর সঙ্গে মিটমাট করতে পারি, সে আমার স্বজাতি, গুণী লোক সে ; কিন্তু মহাভারতের সঙ্গে—হি ! ঘটনার রাগেই তুমি গোবিন্দ মোড়লকে টাকা দিয়ে মহাভারতের সঙ্গে মিটমাট করতে পাঠিয়েছিলে, সে আমি শুনছি। হি হি হি !

* মহাভারত একটা সামান্য চাষী প্রজা—

দেব। কেন? মহাভারত কি মানুষ নয়? মহাভারতের ঠাকুরদা হরিশ পাল যখন তোমার বাবার আমলে ধর্মঘট করেছিল, তখন তিনি তাকে উচ্ছেদ করতে চেয়েছিলেন, সে সময় তুমিই হরিশ মণ্ডলকে রেখেছিলে, মামলা মিটমাট করে নিয়েছিলে। আর আজ মহাভারতের সঙ্গে মিটমাট করবার কথা বলছ—হি!

শিব। ছেলেমানুষি বাপজান, ছেলেমানুষি করেছিলাম, যা তুমি করতে চাইছ আজকে। (হাসিয়া) [ওরে বাবা, সেদিন বাস্তব খণ্ডিতে খণ্ডিতে তোর মায়ের নামের একখানা চিঠি পেলাম, আমিই লিখেছিলাম। তোর মা লেখাপড়া জানে না, তবু তাকে চিঠি লিখেছিলাম—এ-ই লম্বা চিঠি। পড়ে আর হাসতে হাসতে বাঁচি না। বউমাকে পোস্টকাডে' চিঠি লেখবার বয়স হোক তোমার, তখন বন্ধুতে পারবে আমার কথা।] ডর মং করো বড় হুজুর, সব ঠিক হো যারগা; গোপী মিস্তির খাটি কথা বলেছে দেবু, পৃথিবী টাকার বশ। মামলা সাক্ষীর মূখে। হার সাক্ষীগুণি সব পৃথিবীর মনিষ্য।

দেব। কিন্তু ওই মাস্টারনই আর তার ভাই? ওরাই হবে মামলার প্রধান সাক্ষী।

শিব। হঁ। এক কাজ কর। মাস্টারনীর মাতাল ভাইকে ডাকাও, মদ খাওয়াও, টাকা দাও। আর মাস্টারনীর মেয়েটার সঙ্গে আমার ছোট হুজুরের বিয়ের প্রস্তাব করে পাঠাও। মন্দ হবে না। মেয়েটা ভাল হে, আমি শুনছি। আর ছোট হুজুর তো প্রেমে পাগল হয়ে উঠেছে।

[গোপী মিস্তির ব্যস্ত উত্তেজিতভাবে প্রবেশ]

গোপী। হুজুর, নুটু মোস্তার—

শিব। (চকিতভাবে গম্ভীর হইয়া) নুটু মোস্তার?

গোপী। নুটু মোস্তার ফিরে এসেছে।

শিব। নুটু ফিরে এসেছে?

গোপী। আজ্ঞে, বিবেচনা করুন, উকিল হয়ে ফিরে এসেছে, এসেই মহাভারতকে শহরের বাসায় নিয়ে এসেছে।

শিব। হঁ। (গম্ভীর চিন্তামগ্ন হইলেন) নুটু মরদ বটে।

দেব। লোকে বলত, নুটু ওকালতিপড়ছে। বিশ্বাস করতে পারি নি। যে লোক তিন বৎসর দেশে না এসে, সংসার-শ্রী-পুত্র পরিত্যাগ করে এমনই করে জেদ বজায় রাখে, তার সঙ্গে পারবে না বাবা। মামলা মিটমাট করে নাও।

শিব। থাক্ দেবনারায়ণ, থাক্। তুমি এই মামলাটা আমার কথামত কর। 'না' বলো না। দেবনারায়ণ, কেলে বাগদী ছাড়া আমার আমলের সবাই চ'লে গেছে। কেলেকে বাঁচাবার চেষ্টায় তুমি বাধা দিও না।

[রাজেন উকিলের প্রবেশ]

রাজেন। হ'ল না কত'বাবু, জামিন হ'ল না। নুটু মূর্খবুজ্জ উকিল হয়ে ফিরেছে, সে মহাভারতের পক্ষ থেকে আপত্তি জানালে। হাকিম তার যুক্তির বিপক্ষে যেতে পারলেন না। জামিন হ'ল না।

শিব। গোপী!

গোপী। হুজুর!

শিব। তুমি একবার এই শহরের মহেন্দ্র জ্যোতিষীকে খবর দাও। আমার কোষ্ঠীখানা একবার দেখাবার প্রয়োজন হয়েছে। (ষাইতে ষাইতে ফিরিয়া) একটা কথা গোপী, নুটুর সঙ্গে দেখা হ'লে আমাকে যেমন সম্মান কর, তেমনই সম্মান করবে। রাজেনবাবু, নুটু বন্ধু আপনাদের রাহু হয়ে এল গো! লোকটা মরদ বটে!

দেব। মামলা মিটমাট ক'রে নাও বাবা, নদুটর সঙ্গে মিটমাট করতে তো তোমার আপত্তি হওয়া উচিত নয় !

শিব। (ক্রুদ্ধ গম্ভীর ভাবে) না। মামলা চলবে। আমার ঘাড়টা বড় শক্ত দেবনারায়ণ, নোয়াতে গেলে ব্যথা লাগে। রাজেনবাবু, আপনি জজকোর্টে দরখাস্ত করুন আপীলের জন্যে। মামলা চলবে, মামলা চলবে।

[প্রস্থান]

তৃতীয় দৃশ্য

নদুটর শহরের বাসা

[ঘরের মধ্যে নিৰ্গমন পথে আমার শাখা দেওয়া পূর্ণ ঘট। বিমলা দাঁড়াইয়া আছে। তাহার পরনে লালপেড়ে শাড়ী, হাতে একটি থালায় আশীর্বাদী ফুল, সদ্য সে পূজা করাইয়া ফিরিয়াছে। চুল এলো, চুলের উপর অল্প ঘোমটা। উকিলের বেশে গাউন পরিয়া নদুট বাড়ির ভিতর হইতে বাহিরে আসিল]

নদুট। (সর্বিস্ময়ে) আরে বাপ রে ! এসব কি ?

বিমলা। পূজা করিয়ে এলাম ঠাকুরদের।

নদুট। (হাসিয়া) ভাগ্যে তোমরা আছ বিমলা, তাই তো দেবলোক আজও বেঁচে আছেন।

নইলে বেচারারা শূন্যে ভারতলোকের অধীন অবস্থার উপনীত হতেন, তাতে আর সন্দেহ নেই। তারপর, কি কামনা করলে ?

বিমলা। তোমার জয় কামনা করলাম। আর কোন কামনা করব ?

নদুট। কত টাকা মানত করলে ?

বিমলা। মানত করেছি, তবে সেটা টাকা নয়।

নদুট। বল কি ?

বিমলা। আজ তোমার আমি কটু কথা বলব না প্রতিজ্ঞা করেছি। কটু কথা বলছি না, ঠাট্টাও করছি না, সত্যি কথাই বলছি—টাকা মানত করি নি, টাকা কামনা করি নি, এমন কি লক্ষ্মীর পূজা পৰ্ব্বান্ত করাই নি। এতে লক্ষ্মীর আশীর্বাদী নেই।

নদুট। (অপ্রস্তুত হইয়া হাসিয়া) তবে কি মানত করলে ?

বিমলা। বুদ্ধের রক্ত মানত করেছি, বুদ্ধ চিরে রক্ত দিয়ে পূজা করা।

নদুট। তোমার জয় হোক বিমলা, তোমার জয় হোক।

বিমলা। না। চিরদিন যে পরাজয় মেনেই এল, হঠাৎ তার জয় সহ্য হবে না। (পর-মুহুর্তেই হাসিয়া) ওই দেখ, স্বভাব যায় না ম'লে ! যা বলব না বললাম, তাই ব'লে ফেললাম। বেশ, আমার জয় হোক ; কিন্তু তোমার জয়ই তো আমার জয়।

নদুট। দাও, আশীর্বাদ দাও। (মাথা নত করিল)

বিমলা। তুমি কি মানদ্ব ! আমার কি তোমার মাথায় হাত দিতে আছে ? ঠাকুরঝি ! কল্যাণী-ঠাকুরঝি ! অ ভাই !

[কল্যাণীর প্রবেশ]

নদুট। এ কি কল্যাণী ? এ কি বোন ? তোমার এই ময়লা বেশভূষা, জী একখানা — কল্যাণী ! কদিন কাপড়চোপড় করে কাচা হয়ে ওঠে নি দাদা।

নদুট। কেন ? তুমি কাপড়চোপড়—

বিমলা । দেখ, তুমি কাপড় কাচার নাম ক'রো না বলছি । শূভকাজে যাচ্ছ না ?
নুট । যারা তোমার সম্বন্ধ-করা মালিন্য পরিষ্কার ক'রে তোমার সংসার পরিচ্ছন্ন পবিত্রতায়
ভ'রে দেয়, তাদের নাম কখনও অশুভ হয় বিমলা ? তুমি কি কাপড়চোপড় ধোবার বাড়ি
দাও না কল্যাণী ?

কল্যাণী । নিজেই এগুলো ক'রে নিই দাদা । কেন মিছে—

নুট । না, মিছে নয় বোন । তুমি আমার বোন, এতে যে আমার নিষ্পদ হবে কল্যাণী ।

বিমলা । বেশ তো, মামলা-জিতে একথানা কাশীর গরদ কিনে এনে দিও ঠাকুরঝিকে ।
অন্য কিছু না নিক ঠাকুরঝি, গরদ আমি নেওয়াব । এখন মাথা নামাও ।] ও ঠাকুরঝি,
আশীর্বাদী দাও তো তোমার দাদার মাথায় ।

কল্যাণী । ওরে বাপ রে ! আমি কি দাদার মাথায় হাত দিতে পারি বউদি ?

বিমলা । বোন সব পারে ঠাকুরঝি । ব্রাহ্মণের বোন পৈতের চেয়েও বড়, পৈতে থাকে গলায়
—বোনের ঠাই মাথায় ।

নুট । (বিমলার দিকে রুঢ় দৃষ্টিতে চাহিয়া মাথা নত করিল) দাও কল্যাণী, আশীর্বাদী
দাও ।

[কল্যাণী কুণ্ঠিতভাবে আশীর্বাদী মাথায় ঠেকাইয়া দিল]

বিমলা । ও শ্যামা ! মমতা ! তোরা করছিস কি সব ? অরুণ কোথায় ?

নেপথ্যে শ্যামা । আসছি মা ।

[শ্যামা, মমতা ও অরুণের প্রবেশ । অরুণের কপালে চন্দনের ছাপ, পরনে গেঞ্জি, নুতন
কাপড়]

বিমলা । অরুণের আজ জন্মদিন । তোমার তো সকাল থেকে অবসর ছিল না । প্রণাম
কর অরুণ ।

শ্যামা । দাদাকে কি দেবেন বাবা ? [অরুণ নুটকে প্রণাম করিল]

নুট । কি দেব ? দেব শুধু আশীর্বাদ । জীবনে যেন আদর্শচ্যুতি না ঘটে । আদর্শের
সত্যকেই যেন সকলের চেয়ে বড় করতে পার ।

[অরুণ মাকেও প্রণাম করিল]

বিমলা । আমি আশীর্বাদ করি বাবা, সংসারে তুই সুখী হোস । তোর স্নেহে তোর স্ত্রীপুত্র
যেন সুখী হয় ।

[সুশোভনের-একটা মাছ লইয়া প্রবেশ, মাছটা ফেলিয়া দিয়া]

সুশোভন । নুটদাদার শূভবাগ্না অ্যান্ড অরুণের বার্থ-ডে ফীস্ট—বোধ পার্‌পাস উইল বি
সার্ভ'ড ।

নুট । আজও তুমি মদ খেয়েছ সুশোভন ? কোটের আজ তোমার সাক্ষী দিতে হবে ।

সুশোভন । অল্প একটু নুটদাদা, অত্যন্ত অল্প । মাইরি বলছি । •তবে ইউ সী, ভড্‌কার
গান্ধটাই খারাপ ।

নুট । মাছ তুমি কোথায় পেলে ?

সুশোভন । সে ভারি মজার কথা নুটদাদা ! তোমার শত্রু—ওই বাবুদের পুকুরের মাছ,
তোমার জন্মবাগ্না দেখাতে নিরে এসেছি ।

নুট । নিরে যাও এ মাছ ।

সুশোভন । মাইরি বলছি, চুরি করি নি । আমায় দিলে, মাইরি বলছি ।

নুট । দিলে ? কে দিলে ?

সুশোভন । বড়ো বড়োবাবু হঠাৎ বেহালা শোনবার জন্যে ডেকেছিল । দি ওল্ড ম্যান ইজ

রিয়েল অ্যামিউজিং—এ ফানি ফেলো—এ ডার্লিং। আমার দুটো টাকা দিলে। ঠিক সেই সময় ওদের মাছ ধ'রে নিয়ে এল ; আমি বললাম, টাকা চাই না, আমার একটা মাছ দিন। হি গেভমি বোথ দি মানি অ্যান্ড দি ফিশ।

নুট। তোমার লক্ষ্য হওয়া উচিত সুশোভন, তোমার লক্ষ্য হওয়া উচিত। আরও একটা কথা, তুমি তোমার মাত্রা ছাড়িয়ে যাচ্ছে।

[বাইবার সময় মাছটা লাথি মারিয়া ঠেলিয়া বাহির করিয়া দিয়া চলিয়া গেল]

সুশোভন। এটা কি হ'ল ? অ্যা ? হোয়াট ইজ দিস ? চুরি করি নি, ভিক্ষে নিই নি, সে আমার দিলে। আগে বাদশারা একখানা গান শুনেন কত জায়গার দিয়ে গেছে। এ তো একটা মাছ।

[বিমলা বাহিরে গিয়া মাছটা লইয়া আসিল]

বিমলা। ও'র মেজাজই ওই রকম ভাই। কিছন্ন মনে ক'রো না।

কল্যাণী। না বউদি, নুটুদা রাগ করবেন।

বিমলা। ছেলে কি ও'র একর ঠাকুরকি ? আমার কি কোনও অধিকার নেই ? এই মাছের মদুড়ো দিয়েই অরুণ আজ ভাত খাবে।

সুশোভন। দ্যাট'স লাইক ইউ বউদি। মাইরি বলছি বউদি, আমাকে সম্মান ক'রে দিলে। আমিই বরং বেশ দূর কথা শুনিয়ে দিয়েছি। আমার বললে কি জান ? মমতার সঙ্গে ওদের মাতাল ছেলেটার বিয়ের কথা বললে। আমি বললাম, সে অসম্ভব ; আমি নিজে মাতাল, কিন্তু আই হেট দি মাতালস ; তার ওপর আপনাদের ছেলে আন'কাল্‌চাউ'—মর্থ ;

[নুটুর মদুহুরার প্রবেশ]

মদুহুরী। সুশোভনবাবু, আপনি শিগাগির আসুন। এখনি হয়তো ডাক পড়বে। আমি ছুটতে ছুটতে আসছি। আসুন মশায় সুশোভনবাবু।

সুশোভন। ওয়ান মিনিট প্রীজ, একটু সাহস সজ্জ ক'রে নিই।

(পকেট হইতে মদের শিশি বাহির করিয়া মদ খাইয়া) চলুন এইবার।

(মদুহুরী ও সুশোভনের প্রস্থান)

কল্যাণী। এক এক সময়ে ইচ্ছে করে বউদি—

বিমলা। সে ইচ্ছে কি বউদিরই হয় না ভাই ? কিন্তু ও-ইচ্ছে দমন করতে হয়।

কল্যাণী। ছোড়দার জীবন বেশিদিন নয়, তাই ওকে বলতে পারি না—তুমি যাও।

বিমলা। তা যদি বলতে ঠাকুরকি, তবে আমি তোমাকে ঘেন্না করতাম। এস ভাই, রান্নার কাজ অনেক বাকি, এস, একটু হাত দেবে এস।

(বিমলা ও কল্যাণীর প্রস্থান)

শ্যামা। দাদা, মমতা তোমার জন্যে কি এনেছে দেখ।

অরুণ। আগে তোর দেখি। তুই কি দিচ্ছিস ?

শ্যামা। আমি কার্পেটের জুতো তৈরি রেখেছি।

অরুণ। প্রীচরণে শূ—এস এইচ ও ই।

শ্যামা। দাদার জুতোর হাত দিতে আমাদের আপত্তি নেই। কিন্তু অন্য কারও বেলা বড় জোর জামা-কাপড়টার ভার নিতে পারি। তাই তো মমতা এনেছে নিজের হাতে কাটা সূতোর তৈরি কাপড়।

নেপথ্যে বিমলা। শ্যামা ! শ্যামা !

শ্যামা। বাবা ! বাবা ! বাই। আর কি এনেছে মমতা, তুমি জিজ্ঞেস কর ওকে ! (প্রস্থান)

মমতা। সত্যি। আমার আরও কিছন্ন দেবার আছে।

অরুণ। দাও মমতা। শিব অজলি পেতেছিলেন অমপূর্ণার সম্মুখে, অম দিয়েও অম-পূর্ণার ভাঙার শব্দ না হয় নি, শিবের অজলিও পূর্ণ হয় নি। দিয়ে তুমি আমার হাতও ভ'রে দিতে পারবে না।

মমতা। আমি হ'লে শিবের হাতে অম দেবার পূর্ণা না ক'রে এক টুকরো বেলপাতা তাঁর পায়ে দিয়ে 'নমঃ শিবায়' ব'লে প্রণাম করতাম। আশুতোষের অজলি যতই বিরাট হোক, এক কণা ভক্তিতেই তা ভ'রে ওঠে। আশীর্বাদ করতে পথ পেতেন না।

অরুণ। আবার আমি হাত পাতিছি, আরও দাও মমতা।

মমতা। নাঃ, রুদ্ধ-দেবতাকেও তুমি হার মানালে দেখছি। বেশ আবার একটা প্রণাম করছি।

অরুণ। প্রণাম তো তোমার চাচ্ছি না। তোমার ভক্তিতে আমার অন্তর কানায় কানায় ভ'রে উঠেছে। কিন্তু ভক্তিই কি সব? ক্ষুধা আমার মিটেছে, কিন্তু তৃষ্ণা?

মমতা। তৃষ্ণা?

অরুণ। হ্যাঁ, তৃষ্ণা, জল দাও। তুমি ভক্তি দিচ্ছ, আমি দেবতার মত তুলে নিচ্ছি। কিন্তু ভক্তিই কি সব? আমার অন্তর তো তাতে জুড়িয়ে যাচ্ছে না। তুমি হাসছ মমতা?

মমতা। হাসছি। লবণাক্ত সমুদ্র আদিকাল থেকে নদীর নির্মল স্নিগ্ধ জল পান ক'রে আসছে, আকৃষ্ট পুঁরে অহরহ অবিরাম। কিন্তু তৃষ্ণা তার তবু মিটল না। সে বোধ হয় বৃষ্ণতেও পারবে না যে, নদী তার জীবন নিংড়ে ফেলে দিলে।

অরুণ। সে কথা নদী বলে না কেন? সমুদ্রের গর্জন ছাপিয়ে না ই যদি ওঠে তার কণ্ঠস্বর, সে তো কানে কানেও সে কথা বলতে পারে।

[মমতার গান]

মুখে কেন শূন্যতা মিছে,

চোখের পানে দেখ চেয়ে,

ভীরু যে সদর ডরায় ভাষা,

আঁখির আলোয় ওঠে গেয়ে ॥

সারাদিন যা মনে মনে •

ভাবে আকাশ সঙ্গোপনে,

যেমন রাতের অন্ধকারে

ফোটে তারা আকাশ ছেয়ে,

তেমনি আমার মনের কথা

আঁখির আলোয় ওঠে নেয়ে ॥

মুখের চেয়ে অনেক বেশি মৃদুশর দুটি আঁখি,

অথর যেমন দেয় না ধরা, নয়ন যে দেয় ফাঁকি,

নাই বা শোনা হ'ল কানে,

শুনেছ তো গভীর প্রাণে—গভীর প্রাণে,

ব্যাকুল বাণীর নিব্বর বেথা করে করে

করে আমার হৃদয় বেয়ে ॥

অরুণ। তোমার মৃদুশর চোখের বাণী অনবদ্য মমতা। তৃষ্ণা মিটে গেল। তোমাকে আশীর্বাদ করছি—তুমি বিজয়িনী হও।

মমতা। তা হ'লে আবার একটা প্রণাম করি।

নেপথ্যে নুট। বিমলা। বিমলা।

অরুণ। বাবা। (তাড়াতাড়ি অগ্নির হইল)

মমতা । (প্রস্থান করিতে করিতে) পাওনা রইল, পরে পাবে ।

[প্রস্থান]

[নুটু ব্যস্তভাবে প্রকাশ করিল, চারিদিকে দৃষ্টি দিয়া খুঁজিয়া]

নুট । একখানা বই আর নোট-করা কয়েকখানা কাগজ ?

[নুটুর ব্যস্তভাবে ভিতরে প্রস্থান । সঙ্গে সঙ্গে অরুণও অনুসরণ করিল । পুনরায় কাগজ ও বই হাতে নুটু এবং তাহার সঙ্গে প্রবেশ করিল বিমলা]

নুট । সুশোভনের এজাহারে কোর্টের মধ্যে আমার মাথাটা কাটা গেল বিমলা । একটা মাতাল, অপদার্থ, চোর—আমার মাথাটা ধুলোর লুটিয়ে দিলে । কুক্ষণে—কুক্ষণে ওকে আমি আশ্রয় দিয়েছিলাম ।

বিমলা । ছি ! ও কথা তোমার মূখে সাজে না । বড় বড় গাছ আকাশ ছুঁয়ে থাকে, তাতে ফুল ফোটে, ফল ধরে, কত পাখি আশ্রয় নেয়, আবার কত সাপও এসে বাসা বাঁধে ! তাতে কি গাছের মাথা হেঁট হয় ? সে চিরদিন আকাশমুখেই বাড়ে । ও-কথা তুমি বলো না । কল্যাণী-ঠাকুরঝি শুনলে কি মনে করবে বল তো ?

নুট । কল্যাণী ! কল্যাণী আমার নীলকণ্ঠের বিষ বিমলা, কল্যাণী আমার নীলকণ্ঠের বিষ । (প্রস্থান)

চতুর্থ দৃশ্য

আদালতের বারান্দা

আদালত-সম্মুখবর্তী শহরের চোমাখা । খবরের কাগজের হকার হাঁকিয়া যাইতেছে । মধ্যে মধ্যে কানে কলম, হাতে কাগজের তাড়া, আদালতের টাউট চলিয়া যাইতেছে । মধ্যে মধ্যে কোর্টের পিয়নের হাঁক শোনা যাইতেছে—কক্ষণা গায়ের মুকুন্দ ঘোষ, হাজির হো, মুকুন্দ ঘোষ—কক্ষণা গায়ের মুকুন্দ ঘোষ । (দুইজন টাউট কথা বলিতেছে)

১ম । ওরে বাপ রে ! নুটু-বাবু আগুন ছুটিয়ে দিলে ! বাবুদের সাজানো খোলস পুড়ে ছাই হয়ে গেল ।

২য় । নুটু-বাবুও ছাড়ে নাই । ওই মাস্টারনীর ভাইকে জেরায় বেশ এক হাত নিয়েছে নুটু-বাবুকে । পয়েন্টো ভারি ধরেছিল, বলে—তুমি নুটু-বাবুর হবু বেয়াই ?

১ম । সে যাই হোক, মাতালই হোক, আর ছাচড়াই হোক, আসল মামলার ওর সাক্ষী থারাপ হয় নি । নুটু-বাবুর সাহস বটে, দু-তিনটে সাক্ষী ছাড়া, সব সাক্ষীকে হস্টাইল ব'লে জেরায় সব ঠিক বার করে নিলে । তুমি দেখো, নুটু-বাবু এই মামলাতেই বড় উকিল হয়ে গেল । হিরণপুত্রের বাবুদের দাঙ্গার মামলা দেবার জন্যে বাবুদের লোক ধরছে ।

নেপথ্যে কোর্ট-পিয়ন । হেরাব পাল—হেরাব পাল হাজির হো ! হেরাব পাল—

২য় । ওরে বাবা, এ যে আমার মকেল হে ! হেরাব, ও হেরাব—

(প্রস্থান)

১ম । ও মশায়, ও মশায়, ও হিরণপুত্রের সরকার মশায় ! শুনুন শুনুন ।

(প্রস্থান)

(গোপী ও দেবনারায়ণের প্রবেশ)

দেব । এ যে বিপরীত হয়ে গেল গোপী ! সাক্ষীদের একটাও টিকল না । এক-একজনকে এক-এক মূঠো টাকা—সব বরবাদ গেল ! বেইমানি করলে সব !

গোপী । আজ্ঞে না । জেরায় টিকল না, বিবেচনা করুন, সবচক্ষে দেখলেন, জেরায় টিকল না । নুটু মোস্তার হ'ল অনর্থের মূল । সব হস্টাইল ব'লে জেরা আরম্ভ করলে । আর

বিবেচনা করুন, সত্যি জিনিসটাই পাঞ্জি জিনিস, বিবেচনা করুন, পারার মতন পাঞ্জি জিনিস, কিছতেই হজম হয় না, ফুটে বেরবেই।

দেব। এখন উপায় ?

গোপী। হাইকোর্টে আপীল করব, ভাবছেন কেন ? বিবেচনা করুন, বাবারও বাবা আছে।

দেব। এই সব এজাহারের পর হাইকোর্টে কোনও ফল হবে না।

গোপী। ওই কথাটি বলবেন না হুজুর। তবে বলি শুনুন, এই আপনার ১৩১৫ সালে, ইংরাজী ১৯০৮, লাট কমলপুরের দখল নিয়ে দাঙ্গা, ১৮ই ভাদ্র বৃহস্পতিবার, বিবেচনা করুন, আমি বার বার বারগ করলাম, 'যদি পায় রাজ্য দেশ, তবুও না যায় বৃহস্পতির শেষ'—বারগ করলাম, আজ থাক'। তা সেজোবাবু—

দেব। (বাধা দিয়া) গোপী, তুমি একবার মহাভারতকে দেখ, নুটুবাবুর সঙ্গেও দেখা কর। মামলা মিটমাট কর।

গোপী। মিটমাট করবেন ?

দেব। হ্যাঁ, মিটমাট করব। সাহেব-সুবোর কাছে আমাদের সুনাম একেবারে নষ্ট হবে।

ওই মহাভারত যাচ্ছে। তুমি ডাক ওক। আমি একটু সঁরে যাই। ভয় নেই, তোমার পুরস্কার তুমি পাবে। ডাক মহাভারতকে। কথা বল। (প্রস্থান)

গোপী। মহাভারত ! মহাভারত ! বলি, শোন হে, শোন।

(মহাভারতের প্রবেশ)

মহা। মিটমাট আমি করব না হে। আর কিছ বলবে তো বল।

গোপী। আরে, শোন শোন।

মহা। (গোপীর মূখের কাছে বড়ো আঙুল নাড়িয়া) খটখট লবডকা—খটখট লবডকা।

জমি নাই, কাড়বি কি ? ঘর নাই, আগুন লাগাবি কিসে ? খটখট লবডকা ! আর আমার করবি কি ?

গোপী। জমি ফিরে পাবে, ঘর তৈরি ক'রে দেব। নগদ টাকাও কিছ আদায় ক'রে দেব।

(চুপিচুপি) বারো আনা তোমার, সিকি কিন্তু আমাকে দিতে হবে।

মহা। (হা-হা করিয়া হাসিয়া উঠিল। তারপর নেপথ্যের দিকে চাহিয়া ডাকিল) দাদাঠাকুর ! ও দাদাঠাকুর !

[নুটু ও তাহার মূহুরীর প্রবেশ]

নুটু। কি মহাভারত ? আরে, আপনি যে মিস্তির মশাই !

গোপী। প্রণাম।

মহা। দাদাঠাকুর, মিস্তির বলছে মিটমাট করতে।

নুটু। মিটমাট !

গোপী। আজ্ঞে হ্যাঁ, বিবেচনা করুন, মিটমাট।

নুটু। (গোপীর দিকে চাহিয়া) দু'টি শর্তে মিটমাট হতে পারে মিস্তির মশাই।

গোপী। আজ্ঞে, বিবেচনা করুন, দু'শো শর্ত মানতে রাজী আছি। কতাবাবু বললেন কি জানেন ? বললেন, নুটুবাবু হলেন আমাদের গাঁয়ের গোরব।

নুটু। কতাবাবু বরষক লোক, আমার বাপের বরষা, তাঁকে আমার প্রণাম জানাবেন।

গোপী। আপনার শর্ত কি বলুন ?

নুটু। প্রথম শর্ত—এই মিটমাটের কথা, অবশ্য কতাবাবুকে বাধ দিয়ে, কাঁধে ঢাক বাঁজিয়ে শহরে জানাতে হবে। আর, মহাভারতের পোড়া ঘর এখনও ছাওয়ানো হয় নি, সেই চালে উঠে বাবুদের ছাওয়ানো হবে।

গোপী। (হাতজোড় করিয়া) আজ্ঞে, বিবেচনা করুন, হাইকোর্টের পর সে কথা বিবেচনা করা যাবে। প্রণাম তা হ'লে। (প্রস্থান)

নট। সুশোভন কোথায় জান মহাভারত ?

মহা। ছোট দাদাঠাকুর আপনার তালে আছে দাদাঠাকুর। আদালত থেকে দু'টাকা খোরাক পেয়েছে, আজ পাকী মদের দোকানে ব'সে গিয়েছে। মদ খাচ্ছে আর তালপাতা নিয়ে কি বুনছে।

(মহাভারতের প্রস্থান)

নট। রাস্কেল !

(কোর্ট-রুমের মধ্যে প্রবেশ করিল)

দৃশ্যান্তর—কোর্ট-রুম

উকিল, আসামী, জজ, দর্শক। আসামীর ডকে কালী বাগদী ; নটদ্বাব্দ আর গুন্মেণ্ট করিতেছে

নট। ইওর অনার, সমস্তই আমি নিখুঁতভাবে প্রমাণিত করেছি ব'লেই আমার বিশ্বাস। কিন্তু একান্ত দুঃখের বিষয় যে, এক অত্যাচারী ধনীর অপরাধে, তারই অম্পদুষ্টি, যে অম্মের প্রভাবে তার বিবেক, তার বুদ্ধি, তার ধর্মজ্ঞান লুপ্ত হয়ে গেছে, তেমনই একজন অজ্ঞান দুর্বলের ওপর দণ্ড-বিধান করা ছাড়া ধর্মবিধিকরণের আজ গত্যন্তর নেই। বিচারকের অনুমতি নিয়ে আর একবার শেষবারের জন্য আসামীকে আমি জিজ্ঞাসা করতে চাই—কেন সে এ কাজ করলে ? মহাভারতের সঙ্গে তার কোনও শত্রুতা ছিল না—এ কথা প্রমাণিত হয়েছে। তবু সে যখন এ কাজ করেছে, তখন অন্তরালবর্তী কোন চতুর যন্ত্রীর সুচতুর হাত তাকে এ অন্যায় করতে বাধ্য করেছে। সেই কথা প্রকাশের শেষ সুযোগ আমি হতভাগ্যকে দিতে চাই।

(হাকিম হাসিয়া ষাড় নাড়িয়া সম্মতি দিলেন)

(কালীর প্রতি) কালীচরণ, আবার তোমাকে আমি জিজ্ঞাসা করছি—বল, কার হুকুমে, কেন, তুমি মহাভারতের ধরে আগুন দিয়েছ ?

কালী। কেন বার বার শুনোচ্ছ মশায় ? হ্যাঁ, আমি আগুন দিয়েছি। নিজের খুশিতে আগুন দিয়েছি। বাবুদা আমায় কেন বলবে ? কিসের লেগে বলবে ? আমি নিজের খুশিতে আগুন দিয়েছি।

নট। ইওর অনার, আজ আমার মনে হচ্ছে ভগবানের পুত্র যীশুর রূপে বিশ্ব হওয়ার কথা। ভগবানের পুত্র একবারই মাত্র রূপে বিশ্ব হন নি, বার বার—নিত্য এই সংসারে ভগবানের পুত্র রূপে বিশ্ব হচ্ছেন। মানুষ ভগবানের সন্তান, তার মনুষ্যত্ব এই কালী বাগদীর মনুষ্যত্বের মত যেখানেই পিষ্ট হয়, সেইখানেই তিনি রূপে বিশ্ব হন। ওই অজ্ঞান আসামীর অন্তরের মধ্যে দাসত্বের রূপে বিশ্ব মনুষ্যত্বের রক্তাক্ত মর্তি আমি দেখতে পাচ্ছি। এর বিচার একজন করবেন। ভগবানের পুত্র মানুষের মনুষ্যত্বকে রূপে বিশ্ব করার অপরাধে বিচার করবেন—যিনি সর্বজ্ঞ, সর্বব্রহ্মবিজ্ঞান, সর্বনিয়ন্তা, তিনি। তাঁর বিধানে এ অপরাধের দণ্ডও নির্দিষ্ট হয়ে আছে। ঈশ্বরের পুত্র মহামানব যীশাস ক্রাইস্ট সে কথা আমাদের জানিয়ে দিয়ে গেছেন—It is easier for a camel to go through the eye of a needle than for a rich man to enter into the kingdom of God। সর্বশেষে বিচারকের কাছে ওই নির্বোধ হতভাগ্য হতমনুষ্য আসামীর জন্যে করুণা প্রার্থনা করে আমার বক্তব্য আমি শেষ করলাম।

জজ। (জুরীদের প্রতি) জেটলমেন—

জুরী। আমাদের পরামর্শ করবার কোন প্রয়োজন নেই হুজুর, আমরা সকলেই একমত।
আসামী দোষী—উই ফাইন্ড্ হিম গিল্টি।

জজ। I accept your verdict and condemn the accused to five years R.I.

(জজ, জুরী, কর্মচারী প্রভৃতি সকলেই চলিয়া গেল। নুট্টু কেবল রহিয়া গেল। সুশোভন ও মহাভারতের প্রবেশ। সুশোভনের বগলে বেহালা, হাতে তালপাতার মৃদুট।)

সুশোভন। লং লিভ নুট্টুদা। হিয়ার ইজ এ ক্রাউন মেড অব পাম-লীভস্।

নুট্টু। জান সুশোভন, আমার যদি তোমার মত ছেলে হ'ত, তবে তার মূখে আমি নিজ হাতে বিষ তুলে দিতাম।

সুশোভন। (চমকিয়া) কেন নুট্টুদা?

নুট্টু। কেন, সেই কথা তুমি জিজ্ঞাসা করছ সুশোভন? তোমার মরণই মঙ্গল, মরণ না হ'লে তোমার আত্মহত্যা করা উচিত।

(প্রস্থান)

সুশোভন (বসিয়া পড়িল) মহাভারত!

মহাভারত দাদাঠাকুর।

সুশোভন নুট্টুদা ও-কথা বললে কেন?

মহাভারত বড় দাদাঠাকুরের কথা ছাড়ান দাও। চল, বাড়ি চল।

সুশোভন (কাঁধ প্রাগ করিয়া) মহাভারত, আমার দোষ আমি জানি, আমি অপবার্থ, আমি মাতাল। কিন্তু আমি কারও কোনও ক্ষতি করি না নুট্টুদা। দু-চার পরস্যা, দু-চারটে জিনিসও চুরি করি, কিন্তু তোমার আর কল্যাণীর ছাড়া অন্য কারও নয়—আপন গড, ঈশ্বর জানেন মহাভারত।

[মহাভারত স্তম্ভ হইয়া রইল]

সুশোভন। মহাভারত!

মহা। দাদাঠাকুর!

সুশোভন। বেহালা বাজাব, শুনবে?

মহা। এই রাত্তার ওপর দুপুরে রোদে?

সুশোভন। জান মহাভারত, পটাসিয়াম সায়ানাইড ব'লে এক রকম বিষ আছে, সে বিষ জিবে ঠেকাবামাত্র মানুষ ম'রে যায়, কোনও ব্যস্ত্রণা হয় না।

মহা। না না দাদাঠাকুর, ও-কথা তুমি মনে ঠাই দিও না। বড় দাদাঠাকুরের রাগ অমনই বটে।

সুশোভন। অনেক সময় ভাবি, এখান থেকে চ'লে যাই। কিন্তু ভয় হয় কি জান? মরবার সময় বড় কষ্ট পাব। এখানে মরবার সময় কল্যাণী সেবা করবে, কাঁদবে; তুমি কাঁদবে, মমতা কাঁদবে, অরুণ কাঁদবে, বউদিও কাঁদবে মহাভারত—সবচেয়ে বেশি কাঁদবে বউদি, তাতে আমি ম'রেও সুখ পাব।

মহা। দাদাঠাকুর! আজ থেকে তুমি আমার ঘরে থাকবে দাদাঠাকুর। বড় দাদাঠাকুর রাগ করে, তার সঙ্গে সম্বন্ধ আমি ছুকিয়ে দেব।

সুশোভন। (উঠিয়া) “আমি তো তোমারে চাই নি জীবনে—তুমি অভাগারে চেয়েছ।” কবি, তোমাকে আমি প্রণাম করি।

চতুর্থ অঙ্ক

প্রথম দৃশ্য

নটুবাবুর অট্টালিকার ভূইং-রুম

নটুবাবু এখন প্রোটেশনের সীমান পা দিয়াছে। পূর্বোক্ত ঘটনার চার-পাঁচ বৎসর পর। ইতিমধ্যেই সে লম্বপ্রতিষ্ঠ উকিল এবং অর্থশালী হইয়া উঠিয়াছে। ভূইং-রুমে মূল্যবান আধুনিক আসবাব, দেওয়ালে কয়েকখানি অয়েল-পেইন্টিং—রবীন্দ্রনাথ, দেশবন্দু। প্রাচীন জিনিসের মধ্যে সেই সুচীশিলাপ—‘ইট ইজ ইজিয়ার ফর এ ক্যামেল’খানি রহিয়াছে—
(অরুণ ও শ্যামা বসিয়া আছে, মমতা গান গাহিতেছে —)

এই তো ভাল এই তো ভাল,

সে তারার পানে তরণী বাই তীরের মায়া সেই ঝুচাল ॥

উথলে জল তুমি হাঁকে

তবুও মিছে পিছনে ডাকে,

সকল মন-হরণ-করা জানে যে শব্দ একটি আলো ॥

শ্যামল কোন সাগরতীরে যদি না ভিড়ে তরী,

স্বপন নীড় রচার সাধ বিফলে যায় ঝরি,

অজানা পথে তিমির-রাতে

হাতটি শব্দ রাখিও হাতে,

ঘরের দীপ হ'ল না জ্বালা ঝড়ের মেঘে বিজলী জ্বালো ॥

মমতা। এইবার আমার ছুটি দাও। কংকণার পাঠিয়ে দাও। নইলে মা হয়তো চ'লে আসবেন।

শ্যামা। ভালই হবে। একবার তাঁর পারের ধূলো পড়বে। বাবা এখন বড়লোক হয়েছেন বলে পিসীমা আর আসতেই চান না। না, এ-বেলা তোমার যাওয়া হবে না, ও-বেলা দাদা তোমাকে গাড়ি ক'রে পেঁছে দিয়ে আসবে। চল না দাদা। আমিও যাব।

অরুণ। পেঁছে দিয়ে আসতে রাজী আছি, কিন্তু গাড়ি ক'রে নয়—পায়ে হেঁটে।

শ্যামা। তাই হবে কমরেড মৃৎখার্জি। তোমাদের জন্মসায় অস্থির বাবা! তুমি আজ জেলে যাচ্ছ, কাল বেরুচ্ছ, আবার পরশু যাচ্ছ জেল। বরুণবাবু তো আজ দু বছর ডিটেনশনে। বাবা মামলা আর রাজনীতি নিয়ে ব্যস্ত। মা আপনার মনেই আছে। আমরাই হয়েছে বিপদ। একা থাকি কি ক'রে বল তো? দয়া ক'রে বিয়ে করবার অবসর ক'রে মমতাকে এনে দিয়ে যা খুশি কর, কিছু বলব না।

অরুণ। তার চেয়ে ভাল একটি সঙ্গী দেখে তার ঘরে তোকে পাঠিয়ে দিলে কেমন হয় বল দেখি? মমতা, কি বল? বেটার সাজেশন না? চমৎকার হয় না?

মমতা। নিশ্চয়, চমৎকার হয়।

শ্যামা। চমৎকার হয়! মেয়েরা কখনো পুরুষের সমান হতে পারবে না—এ আমি হলপ ক'রে বলতে পারি। হাজার অনিচ্ছে সবেও পুরুষের কথার ডিটো মারতেই হবে।

চমৎকার হয়! এদিকে মেয়ের মৃৎখানা সাদা ফ্যাকাশে হয়ে গেল।

মমতা। ঠিক কথা ভাই শ্যামা। এ দেশের মেয়েদের কিছু হবে না। অনিচ্ছে সবেও ফ্যাকাশে মুখে আমরা ডিটো মারি, আবার ইচ্ছে বুক তোলপাড় করলেও লজ্জায় মৃৎ লাল ক'রে আমরা ডিটো দিতে পারি না। আমাদের দেশের মেয়েদের কিছু হবে না।

শ্যামা। দাঁড়াও না, একদুনি গিয়ে আমি মাকে ধরছি, দাদার বিয়ে দেবে কি না? আজই

একটা হেস্তনেস্ত করব। মা! মা!

(প্রস্থান)

অরুণ। মমতা!

মমতা। বল।

অরুণ। সত্যিই মমতা, একটা হেস্তনেস্ত না কি ব'লে গেল শ্যামা, করার এইবার প্রয়োজন হয়েছে। তোমার মাও দেখলাম ব্যস্ত হয়েছেন। কিন্তু কয়েকটা কথা তোমায় জিজ্ঞাসা করার প্রয়োজন আছে আমার।

মমতা। জিজ্ঞাসার প্রয়োজন আজও আছে তোমার?

অরুণ। আমার রত তুমি জান।

মমতা। সে স্বতের ভাগ কি আমি গ্রহণ করি নি?

অরুণ। যদি আমার দীর্ঘকাল বন্দী-জীবন যাপন করতে হয়, মমতা?

মমতা। বাইরে থেকে তোমার অসমাপ্ত কাজ শেষ করবার জন্যে প্রাণপণ চেষ্টা করব আমি।
(বাহিরে মোটরের হর্নের শব্দ)

অরুণ। বাবা এলেন। এস, আমরা ভেতরে বাই। (মমতা ও অরুণের প্রস্থান)

(একজন চাকর কতকগুলি জিনিসপত্র, অ্যাটাচি কেস, ফুলের মালা লইয়া প্রবেশ করিয়া টেবিলের উপর রাখিল। তাহার পর প্রবেশ করিল নটু। নটু এখন প্রোচ। পরনে দামী খন্দরের কাপড় জামা চাদর। আসিয়া চেয়ারের উপর বসিল। চাকর চাদর ছাড়ি লইল। পায়ের জুতা লইয়া স্লিপার দিল)

নটু। দীজ মীটিংস, উঃ, আই অ্যাম টায়ার্ড। খবরের কাগজটা কই রে?

(চাকর খবরের কাগজ দিয়া বাহির হইয়া গেল; নটু কাগজ পড়িতে লাগিল। চাকর পুনরায় প্রবেশ করিয়া একখানি কাড দিল; নটু ব্যস্ত হইয়া উঠিল)

নটু। কোথায়? কোথায় তিনি?

চাকর। আজ্ঞে, বাইরে চেয়ারে বসতে দিলেছি।

নটু। আঃ, ইডিয়ট কোথাকার!

[ব্যস্তভাবে বাহিরে গেল, চাকরও গেল, পুনরায় নটু এক বৃন্দ ভদ্রলোককে লইয়া প্রবেশ করিল]

আসুন আসুন। কাশী থেকে কবে ফিরলেন? এই বসুন।

[নিজে দামী আসন আগাইয়া দিল]

বৃন্দ। ফিরেছি আজ চার-পাঁচ দিন হ'ল। শুনলাম সব। ভারি আনন্দের কথা। তুমি এতবড় বাড়ি করেছ, অ্যাসেম্বলির মেম্বর হয়েছে, তোমার ছেলে এম.এ.তে ফাস্ট হয়েছে। ভাবলাম, বেটার লেট দ্যান নেভার, বাই, একবার নটুর সঙ্গে দেখা করে আসি। এখন বল, কি জানাব—অভিনন্দন, না, আশীর্বাদ?

নটু। (প্রণাম করিয়া) সমস্ত আপনাদের আশীর্বাদ।

বৃন্দ। বার থেকে যখন তোমাকে সাপোর্ট করে আপীলটা আমার সইয়ের জন্যে পাঠালে, তখন প্রথমটা একটু আশ্চর্য হলাম। নটু কংগ্রেসের বিরুদ্ধে দাঁড়াচ্ছে? কংগ্রেস নটুকে নমিনেশন দিলে না? বাক, বার-লাইব্রেরির এককালে প্রেসিডেন্ট ছিলাম, তুমি হ'লে বর্তমান প্রেসিডেন্ট, আমি সঙ্গে সঙ্গেই সই করে পাঠিয়ে দিলাম।

নটু। আপনার নামে অনেক কাজ হয়েছে। আপনার নাম—

বৃন্দ। না না, বড় উকিল ব'লে পসার ছিল, তাকে কি আর নাম বলে? তুমি কমী, কার্ত্তমান পুরুষসিংহ; তোমার নিজের গুণেই কংগ্রেস ক্যাম্পিডেটেকে হারানো সম্ভবপর হয়েছে। কিন্তু কেন? কংগ্রেস তোমাকে নমিনেশন দিলে না কেন?

নুট। পাটি-পলিটিঙ্ক তো জানেন। পাটি-পলিটিঙ্ক আর কি। আমি যথাসর্বস্ব কংগ্রেসের প্রয়োজনে ঢালতে পারছি না, এবারকার সিভিল ডিস্‌ওবিডিয়েন্স্‌ মড্‌মেণ্টে আমি জেলে যাই নি—এই আমার অপরাধ।

বৃন্দ। সত্যি কথা বলতে নুট, মডান পলিটিঙ্কের এই সব আন্দোলন আমি বেশ বুঝতে পারি না বাপু। জেলেই যদি সবাই যাবে, তরে কাজ করবে কে?

নুট। (হাসিয়া) জানেন, থাটি'র মড্‌মেণ্টের সময় আমার ছেলেকে আমি সেই কথা বলেছিলাম—বলেছিলাম, দেশের অম্ববস্ত্রের আগে সংস্থান কর। জেলে যাওয়ার চেয়ে সেটা বড় কাজ। মৃত্যু সে প্রতিবাদ করলে না, কিন্তু সেই দিনই বিকেলে অ্যারেস্টেড হ'ল। থাটি' থাটি'ওয়ান—দু বছর মাটি ক'রে এবার সে একজামিন দিলে। আমার ছোট ছেলে আরও প্রগতিশীল, সে এখনও দেউলীতে। আমার বড় ছেলে ইলেকশনের সময় কলকাতায় গিয়ে ব'সে রইল, পাছে কংগ্রেসের বিরুদ্ধে আমার জন্যে তাকে কাজ করতে হয়।

বৃন্দ। ছেলের বিয়ে দাও হে, ছেলের বিয়ে দাও। সব সেরে যাবে। ওসব হ'ল এক ধরনের হিষ্টিরিয়া।

নুট। বিয়ে তো হয়েছেই যেত এতদিন, কিন্তু জেলে তো আর ছাঁদনাতলা পাতা হয় না। এইবার বিয়ে দেব। কিন্তু ছেলে বলে কি জানেন—উপার্জনকম না হয়ে বিয়ে করব না।

বৃন্দ। ভাল কথা নুট, তুমি কি ছেলের বিয়ের কোথাও ঠিক করেছ?

নুট। হ্যাঁ (ইতস্তত করিয়া) মানে—অনেকদিন আগে প্রতিশ্রুতি দিয়েছিলেন আমার স্ত্রী, আমিও অবশ্য—

বৃন্দ। দেখ, কয়েকদিন আগে আমার বাড়ির সামনেই নদ'মার ধারে একটা মাতাল প'ড়ে ছিল, লোকে বললে—নুটু'বাবুর বেয়াই। আজ আবার দেখলাম, সে একটা ইতর জাতের মাতালের সঙ্গে মাতলামো করছে। আজও লোকে বললে—নুটু'বাবুর বেয়াই। একটি দরিদ্র বিধবা এসেছিল আমাদের বাড়ি, হাতে-তেরী জামা টেবিল রথ বিক্রি করতে। মেয়েরা বললে—তোমার বেয়ান। প্রতিশ্রুতি কি তোমার এদের কাছে?

নুট। (মাথা হেঁট করিয়া একটা দীর্ঘনিশ্বাস ফেলিল) আজ্ঞে হ্যাঁ, প্রতিশ্রুতি আমার এদের কাছেই। এ আমার হয়েছে নীলকণ্ঠের বিষ।

বৃন্দ। এ বিষ উদরস্থ হ'লে কিন্তু মারাত্মক হবে নুট। না না, তুমি এ কাজ ক'রো না। কংগার ন্যায়রত্নের বংশ তোমরা, তুমি নিজে কীর্তিমান হয়েছে ওই বংশের পবিত্রতায়। এ কাজ তুমি ক'রো না।

[মহাভারতের প্রবেশ—ভঙ্গী তাহার সংকুচিত; পূর্বের মত স্বচ্ছন্দ নয়]

নুট। কি মহাভারত?

[মহাভারত প্রণাম করিল]

মহা। আজ্ঞে, দিসিঠাকুরদা এলেন, সঙ্গে এলাম। তাই বলি, আপনাকে পেনাম।

নুট। কল্যাণী এসেছে?

মহা। আজ্ঞে হ্যাঁ।

বৃন্দ। এটি তোমার সেই চাষী বীর নয়, যাকে নিয়ে তোমার কংগার বাবুদের সঙ্গে লড়াই শুরু হয়েছে? হ্যাঁ, সবচেয়ে বড় কীর্তির কন'গ্রাচুলেশনই তোমাকে দেওয়া হয় নি। ওইটেই তোমার সবচেয়ে বড় কীর্তি হে। কংগার বাবুদের মত অত্যাচারী বাবুদের তুমি জয় কর নি, সংশোধন করেছ। কংগার আমি গিয়েছিলাম, আমার পূর্বনো মজল তো, ওদের এলাকার জমি-জেরাত আমার আছে। দেখলাম, সে আমলই আর নেই, ধারা-

ধরন সব পালটে গেছে। কর্তাবাবু বললেন—এসব নুটু উকিলের শিক্ষা রাজেনবাবু। ব'লে হা-হা ক'রে হাসলেন। স্বীকার করলেন, আগে যা করতেন, সেসব অন্যান্য। তোমার অ্যাসেমব্লি-ইলেকশনে ও'রা তো তোমাকেই সাপোর্ট করেছিলেন শুনলাম। বড়বাবু বললেন—নুটুর ওপর রাগ তো নেই-ই, আমি তাকে প্রণাম করি, কত বড় লোক নুটু, আমাদের গ্রামের গৌরব, তাকে আমরা সাপোর্ট করব না ?

মহা। আমি বাইরে যাই দাদাঠাকুর। (সম্মুখে প্রস্থান)

নুটু। (মহাভারতের যাওয়াটা গ্রাহ্যই করিল না) হ্যাঁ, ও'রা আমাকে সত্যিই লজ্জা দিয়েছেন। অল্পবয়সে মানুষ এক দিকই দেখে, দু'দিক দেখতে চায় না। দিনে আলোকে ভাবে একমাত্র সত্য, আলোই থাকবে চিরকাল; আবার রাতে অন্ধকারকেও ভাবে তাই। দোষগুণ নিয়ে মানুষ, কণ্ঠগার বাবুদের দোষটাই সে বয়সে আমার চোখে পড়েছিল, দোষ ছাড়া কিছু দেখতে পাই নি; কিন্তু আজ দেখছি, গুণও যথেষ্ট আছে ও'দের।

বৃন্দ। কর্তাবাবু রসিক লোক তো, বললেন—যাব একদিন নুটুবাবুর ওখানে। জিজ্ঞাসা করলাম, কেন? তা বললেন—নুটু শুনেনি মন্ত উকিল, এ-জেলা ও-জেলা থেকে ডাক আসে, আমি একবার তার সঙ্গে সুওয়াল-জবাব করতে যাব রাজেনবাবু। নিজের নাতিকে—দেবনারায়ণবাবুর ছেলেকে দেখালেন, ছেলোটি এবার বি. এ. পাস করেছে। ভাল ছেলে। বললেন—একেও আমি উকিল করব। তা তোমার ছেলোটি কই—আমাদের দেশের ভাবী উজ্জ্বল নকশ ?

নুটু। অরুণ !

(প্রবেশ করিল শ্যামা)

শ্যামা। দাদা বেরিয়েছেন, এখনও ফেরেন নি।

বৃন্দ। এটি তোমার মেয়ে ?

নুটু। প্রণাম কর শ্যামা।

(শ্যামা প্রণাম করিল)

বৃন্দ। রাজরাণী হও ভাই। বাঃ, চমৎকার মেয়ে! মেয়ের বিয়ের ঠিক কিছুর করলে? এইবার বিয়ে দাও।

(শ্যামা ভিতরে চলিয়া গেল)

নুটু। পাত্র খুঁজছি, কিন্তু মনের মত যে পাচ্ছি না। বর পাচ্ছি তো বর পাচ্ছি না, বর মিলছে তো বর মনের মত হচ্ছে না।

বৃন্দ। এক কাজ কর না। দেবনারায়ণের ছেলোটিকে দেখ না। ছেলোটিকে আমার বড় ভাল লাগল হে।

(নুটু চুপ করিয়া ভাবিতে লাগিল)

আজ উঠলাম নুটু। তোমার ছেলেকে একদিন পাঠিয়ে দিও আমার কাছে। আলাপ করব। নেপথ্যে সূশোভন। (জড়িতকণ্ঠে) “মরণ রে, তু'হু মম শ্যাম সমান”।

বৃন্দ। ওই সেই লোকটা না ?

নুটু। (গম্ভীরভাবে) আজ্ঞে হ্যাঁ।

বৃন্দ। না নুটু, তুমি এক কাজ ক'রো না। না না না। তোমার মত লোকের—হিঁ হিঁ হিঁ।

(নুটু চুপ করিয়া রহিল। প্রবেশ করিল সূশোভন)

আচ্ছা, আজ আমি আসি।

(প্রস্থান)

(নুটু তাঁহাকে আগাইয়া দিয়া ফিরিয়া আসিল; বৃন্দ গম্ভীর তাহার মূর্তি)

নুটু। দারোয়ান !

সূশোভন। (অত্যন্ত বিমর্ষভাবে) আমার মধু দিয়ে আজ রক্ত উঠল নুটুদা। আমার

দশটা টাকা দেবেন ? ডক্টর সেন আট টাকার কমে দেখেন না ।

(দারোগার প্রবেশ, অভিযান করিল)

নট । ইস্কো নিকাল দো বাড়িসে ।

দারোগার । (বিস্মিত হইল) হুজুর !

নট । নিকাল দো ইস্কো । (সুশোভনকে আঙুল দিয়া দেখাইল)

সুশোভন । আমাকে নিকাল দেবে নটুদা ?

নট । (দারোগারকে) খাড়া হোকে কেয়া দেখতা তুম ।

সুশোভন । আমি যাচ্ছি নটুদা । আই হ্যাভ নো ডিজ্যুরার টু লিভ, রোগের বস্ত্রণা প্রায় অসহ্য হয়ে উঠেছে । স্টিল আই ওয়াটেড টু লিভ ফর কল্যাণী—সে বড় আশাত পাবে, দ্যাট ইজ দি রিজন্ আই কেম অ্যাবোগিং । আমি যাচ্ছি । “মরণ রে, তুঁহু মম শ্যাম সমান” ।

(প্রস্থান)

নট । আগর বাড়িমে বসুনে মং দো । নেহি তো তুমারা নোকরি চলা যায়গা । যাও ।

(দারোগার প্রস্থান)

(মৃহুরীর ফাইল লইয়া প্রবেশ)

এখন নয়, পরে । যাও এখন ।

(ফাইল রাখিয়া মৃহুরীর প্রস্থান)

শ্যামা !

(শ্যামার প্রবেশ)

শ্যামা । বাবা !

নট । মহাভারত বললে, কল্যাণী এসেছে—

শ্যামা । হ্যাঁ, মায়ের সঙ্গে গল্প করছেন ।

নট । পাঠিয়ে দাও এখানে ।

(শ্যামা চলিয়া যাইতেছিল)

একদ্বি, বলবে, আমি অপেক্ষা করে রয়েছি । একদ্বি ।

(শ্যামার প্রস্থান)

(নট দীর্ঘ দৃঢ় পদক্ষেপে পায়েচারি ক্রিতে লাগিল)

(কল্যাণীর প্রবেশ)

নট । (স্থির হইয়া দাঁড়াইল) কল্যাণী ! আমি সুশোভনকে বাড়ি থেকে বের করে দিয়েছি । আর কোনদিন আমার বাড়ি ঢুকতে তাকে বারণ করে দিয়েছি ।

কল্যাণী । (মাথা হেঁট করিল, তারপর মৃদুস্বরে বলিল) আপনি দাদা, শাসন আপনি করবেন বইকি নটুদা ।

নট । না, শাসন নয় । তার সঙ্গে কোনও আত্মীয়তা আমার নেই, হতে পারে না । তোমাকেও ওকে ত্যাগ করতে হবে কল্যাণী ।

কল্যাণী । (গিহরিয়া) নটুদা ! ছোড়দার মৃদু দিয়ে মধ্যে মধ্যে রক্ত ওঠে । উনি আর বেশিদিন বাঁচবেন না ।

নট । তার মরবার জায়গার অভাব হবে না কল্যাণী । হাসপাতাল আছে, গাছতলা আছে, পথ আছে—

কল্যাণী । আপনি কি বলছেন নটুদা ?

নট । সত্যি চিরদিন নিষ্করুণ কঠোর । জ্ঞানহীন শিশু আগুনের শিখার হাত দিলে জ্ঞানহীন বলে আগুন তাকে কমা করে না । বিধাতার বিচার আগুনের মতই দীর্ঘ,

পবিত্র, অথচ নিষ্ঠুর। সে বিচারের দণ্ড থেকে অপরাধীকে রক্ষা করতে গেলে তার আঁচ তোমাকেও লাগবে। আরও একটা কথা—তোমাকেও কতকগুলো জিনিস ছাড়তে হবে। কল্যাণী (স্থিরভাবে নুটুর দিকে তাকাইয়া তারপর খীর-স্বরে বলিল) বলুন।

নুট। দারিদ্র্যকে আমি প্রাণ্য করি, কিন্তু সে দারিদ্র্য মৰ্যাদাহীন নয়, সে দারিদ্র্য মহৎহীন নয়, তাতে মালিন্য নেই।

কল্যাণী। সেই দীক্ষাই তো আপনার কাছে—

নুট। আমি দিয়েছিলাম, কিন্তু তুমি নিতে পার নি। কল্যাণী, তুমি জামা তৈরি করে বিক্রি করতে যাও ভুল্লোলকের বাড়ি, তারা তোমাকে করুণা করে জিনিসের দাম বেশি দেয়, দয়া করে। সেটা বিনিময় নয়, দান। তোমার বেশভূষার দিকে চেয়ে দেখ—মালিন্যের ছাপ। ওসব তোমায় ত্যাগ করতে হবে।

কল্যাণী। আর কিছ্ আমার বলবেন দাদা?

নুট। তোমার উত্তর শুনতে চাই বোন।

কল্যাণী। না।

নুট। সময় চাচ্ছ? উত্তর এখন দিতে পারবে না?

কল্যাণী। না। আমার উত্তরই দিচ্ছি—না। আপনার যুক্তি আমি স্বীকার করি না।

দয়া আমি কারও কাছে নিই না। আমার দারিদ্র্য আমার অহংকার। আর ছোড়না আমার রক্ত ভাই। তা ছাড়া নুটুদা, আপনি যখন তাকে আত্মীয় বলে স্বীকার করতে পারছেন না, তখন মমতার বাপকেই বা 'আত্মীয়' বলে স্বীকার করবেন কি করে? মমতা তো তার বাপকে অস্বীকার করতে পারবে না নুটুদা।

নুট। (কল্যাণীর মূখের দিকে চাইয়া) তোমার সঙ্গে আজ থেকে আমি সকল সংশ্রব ত্যাগ করলাম। ভবিষ্যতেও—

কল্যাণী। মমতাকে, ছোড়নাকে নিয়ে আজই আমি এখান থেকে চলে যাব।

(প্রস্থানোদ্যত)

নুট। অপেক্ষা কর।

(কল্যাণী দাঁড়াইল, নুটু আলমারি খুলিয়া গহনার বাস্তু বাহির করিয়া কল্যাণীকে দিল)

মমতার গহনা—আমার কাছে গাঁছিত রেখেছিলে। আর একটা কথা।

কল্যাণী। বলুন!

নুট। সম্বন্ধ ছাড়বার আগে যদি মমতার মামা হিসাবে তার বিবাহে কিছু যৌতুক দিই, সে কি তুমি নেবে না?

কল্যাণী। (একটু ভাবিয়া) মাথা পেতে নেব নুটুদা।

[নুটু চেক-বই বাহির করিয়া একটা চেক লিখিল]

নুট। এই নাও। মমতার বিয়েতে যৌতুক দিও।

কল্যাণী। (চেক মাথায় ঠেকাইয়া) শ্যামা-অরুণের আমি পিসীমা। তাদের বিয়েতে আমাকেও কিছু দিতে হয় দাদা। গরিব বোন বলে ফিরিয়ে দেবেন না।

(প্রণাম করিয়া চেকখানি নুটুর পায়ে রাখিয়া দিয়া চলিয়া গেল। নুটু চেকখানি কুড়াইয়া লইয়া খীরে খীরে ছিঁড়িয়া ফেলিল। চেয়ারে বসিয়া একটা দীর্ঘনিশ্বাস ফেলিল।

তারপর সিগার ধরাইল)

মহুরীর প্রবেশ

মহুরী। বে মকন্দমাঠায় আমরা হেরেছি, সেইটের রায়। (রায়ের কাগজ নামাইয়া দিল)

হাইকোর্টে আপীল করবে পার্টি ! তাই বলে, পল্লের-গলো একবার দেখে—

(নট্ট পড়িতে আরম্ভ করিল । মূহুরীর প্রস্থান)

নট্ট । (পড়িতে পড়িতে উত্তেজিত ভাবে) অ্যান ইন্ডিয়ট ! গদ'ভ বিচারকের আসনে বসলে চিংকারের মূল্য থাকে—যুক্তি হয় মূল্যহীন । (রায়খানা সন্ধোষে ছুঁড়িয়া ফেলিয়া দিল) 'পড়িলে ভেড়ার শৃঙ্গে ভাঙে হীরার ধার' ।

(উঠিয়া পদচারণা আরম্ভ করিল । বাহিরে মোটরের হর্ন বাজিল)

(মূহুরীর পুনঃপ্রবেশ)

মূহুরী । (ব্যস্তভাবে) বাবু, কংগার বাবু—কতী বাবু, দেবনারায়ণবাবু এসেছেন ।

নট্ট । (চকিত হইয়া উঠিল) কে ? কংগার বড়বাবু ?

(ব্যস্ত হইয়া বাহির হইয়া গেল । মূহুরী রায়খানা কুড়াইয়া ফাইল সমেত গুচ্ছাইয়া লইল । নট্ট, শিবনারায়ণ ও দেবনারায়ণের প্রবেশ । মূহুরীর প্রস্থান)

নট্ট । আসুন, আসুন, আসুন । মহাভাগ্য আমার আজ । (বড়বাবুকে প্রণাম করিল, দেবনারায়ণকে নমস্কার করিল) বসুন ।

শিব । সে তো তুমি না বলতেই এসেছি হে । এখন তাড়িয়ে দেবে কি না বল ?

নট্ট । (পুনরায় প্রণাম করিয়া) তা বলতে পারেন । আপনাদের কাছে আমার অনেক অপরাধ । তবে আমি অমানুষ নই ।

শিব । এক শো বার—হাজার বার । শূদ্র মানুষ নয় হে, তুমি একটা মরদ । মরদ-পুরুষ সংসারে বড় দুল্ভ হে । তুমি একটা মরদ ।

দেব । অপরাধ আপনার নয় নট্টবাবু, দোষ আমাদেরও অনেক ছিল ।

শিব । (চারদিক দেখিয়া) তাই তো হে নট্ট, এ যে তুমি ইন্দ্রপুত্রী বানিয়ে ফেলেছ দেখছি ! বা—বা—বা ! বলিহারি—বলিহারি ! হুঁ, তুমি মরদ বুটে ।

নট্ট । এখন বসুন ।

শিব । শোন হে নট্ট, কি জন্যে এসেছি শোন । তোমার সঙ্গে সওয়াল করতে এসেছি । দেশের মধ্যে তো তুমি এখন সবচেয়ে সেরা উকিল । এ-জেলা ও-জেলা ক'রে বেড়াচ্ছ । আজ আমি তোমার সঙ্গে সওয়াল করব ।

নট্ট । (হাসিয়া) বেশ, বসুন ।

শিব । ধর, তোমার বাড়িতে ভিখারী এসেছে । তাকে বসতে বলি আর কি আপ্যায়িত করবে, যদি ভিক্ষেই না দাও তাকে ?

নট্ট । এ যে বড় অসম্ভব কথা, আশঙ্কার কথা । আমার কাছে আপনারা ভিক্ষে চাইবেন—এ যে বলির ঝরে বামনদেবের ভিক্ষে চাওয়া ! বেশ, আগে বসুন ।

শিব । হুঁ । উপমাটা তুমি বড় ভাল দিয়েছ নট্ট । তবে দেখ, বিবেচনা ক'রে দেখ, পাতালে থাকতে যদি ভয় হয় তো ভেবে দেখ । (হা-হা করিয়া হাসিলেন)

নট্ট । বসুন আগে ।

শিব । উঁহু, আগে তুমি দেবে বল ; তবেই বসি, নইলে বাই ।

নট্ট । বেশ, মাঝাই পাতলাম আপনার পারে । এইবার বসুন । বসুন দেবনারায়ণবাবু, বসুন ।

শিব । ওকে বলতে হবে না ; ওর বাবা বসবে—ও তো ছেলেমানুষ । ঠিক বসবে ও । (উভয়ে বসিলেন)

নট্ট । এইবার অনুমতি করুন ।

শিব । (বসিয়া) তোমার বড় ছেলেটিকে আমাকে ভিক্ষে দিতে হবে ; আমার নাতনীকে

তোমার আশ্রয় দিতে হবে—দেবনারায়ণের মেয়ে।

দেব। (নুটুর হাত চাপিয়া ধরিল) আমাকে কন্যাদায় থেকে আপনি উদ্ধার করুন।

শিব। তোমার ছেলে খুব ভাল, বি. এ.-তে এম. এ.-তে ফাস্টো হয়েছে। তুমি নিজে একটা মরদ, দেশবিদেশে নামডাক। টাকাও করেছ অটেল। কিন্তু ককণার বাবুদের বাড়ির মেয়ে খনে কুলে মানে তোমার বাড়ির অব্যগ্যি হবে না। আর নাতনীর আমার ভারি লক্ষণ ভাল হে। রূপের কথা আর বলব না, তুমি নিজেই দেখবে; আমি তো নুটু, ম'জে আছি নাতনীর রূপে! দেবদর যে আমার জামাই পছন্দ হ'ল না, নইলে—(হা-হা করিয়া হাসিয়া উঠিলেন)

দেব। নুটু বাবু!

নুটু। (হাসিয়া) ছাড়ুন, কতাকে আগে প্রণাম করি। (প্রণাম করিয়া) ভিক্ষে আমি দিচ্ছি; কিন্তু ভিক্ষে তো শূদ্ধ দিতে নেই কতী, সে তো আপনাকে বলতে হবে না। দক্ষিণে সমেত ভিক্ষে দেব আমি। 'না' বললে শুনব না। আমার কন্যাও বিবাহ-যোগ্য, সেইটিকে দক্ষিণে স্বরূপ আপনাদের নিতে হবে—দেববাবুর বড় ছেলের সঙ্গে তার বিয়ে দিতে হবে।

শিব। বলিহারি! বলিহারি! বলিহারি! এই না হ'লে উকিল! ওরে বাপ রে! উল্টো ছাঁদে গেরো! ও দেবদ, নুটু যে হারিয়ে দিলে রে! (হা-হা করিয়া হাসিলেন) আচ্ছা, তাই হ'ল।

নুটু। ছেলেমেয়েকে আমি ডাকি।

শিব। না, আজ থাক। দেখাশুনো দিন দেখে। আজ নয়। আচ্ছা আজ তা হ'লে উঠলাম।

নুটু। সে কি! একটু মিষ্টিমুখ ক'রে যেতেই হয়।

শিব। আজ নয় বাবা। আগে তুমি যাবে ককণার বাড়ি, আমার বাড়ি পায়ের ধুলো দেবে, তবে। আজ ব'লো না। সে আমার প্রতিজ্ঞা আছে নুটু, উ'হু সে হবে না।

নুটু। (হাসিল) বেশ, আজ বিকেলেই যাব আমি।

(শিবনারায়ণ, দেবনারায়ণ অগ্রসর হইল, নুটু অনুসরণ করিল। নুটু ফিরিল)

নুটু। বিমলা! বিমলা!

(শ্যামার প্রবেশ)

শ্যামা। মা ককণার গেছেন।

নুটু। ককণার? এ কি, তুই যেন কে'দেঁছিস মনে হচ্ছে শ্যামা!

শ্যামা। না বাবা, না।

(প্রস্থান)

নুটু। শ্যামা! (অনুসরণশোদ্যত)

(মহাভারতের প্রবেশ)

মহা। দাদাঠাকুর!

নুটু। এস মহাভারত। বাবুরা আজ কি জন্যে এসেছিলেন জান? দেববাবুর মেয়ের সঙ্গে—

(মহাভারত প্রণাম করিল)

মহা। আমি চললাম দাদাঠাকুর।

নুটু। না। ও-বেলার আমার সঙ্গে যাবে। আমি ও-বেলা বাবুদের ওখানে যাব। তুমি আমার সঙ্গে যাবে।

মহা। না।

নট। তুমি অরুণের খুঁড়ো, দেবনারায়ণবাবু তোমাকে বেয়াইয়ের মত সম্মান করবেন।
মহা। সম্মান! জুতোর ছাপটা যে বুকের ভেতর এখনও আঁকা আছে দাদাঠাকুর। সম্মানে আমার কাজ নাই। দাঁদাঠাকুরন কাশী যাচ্ছে, আমিও তেনার সাথে কাশী যাচ্ছি।
আর কটা দিন বলেন? ই কটা দিনের ভেতর বাবুদের বেয়াই হতে পারবে। (চলিয়া
বাইতে বাইতে ফিরিয়া) আপননি শেষটা এই করলেন দাদাঠাকুর?

(প্রস্থান)

নট। (দৃঢ়ভাবে কিছুক্ষণ দাঁড়াইয়া থাকিয়া) মহাভারত! মহাভারত! (অগ্নসর হইল,
দরজার মূখেই অরুণ প্রবেশ করিল, নটু থমকিয়া দাঁড়াইল)

অরুণ। সে চ'লে গেল।

নট। ডাক তো তাকে।

অরুণ। সে ফিরবে না বাবা।

নট। (হাসিয়া) সে আমার ওপর রাগ করেছে। একজন লোক পাঠাতে হবে ওর বাড়িতে।
যাক, তোমাকে আমার অনেক কথা বলবার আছে।

অরুণ। আপনার কাছে আমারও কিছু বলবার আছে বাবা।

নট। (তীক্ষ্ণ দৃষ্টিতে অরুণের আপাদমস্তক দেখিয়া) অরুণ।

অরুণ। বলুন।

নট। আমার মনে হচ্ছে, আমার বক্তব্যের সঙ্গে তোমার বক্তব্যের সম্বন্ধ খুব ঘনিষ্ঠ। নয়
কি? [অরুণ চুপ করিয়া রহিল] বল, কি বলবে বল? তোমার বক্তব্যই আগে শুনব
আমি।

অরুণ। আপনি কি কল্যাণী-পিসীমাকে—

নট। কল্যাণীর সঙ্গে আমি সমস্ত সংশ্লিষ্ট ত্যাগ করেছি।

অরুণ। ত্যাগ করেছেন?

নট। তুমি কি আমার কাছে তার জন্যে কৈফিয়ত চাও?

অরুণ। না। ও-কথা আর জিজ্ঞাসা করব না। আমার আর একটা কথা জানবার আছে।

আপনি কি কংকণার গাঙুলীদের বাড়িতে আমার বিবাহের সম্বন্ধ করেছেন?

নট। লজ্জাহীনতা কি মডার্নিজমের প্রধান ধর্ম অরুণ?

অরুণ। জীবনের অতি গুরুত্বের সমস্যায় আপনার মত ব্যস্ত করা লজ্জাহীনতা বাবা? সে
হ'লে আপনার কথা সত্য, আমি স্বীকার করছি।

নট। ভাল, এই প্রসঙ্গে আর একটা কথা তোমার স্মরণ করিয়ে দিতে চাই অরুণ।

অরুণ। বলুন।

নট। রাষ্ট্রীয় ক্ষেত্রে ইন্ডিভিজুয়াল হিসেবে তোমার অধিকার আমার চেয়ে কম নয়।

তোমার সে অধিকার আমি স্বীকার করে এসেছি। কিন্তু আমার ঘর—আমার গ'ড়ে
তোলা সাম্রাজ্য, সেখানে আমি সত্তা।

অরুণ। দেশের শাসনতন্ত্রের মধ্যে যদি আপনার ব্যক্তিগততন্ত্রের স্বাধীনতার অধিকার থাকে,
সে অধিকার প্রতিষ্ঠার জন্যে যদি বিদ্রোহ করবার অধিকার আপনার থাকে, তবে আপনার
সাম্রাজ্যের মধ্যে—

নট। তুমি বিদ্রোহ করবে অরুণ? তুমি আমাকে অমান্য করবে?

অরুণ। গাঙুলীদের বাড়িতে আমি বিয়ে করতে পারব না—এই কথাটা আপনার পারে
'ধ'রে জানাতে এসেছি বাবা।

নট। (সিরিয়া গিয়া) থাক, আমার পা তুমি স্পর্শ ক'রো না।

[অরুণ নীরবে দাঁড়াইয়া রহিল]

তোমার বক্তব্যের বোধ করি আরও কিছুটা বাকি আছে ! সেটা বোধ করি এই যে, মমতাকেই তুমি বিবাহ করতে চাও ?

[অরুণ নীরবে হইয়া রহিল]

[নুটু আপন মনেই আবৃত্তি করিল]

I tax not you, you elements, with unkindness ;
I never gave you kingdom, called you children ;
You owe me no subscription : then let fall
Your horrible pleasure ; here I stand, your slave—

অরুণ, আজ কিং লিয়াকে আমার মনে পড়ছে। অবশ্য কিং লিয়ালের মত সর্বস্বাস্ত ইমোশনাল নই আমি। (অরুণের মূখ্যোন্মুখি দাঁড়াইয়া) তুমি বিদ্রোহ করতে চাও অরুণ ?

অরুণ। (নতজানু হইয়া আবেগভরে) আপনার কাছে আমি মিনতি করছি। আজ আপনার গোরবে আমি যে বিশাল সৌধ গড়ে তার ওপর দাঁড়িয়ে আছি, সে সৌধ আপনি ভেঙে দেবেন না। আপনার আদর্শ—

নুটু। ইউ মীন টু সে, কংগার বাবুদের বাড়িতে তোমার বিশেষ দিলে আমি আদর্শ হ্যুত হব ? অরুণ। কল্যাণী-পিসীমাকে, সুশোভনবাবুকে, মমতাকে পরিত্যাগ করলে আপনি আদর্শ-হ্যুত হবেন, সে কি আপনি বুদ্ধিতে পারছেন না ?

নুটু। আমার আদর্শবোধে তোমার সন্দেহ জেগেছে, অরুণ ? এত বড় ইম্পার্টিনেন্স তোমার ? এত বড় স্পর্শ ? গেট আপ, উঠে দাঁড়াও ! [অরুণ উঠিল] এত বড় স্পর্শ তোমার ? [অরুণ নীরবে] উত্তর দাও। এত বড় স্পর্শ তোমার ?

অরুণ। না, স্পর্শ আমার নয়, স্পর্শ আমার আদর্শের, যে আদর্শ আপনি আমায় দীক্ষা দিয়েছেন। স্পর্শ আমার শিক্ষার, যে শিক্ষা আমাকে দিয়েছেন আপনি।

নুটু। সে শিক্ষার আরও কিছু বাকি আছে। শোন। অবশ্য সন্তান আর দৃষ্ট অঙ্গের মধ্যে কোন প্রভেদ নেই। দৃষ্ট অঙ্গের মতই তাকে পরিত্যাগ করতে হয়।

(অরুণ বাপের মূখের দিকে চাইয়া রহিল, তারপর প্রণাম করিয়া চলিয়া যাইতেছিল)

তুমি জান অরুণ, কত বড় আঘাত তুমি আমায় দিয়ে যাচ্ছে ?

(অরুণ একবার দাঁড়াইল। তারপর চলিয়া গেল। পর-মুহূর্তেই সে ফিরিয়া আসিল)

অরুণ। ওইটে আমি নিয়ে যাব। কাপের্টের ওপর লিখেছিলাম আমি, বুনোছিলেন মা। ওটা আমি নিয়ে যাব।

("It is easier for a camel"—লেখা সুচীশিষ্টের দিকে অরুণ অগ্রসর হইল)

নুটু। (সঙ্কোচে) অরুণ !

অরুণ। না, ওটা আর এখানে থাকবে না, থাকতে পারে না, ওটা রাখবার আপনার অধিকার নেই।

নুটু। অরুণ !

অরুণ। আপনি আজ ধনী, দারিদ্র্যকে আজ আপনি ঘৃণা করেন, মিথ্যা মর্ষাদার মোহে মানুষকে আপনি আত্মীয় স্বীকার করতে লজ্জা পান। বীর্ষ সাহসে গৌরবান্বিত জাতীতকে স্বীকার করতে আপনার আজ সঙ্কোচ হয়। আপনার কাছে থাকবে না। এ আমি নিয়ে যাব।

নুটু। ওটা তোমার মায়ের হাতের কাজ অরুণ, ওটা তুমি রেখে যাও। তোমার মা আমাকে

পরিত্যাগ করেন নি।

অরুণ। আমার আগেই আমার মা চ'লে গেছেন।

নট। চ'লে গেছেন ?

অরুণ। কল্যাণী-পিসীমা চ'লে যাবার সঙ্গে সঙ্গেই তিনি চ'লে গেছেন।

[অরুণ চলিয়া গেল]

নট। রেখে যাও। ওটা রেখে যাও। অরুণ, ওটা রেখে যাও। (থরথর করিয়া কাঁপিতে কাঁপিতে) বিমলা! অরুণ! মহাভারত! (দরজা সম্মান করিতে করিতে) দরজা—দরজা—দরজা কই, দরজা? গেট অফ হেভেন্স কি বন্ধ হয়ে গেল? স্বর্গদ্বার কি রুদ্ধ হয়ে গেল? বিমলা! বিমলা!

[কাঁপিতে কাঁপিতে টেবিলের উপর মাথা রাখিয়া বসিয়া সোফায় পড়িয়া গেল]

[শ্যামার প্রবেশ]

শ্যামা। বাবা! বাবা! বাবা! এ কি! দাদা—দাদা!

[ছুটিয়া বাহির হইয়া গেল]

দ্বিতীয় দৃশ্য

কক্ষান্তর

(অরুণ চলিয়া বাইতেছে, শ্যামা প্রবেশ করিল)

শ্যামা। ফেরো দাদা, ফেরো। বাবা অজ্ঞান হয়ে গেছেন।

অরুণ। অজ্ঞান হয়ে গেছেন ?

শ্যামা। হ্যাঁ, শিগগির ডাক্তার ডাক—শিগগির!

অরুণ। এইটে—এইটে—শ্যামা, এইটে নিয়ে যা। আমি পাশের বাড়ির ডাক্তারকে ডাকি।

শ্যামা। মায়ের কাছে লোক পাঠাও দাদা—শিগগির।

[সুচীশিল্পটি লইয়া চলিয়া গেল]

অরুণ। মদ্রুরীবাবু, শিগগির পাশের ডাক্তারকে ডাকুন। বাবার অসুখ। অজ্ঞান হয়ে গেছেন—শিগগির। দরোয়ান!

নেপথ্যে শ্যামা। জল—জল—কেস্ট, মাথায় জল ঢাল।

অরুণ। দরোয়ান! দরোয়ান!

(দরোয়ানের প্রবেশ)

শিগগির তুমি কক্ষণায় যাও। মাকে গিয়ে বল, বাবার বড় অসুখ—শিগগির।

(দরোয়ানের প্রস্থান। অরুণ ভিতরে গেল। পুনরায় ফিরিয়া আসিল)

বরফ—বরফ—মদ্রুরীবাবু, ডাক্তারবাবু কি এখনও এলেন না ?

[প্রস্থান]

নেপথ্যে নট। দরজা—দরজা! বিমলা, দরজা খুলে দাও। বিমলা!

নেপথ্যে অরুণ। এই যে ডাক্তারবাবু!

(ডাক্তার ও অরুণ ঘর অতিক্রম করিয়া চলিয়া গেল। পরমুহুর্তেই অরুণ প্রবেশ করিল)

অরুণ। মদ্রুরীবাবু! হরিশ, মদ্রুরীবাবু কি এখনও বরফ নিয়ে ফেরেন নি? (প্রস্থান)

নেপথ্যে নুট। বশ্ব হয়ে গেল। বশ্ব হয়ে গেল।

নেপথ্যে শ্যামা। সব দরজা-জানলা খুলে দিয়েছি বাবা !

(বরফ লইয়া মদুহরী ভিতরে গেল, বিমলা ও অরুণের প্রবেশ)

বিমলা। রাস্তায় দরোয়ানের সঙ্গে দেখা হ'ল। কি হয়েছে অরুণ, কোনও আশাই কি নেই ?

ওরে, ওদের তুই ভেতরে নিয়ে আস। আমি—

নেপথ্যে নুট। মাই লর্ড—

(বিমলা ও অরুণের বিপরীত দিকে প্রস্থান)

তৃতীয় দৃশ্য

ড্রইং-রুম

(সোফার উপর নুটু শায়িত। শ্যামা, বিমলা, অরুণ, মহাভারত, মমতা, কল্যাণী প্রভৃতি)
নুট। It is easier for a camel to go through the eye of a needle than for a rich man to enter into the kingdom of God

(নুটুর চেতনা হইল। দীর্ঘনিশ্বাস ফেলিয়া চারিদিক চাহিয়া দেখিতে দেখিতে বিমলার দিকে দৃষ্টি নিবশ্ব করিল)

নুট। বিমলা, আমার শ্বর্গদ্বার বশ্ব হয়ে গেল। চারিদিকে অশ্বকার ঘনিষে আসছে।

বিমলা। না না। তোমার সে দ্বার কি বশ্ব হয়, না হতে পারে ? না না।

নুট। বশ্ব হয়ে গেছে। আমি স্দশোভনকে তাড়িয়ে দিয়েছি। কল্যাণীর সঙ্গে সম্বশ্ব অশ্বীকার করেছি। মমতাকে প্রত্যাখ্যান করেছি। মহাভারত চ'লে গেছে। অরুণ— ; কংকণার বাবুদের সঙ্গে— ; আমার শ্বর্গদ্বার বশ্ব হয়ে গেছে বিমলা। সম্মুখে আমার গাঢ় অশ্বকার আমি দেখতে পাচ্ছি।

বিমলা। না। ভাল ক'রে চেয়ে দেখ, তোমার শ্বর্গদ্বার খোলাই আছে। আমি নিজে খুলে দিয়েছি। কংকণার বাবুদের আমি নিজে জবাব দিয়ে এসেছি। কল্যাণী, মমতা, স্দশোভনকে ফিরিয়ে এনেছি।

মহা। দাদাঠাকুর !

নুট। কে ? মহাভারত ? মহাভারত, ভাই ! কল্যাণী কই ? কল্যাণী ?

(সম্মুখে স্দর্বাশ্তের রশ্মি বরে আসিয়া পড়িতেছিল। নেপথ্যে বেহালা বাজিয়া উঠিল)

নুট। কল্যাণী !

কল্যাণী। দাদা !

নুট। মার্জনা—বোন—মার্জনা—

(কল্যাণী কোন কথা বলিল না, নুটুর পায়ে মাথা রাখিল)

একদিন বলেছিলাম, তোমার স্থান আমার মাথায়, যদি কোনদিন প'ড়ে গিয়ে আঘাত পাও, দেখে তোমার খুলোর মালিন্য লাগে—

কল্যাণী। (মদুখ তুলিল, চোখে অশ্রুর রেখা) না না, আঘাত পাই নি, খুলো লাগে নি।

বউদি আমার কোল পেতে ধরেছেন দাদা !

নুট। বিমলা !

(বিমলা কথা বলিল না, স্থান হারিস হারিস)

মহা। দাদাঠাকুর !

নুট। মহাভারত, স্দশোভন কই ? স্দশোভন ?

ভা. র. (২২)—২৯

মহা । ছোট দাদাঠাকুর বারান্দার বঁসে আছেন দাদাঠাকুর । তিনি বললেন, আপনার কষ্ট তিনি দেখতে পারবেন না ।

নুট । বেহালা বাজাচ্ছে, নয় ? আহ, চমৎকার ! সেই গানটা বাজাতে বল মহাভারত, 'যদি তোর ডাক শুনেন কেউ না আসে, একলা চল, একলা চল, একলা চল রে' ।

(অরুণ উচ্ছ্বাসিতভাবে পায়ের উপর পড়িল)

কে ? কে ?

অরুণ । বাবা !

বিমলা । অরুণ । মাফ চাচ্ছে তোমার কাছে ।

নুট । মাফ ! না না, তরি তো অপরাধ নয় ।

বিমলা । তবে তাকে তুমি আশীর্বাদ কর ।

নুট । আশীর্বাদ ! স্ট্যান্ড আপ মাই বয়, স্ট্যান্ড আপ । মাথা উঁচু করে দাঁড়াও ।

(অরুণ দাঁড়াইল)

আমার যাত্রা আজ শেষ হ'ল, তোমার যাত্রা শুরু হ'ল । সে যাত্রার তোমার জয় হোক ।

আমার সম্মুখে সম্মুখা, তোমার সম্মুখে যেন উদয় হয় নবপ্রভাত । কিপ দি ফ্লাগ ফ্লাইং মাই বয়, কিপ দি ফ্লাগ ফ্লাইং !

বিমলা । এইবার তুমি চুপ কর । আর কথা বলো না । হাঁপাচ্ছ তুমি ।

নুট । (ব্যস্তভাবে) একটা কথা—একটা কথা—তোমার একটা কথা বলব শুন ।

বিমলা । বল ।

নুট । না, কারও সাক্ষাতে নয়—কারও সাক্ষাতে নয় । যেতে বল—সব যেতে বল ।

(সকলে চলিয়া গেল)

বিমলা । বল, কি বলছ বল ।

নুট । বলবার কিছু তো নেই । দিচ্ছি—তোমার দিচ্ছি—তুমি গ্রহণ কর—

(বিমলা স্থিরদৃষ্টিতে স্বামীর মূখের দিকে চাহিয়া রহিল)

নুট । বুঝতে পারছ না ? আমার মন, আমার হৃদয়, আমার সব—সব আমি দিচ্ছি, তুমি গ্রহণ কর ।

(বিমলা পাথরের মত উপরের দিকে চাহিয়া রহিল । বাহিরে বেহালা বাজিতেছে । যবনিকা নামিয়া আসিল ।)